



MALO O SAMOA

Samoa
Law Reform Commission

Komisi o le Toefuataiga o Tulafono a Samoa

TULAFONO O TAUALUMAGA TAU
SOLIGATULAFONO 1972
Ripoti 07/12

Ianuari 2012



MALO O SAMOA

OFISA O LE PALEMIA MA LE MINISITA O LE KOMISI O LE TOEFUATAIGA O TULAFONO A SAMOA

Afioga i le Fofoga Fetalai

FONO AOA O FAITULAFONO A SAMOA

Ina ia tusa ai ma le Vaega 9 (2) o le Tulafono a le Komisi o le Toefuataiga o Tulafono 2008, e ia te au le faaaloalo e tuuina atu ai i lau Afioga kopi o le Ripoti o le iloiloga o le Tulafono o Tualumaga Tau Soligatulafono 1972, e tusa ai ma galuega faatino na tuuina mai i le Komisi mo le iloiloina.

O lenei Ripoti o loo tuuina atu ai le aotelega o ana suesuega ma ana fautuaga talafeagai ina ua maea ai faatalatalanoaga faalauaitele ma le mamalu o le atunuu aemaise ai ana suesuega ma auiliiliga i tulaga uma e tusa ai ma le Vaega 4 o le Tulafono o le Toefuataiga o Tulafono 2008.

(Afioga Tuilaepa Fatialofa Lupesoliai Aiono Neioti Dr. Sailele Malielegaoi)

**PALEMIA MA LE MINISITA MO LE KOMISI O LE TOEFUATAIGA O
TULAFONO A SAMOA**



MALO O SAMOA

Afioga Tuilaepa Fatialofa Lupesoliai Aiono Neioti Dr. Sailele Malielegaoi

PALEMIA MA LE MINISITA MO LE KOMISI O LE TOEFUATAIGA O TULAFONO A SAMOA

Ina ia tusa ai ma le Vaega 9 (2) o le Tulafono mo le Komisi o le Toefuataiga o Tulafono 2008, e ia te au le faaalalo e tuuina atu ai i lau Afioga kopi o le Ripoti o le iloiloga o le Tulafono o Taulumaga Tau Soligatulafono 1972, e tusa ai ma galuega faatino na tuuina mai i le Komisi mo le iloiloina.

O lenei Ripoti o loo tuuina atu ai le aotelega o ana suesuega ma ana fautuaga talafeagai ina ua maea ai le faatalatalanoaga faalauaitetele ma le mamalu o le atunuu aemaise ai ana suesuega ma auiliiliga i tulaga uma e tusa ai ma le Vaega 4 o le Tulafono o le Komisi o le Toefuataiga o Tulafono 2008.

(Leota Theresa Potoi)

PULE FAATONU

KOMISI O LE TOEFUATAIGA O TULAFONO A SAMOA

Upu Tomua

O le moomia o le toefuata'iga o le tulafono o soligatulafono a Samoa o se tasi lea o mafua'aga malosi i le faavaeina o le Komisi o e Toefuata'iga o Tulafono a Samoa ('Komisi').

O Novema 2008, na tuuina atu ai e le Kapeneta ma le Ofisa o le Loia Sili le Tulafono o Soligatulafono i le Komisi. Ia aofia ai i lea suesuega le toe silasila ma toefuataiga o le *Tulafono o Soligatulafono 1962*, le *Tulafono o Taulumaga Tau Soligatulafono 1972*, le *Tulafono o Molimau 1962* ma le fuafuaina o se Tulafono Taufaaofi o Faasalaga.

O le ripoti la a le Komisi i le toefuata'iga o le *Tulafono o Soligatulafono 1962* na faato'ā mae'a ia Iuni 2010 ma sa faataatia atu loa i luma o le Laulau a Fono a le Palemene i le aso 6 Tesema 2010. Na faia ai i lenā ripoti fautuaga e 62 mo le toefuata'iga o tulafono o soligatulafono a Samoa. O ripoti e faasino i le *Tulafono o Molimau* na te tau atiina a'e o le Tulafono Taufaaofi o Faasalaga o le a tuuina atu i se aso o muamua.

Ua tuuina atu i le ripoti lenei ni fautuaga e 34 mo le toefuata'iga o le *Tulafono o Taulumaga Tau Soligatulafono*. O loo faavae fautuaga ua faia i lenei ripoti i le manaomia e tulafono a Samoa i taulumaga o Soligatulafono ina ia puipuia ma faalauiloa le aiā tatau o tagata uma ua molia i se soligatulafono ia maua se faamasinoga talafeagai ma le moomia mo se faiga amiotonu tau soligatulafono lea e lagolagoina manaoga o le lautele o tagata o Samoa. Na atiina a'e fautuaga o lenei ripoti i le fesoasoani mai o Sui o le Malo, alii ma tamaitai loia ma tagata o le atunuu. I le 2009, na faatuina ai se Soa-Komiti o le Vaega Galulue mo le Iloiloina o le *Tulafono o Soligatulafono*, na aofia ai sui sinia o le Matagaluega o le Faamasinoga, le Ofisa o le Loia Sili (AGO) ma le Matagaluega o Leoleo ma Falepuipui. Na ta'ita'ia e le sui o le AGO le Soa-Komiti. Na fono faaono i le va o Fepuari 2009 ma Fepuari 2010 na talanoaina ai mataupu e faasino i le faaaogaina ma le faamatalaina ma faauigaina o le *Tulafono o Taulumaga Tau Soligatulafono* ma aiaia ai fautuaga mo lo latou fuata'iga.

Ia Mati 2010, na tuuina atu Pepa o Faamatalaga IP 06/10 e le Komisi. O Pepa o Faamatalaga na sailia ai se tali mai a tagata lautele e faasino i toefuata'iga taua e 19 mo le *Tulafono o Taulumaga Tau Soligatulafono*. Na maua e le Komisi ni finagalo tusitusia e tolu i le tali ma i le Pepa o Faamatalaga. E faaopoopo atu, ia Novema 2011, na faafoeina ai e le Komisi ni feutaga'iga ma faatalatalanoaga ma Sui o le faamasinoga ma e galulue faa-loia ina ia sailia o latou finagalo e uiga i toefuataiga ua aiaia i le *Tulafono o Taulumaga Tau Soligatulafono*. O le faasologa o manatu na maua mai tagata na fesiligia e le Komisi o loo i le Faamatalaga 3. E fia faamauina le faafetai a le Komisi ia i latou uma na tuuina mai lo latou taimi taua, le tomai ma finagalo sa fesoasoani mai ai i le Komisi e atia'e fautuaga talafeagai lelei ma e mafaia ona faatinoina mo le toefuata'iga o le *Tulafono o Taulumaga Tau Soligatulafono*.

Faasologa o Mataupu

Upu Tomua	4
Faasologa o Mataupu.....	5
1. Faatomuaga	8
O le matafaioi o tulafono tau tualumaga o soliga-tulafono	8
O le mana’oga mo suiga.....	8
Manulauti o fautuaga mo toefuata’iga	9
2. Malosi’aga o Leoleo	10
Faamatalaina o ‘Leoleo’	10
Malosiaga o Leoleo e taofi/faatu ai ma suesueina taavale afi	11
Faiga o loo i ai nei ma pulega faaletulafono e faatusatusa iai	11
3. Faamatalaga	14
4. Tatala i Tua	16
Mea ua mautinoa ma le tete’e i le Tatala i tua	17
Manatu e faasaga i le Tatala i Tua	19
Faatapula’aina o le vasega o tagata e mafai ona tatala i tua e tusa o o latou aiā tatau.....	20
Pule Faitalia a le Faamasinoga i le tagata lea ua le mafai ona tatala i tua e tusa o aiā tatau.....	21
Tatala i Tua ao loo faatali le faasalaga ma le toe talosaga (apili).....	26
Tatala i tua a’o faatali le faasalaga.....	26
Tatala i Tua ao faatali le apili.....	28
Manatu na tuuina mai	29
Aiaiga o le Tatala i Tua	30
Pulega faa-faamasinoga e faatusatusa iai	31
Feagaiga o le Tatalaga i Tua.....	33
O le aumaia i totonu o pepa malaga o se tasi o aiaiga o le tatalaga i tua	34
Fetuutuuna’iga o Aiaiga	34
Mea e Tula’i mai pe a solia tuutuuga o le Tatalaga i Tua	35
O e ua molia Talavou	37
5. O le le tulai i le Faamasinoga	38
Pulega Faafaamasinoga e Faatusatusa iai.....	39
6. Tapena mo se faamasinoga ae lei faia	41

Fautuaga ma le taulagalaga o le faafoeina o mataupu ua uma ona tagofia	42
Malosiaga o Resitala o le Faamasinoga	43
Malosiaga fou ua faatuina mai mo Resitala ma Sui Resitala	43
Pulega Faafaamasinoga e faatusatusa iai	45
Mea e mafai ona faaali atu ao lumanai le faamasinoga.....	48
Mea e mafai ona faaali atu e le Itu a Leoleo/Loia Sili.....	48
Pulega Faafaamasinoga e faatusatusa iai	49
Faailoaina o faamatalaga a le itu tete'e.....	54
Mau tete'e e ese le mean a iai i le taimi na tupu ai le faalavelave	55
Molimau mai se tagata tomai faapitoa.....	56
Gagana o faamatalaga faa-faamasinoga.....	57
Suesuega muamua ao lumanai le faamasinoga	58
7. Molimau	61
Faamasinoga e le Auai le Molimau	61
Molimau a e o loo i atunuu mamao	63
Pulega Faafaamasinoga e faatusatusa iai	63
8. Puipuiga o e aafia gofie ma molimau	66
Taofia o le Faasalalauina o Igoa.....	66
Faamasinoga e Faasa ai Tagata Lautele ma le Au Faasalalau	68
9. Faatonu	72
Soloia o Faamasinoga e iai Faatonu	74
O isi fautuaga ia toefuataiga ai faamasinoga a faatonu.....	77
Mea Taua mo le Avea ma Faatonu.....	77
Filifiliga o Faatonu e Auai i se Faamasinoga.....	78
Lui'ina o Faatonu	79
O le malosiaga o le faamasino o loo taitai e teena ai se faaiuga ua agasala ua tuuina ane e faatonu	81
Filifiliga o le Faamasino na'o ia le Faamasinoga	83
10. Toe Faia o Faamasinoga	86
Fuiaiupe 107 – Toe faia o Faamasinoga i totonu o Faamasinoga Faa-Itumalo	86
Fuiaiupe 108 – Faamasinoga toe faia i le Faamasinoga Maualuga.....	87
O Atugaluga e Faasino i Tausalumaga o loo iai i le taimi nei i le toe faia o se faamsinoga	89

O isi avanoa mo le toefuataiga.....	90
11. Totogi ma Tau	91
Totogi o Faamasinoga o Soligatulafono	91
Totogi e Faasaga i le itu a Leoleo/Loia	92
O le Manaomia o le toe faafou o le fua o tulaga o totogi	92
Totogi e faasaga i le itu a Leoleo/Loia	93
O le faia o ni totogi ua sili atu ma tatau ma fetaui	95
Tau ma mea e Toe Faaola	96
12. Fautuaga Lautele	96
Mea o loo faia ai le faasalaga i le oti	97
Faiga o le Toefuataiga o Tulafono	97
Lisi o Fautuaga	98

1. Faatomuaga

- 1.1 Na iloiloaina e lenei Ripoti mataupu faapitoa e faasino i le *Tulafono o Taulumaga Tau Soligatulafono 1972(TTTS)* ma sailia ai isi tulaga mo lo latou toefuata'iga. O mataupu na talanoaina i lenei Ripoti e aofia ai itu o atugaluga na laga'ia e le Soa-Komiti o le Vaega Galulue mo le Iloiloga o le Tulafono o Soligatulafono('o le Vaega Galulue'), sui o le faamasinoga ma alii ma tamaitai loia ma sui mai tagata lautele.

O le matafaioi o tulafono tau taulumaga o soliga-tulafono

- 1.2 Ua i ai tulafono laiti mo taulumaga tau soligatulafono e maua ai se tulaga talafeagai ma amiotonu mo le faamautuina pe ua solia e se tagata pe leai foi se soligatulafono. E ao lava ina amana'ia e tulafono o taulumaga tau soligatulafono aiā tatau o tagata taitoatasi uma i se faamasinoga talafeagai, aemaise foi le aafiaga o tagata lautele atoa lava.
- 1.3 Ua faatulaga mai i tulafono o aiā tatau a tagata faavaomalo ma le *Faavae o Samoa* itu aupito laititi o mana'oga mo se faamasinoga talafeagai i aiā tatau o tagata uma i se faamasinoga talafeagai faalaua'itele e tuto'atasi ma e lē faaituau; o le talitonuga masani lava e faapea o tagata uma lava e molia i se soligatulafono e māmā sei vagana ua faamaonia se soligatulafono e tusa ai ma le tulafono; ma le aiā tatau a tagata uma ua faamaonia se soligatulafono ma ia maua le avanoa e toe iloilo ai le soligatulafono a le alii poo se tamaitai e se faamasinoga maualuga. O nei tulaga uma faavaomalo ma itu uma ua faamaonia mai i le faavae ua fuafuaina ia faaititia le faaono tula'i mai ona faafitauli e faasalaina ai ni tagata e le sala ma tausisia ai pea le faatuatuaga o tagata lautele i le faiga faaletulafono o soligatulafono.
- 1.4 E faaopoopo atu i le malu puipuia o aiā tatau o tagata taitoatasi, o tulafono laiti o taulumaga o soligatulafono e tatau lava ona faalaua'iteleina atu le faiga faavae faalefaamasinoga e talafeagai ma amiotonu mo le manuia o le atunuu atoa.

O le mana'oga mo suiga

- 1.5 O tulafono laiti o loo pulea'ina ai taulumaga i faamasinoga tau soligatulafono i totonu o Samoa o loo muamua lava i totonu o *TTTS* ma le tulafono faavae lautele. E aofia i le *TTTS*: aiaiga e pulea malosi'aga faa-leoleo mo le saisaia mai o tagata ua masalomia i le soliga o se tulafono; taulumaga faa-faamasinoga mo faamasinoga ma faamautuina pe o sea tagata ua faamaonia le soliga o le tulafono, tulafono laiti e uiga i faasalaga ma taulumaga e faatatau i le fofogaina o apili. O le *Tulafono Taufaaofi o Taulumaga Faa-Faamasinoga o Soligatulafono* na faauluina atu i totonu o le Palemene i le aso 20 Iuni 1972. Na maitauina i le faitauga lona lua o le Tulafono Taufaaofi e faapea na tusia ina ia faafetaui ai tulaga o Samoa i Sisifo, ma i lea lava taimi o loo o faatasi lava ma tulafono e foliga tutusa ma atunuu i fafo. Na pasia le Tulafono Taufaaofi ma amata faamamaluina le *TTTS* i le aso 8 Tesema 1972.
- 1.6 E ese mai ai i le faaofiina i ai o tulafono laiti na pulea apili mai le Faamasinoga Maualuga i le Faamasinoga o Talosaga i totonu o le 1992 – 93 ma le toe teuteuina aoao i le 2008, e le'i tele se toe iloiloga ma se faafouga talu mai le 1972.

- 1.7 I le fasefulu o tausaga talu mai ona pasia le *TTTS*, o le auala sa fofogaina ai e faamasinoga ma faamautu a latou suesuega o mataupu tau soligatulafono ua suia e faiga fou faatekonolosi, ua faateleina ai manaoga ma itu moomia e le faiga faavae o soligatulafono ma le faavasegaina o soligatulafono fou. O le toefuata'iga o tulafono ua manaomia ia faafou tulafono laiti e pulea ai taulumaga faafamasinoga o soligatulafono ina ia sili atu ona lelei ma atagia i mana'oga o le taimi nei ma faamanino mai le faagaioiga o le Tulafono lea ua tulai mai ai mataupu i le faatinoga. I le leai o ni teuteuga o tulafono faatonotonu i le tulafono i totonu o le *TTTS*, ua silasila ai faamasinoga i le tulafono faavae lautele e lima taitaina ai le faatinoga o malosiaga o le faamasinoga. A'o avea la lea tulaga o se mea taua ma uiga talafeagai o le faia o le amiotonu a le faamasinoga, e galueaina ma talafeagai ua aliali mai le agai atu i nisi o tulaga lē mautonu ma fenumia'i i tulafono laiti ma taulumaga ia e faaoga i nisi o mea e tula'i mai. O le faavasegaga o tulafono o nisi o tulafono laiti faavae lautele o le a maua ai se malamalaaga ma faamasinoga aemaise itu auai i taulumaga faa-faamasinoga o soligatulafono.
- 1.8 Talu mai le faaulufaleina mai o le *TTTS* sa pasia foi e Samoa nisi tulafono talafeagai ma nisi itu o taulumaga faafaamasinoga o Soligatulafono, e aofia ai tulafono e faasino i malosiaga o leoleo; pulega faafaamasinoga a le Faamasinoga Faa-Itumalo ma le Faamasinoga Maualuga; molimau; ma tagata solitulafono talavou. O le mea la lea ua iloiloaina ai e lenei Ripoti e galulue ma le fesootai o le *TTTS* ma isi tulafono e talafeagai ai.

Manulauti o fautuaga mo toefuata'iga

- 1.9 O fautuaga mo toefuata'iga o le *TTTS* na aofia i totonu o lenei Ripoti ua taula'i atu i le faalauteleina o faiga faavae e lua:
- o le puipuiga malu ma le faalauiloaina atu o aiā o lē ua molia ia maua se faamasinoga talafeagai ma isi aiā tatau faavae o le tagata; ma
 - le manaomia o se faiga faa-lefaamasinoga talafeagai, lelei ma aoga lea e tautuaina mea e manuia ai tagata lautele o Samoa.
- 1.10 E le faapea o le mataupu i suiga na'o na faavae i luga o le taofi e faapea o isi pulega tau faamasinoga ua faafou a latou tulafono o taulumaga tau soligatulafono. I le faia o fautuaga mo toefuataiga, ua manatu le Komisi itu e tulaga'ese o tu ma aganuu a Samoa aemaise mea o loo tutupu ma mea e moomia e le atunuu.
- 1.11 O loo tauaveina lava foi e le Komisi faamanuiaga e maua mai i le faavasegaina o tulafono laiti a le faamasinoga ma ana taulumaga i totonu o le tulafono ina ia malamalama ai tagata uma o lo aafia i taulumaga faasolitulafono i o latou aiā tatau ma matafaioi. Ae peitai ane, ua sailia e le Komisi se tulaga paleni ma le moomia e faamasino ia maua pea lana pule ina ia mafai ai ona fetuutuuna'i e tali atu ai tulaga fou e tula'i mai pe ā tula'i mai.
- 1.12 E lei faia e le Komisi se faiga e iloilo ai le fuaiupu i le fuaiupu o le *TTTS*. Ae peitai, na tulimata'ia e le Komisi mataupu iloga ma faafitauli o le *TTTS*, ia matauina a'o faagasolo taulumaga ma faatalatalanoaga ma ē e aafia ai. O nei mataupu na aofia ai:
- le lautele ma le faatinoina o malosiaga o leoleo;
 - mea e aofia i faamatalaga;

- faaiuga e talia le tatala i tua pe leai;
- malosiaga a le faamasinoga pe a le faatasi atu se itu i luma o le faamasinoga;
- pulega o se mataupu ao lumanai le faamasinoga e aofia ai itu e faasino i malosiaga o resitala o le faamasinomaga mea e tau atu ae lei faia le faamasinoga ma suesuega ae le'i faia le faamasinoga;
- mataupu na filifilia e faasino i le tuuina atu o molimau;
- le puipuiga o ē ua aafia ma molimau aafia gofie;
- o le matafaioi a faatonu o le faamasinoga i le faiga faafaamasinoga tau soligatulafono;
- toe faia o faamasinoga; ma
- totonu ma tau.

1.13 O le Vaega V o le *TTTS* lea e faasino i le faia/tuuina atu o faasalaga ma le faamalosiaga o sala, e le o iloilo ina i lenei Ripoti. O le a silasila le Komisi i le toefuataiga o tulafono o faasalaga i lana suesuega o le Tulafono Taufaaofi o Faasalaga lea ua amata aiaia. Ona o lea foi o le a tagofia e le Komisi le toe iloilo ina o tulafono o molimau i se taimi o lumanai, e lē o aafia i lenei Ripoti se iloilo ina loloto o mataupu uma e faasino i molimau.

2. Malosi'aga o Leoleo

2.1 O Fuaiupu 4 i le 9 o le *TTTS* o loo faasino i malosiaga o leoleo e saisaia mai ai se tagata i le i ai poo le leai o se tusi saisaia, e aofia ai ma aiaiga e uiga i malosiaga o leoleo e ulufale ai i se nofoaga e faia ni saisaia mai o ni tagata. E lua itu na lāgā e faatatau i malosiaga o leoleo; o le faamatalaga o le 'leoleo'; ma le malosiaga o leoleo e taofi ai ma su'esu'e taavale afi.

Faamatalaina o 'Leoleo'

2.2 O le fuaiupu 2 o le *TTTS* ua faamatalaina ai le upu 'leoleo' ia aofia ai soo se sui lava o leoleo.

2.3 Ao faia taualumaga o fonotaga a le Vaega Galulue, ma faaalua ai e le Matagaluega o Leoleo ma Falepuipui lo latou atugaluga e faatatau i le faaaogaina lautele o lenei faauigaina e faasino i malosiaga o leoleo, e faapea o leoleo e mafaia ona 'faatautoina' pe 'leai foi'. O sui e faatautoina o sui o le vasega o leoleo ua faia le tautoga o le galuega e tusa ai ma le fuaiupu 7 o le *Tulafono o le Auaunaga Faaleoleo 2009*. E na'o sui ua tauto e mafaia ona faatino galuega faaleoleo e pei ona faamatalaina mai i lalo o le *TTTS*, e pei o le faatino ina o tusi saisaia poo le tuuina atu o faamatalaga. O sui o le ofisa o leoleo 'e lei tauto' i le isi itu, e aofia ai tasi tusi, ofisa tusitusi, sui auai o le Faili a Leoleo ma isi tulaga faapena. O le mea lea na faaalua mai ai e le Vaega Galulue e faapea o le faauigaina o le fuaiupu mai isi fuaiupu talafeagai o le *TTTS* e ao lava ona matua faamanino mai le eeseega o le va o ituaiga leoleo e lua.

O Manatu o le Komisi

2.4 Ua fautuaina e le Komisi e faapea o le faamatalaina o le upu 'leoleo' mo le faaaogaina i le Tulafono e tatau ona teuteuina ina ia mafaia ai ona faamanino ai e faapea o malosiaga o leoleo ua maua i totonu o le *TTTS* e faatoa mafaia lava pe a faaaogaina le upu leoleo 'faatautoina' o le Vasega o Leoleo.

Fautuaga 1: O le faamatalaina o le upu ‘leoleo’ i le fuaiupu 2 o le *Tulafono o Tualumaga Tau Soligatulafono 1972* e tatau ona teuteuina ina ia aofia ai na’o sui o leoleo ua tautō, e pei ona faamaninoina e le fuaiupu 6(2) o le *Tulafono o Auaunaga Faaleoleo 2009*, ia ua latou tagofia le tautoga o le galuega e tusa ai ma le fuaiupu 7 o le *Tulafono o Auaunaga Faaleoleo 2009*.

Malosiaga o Leoleo e taofi/faatu ai ma suesueina taavale afi

- 2.5 E mafai e leoleo ona faatino malosiaga taua e fai ma sui le malo ma ia mafai ai ona faatonutonu ma faamalosi le tulaga o le filemu lautele, amiopulea ma le soifua maloloina ma le saogalemu mo le soifua sololelei o tagata nuu uma ma lo latou soifua manuia aoao. Ae peitai, o nei malosiaga e ao lava ona faatinoina talafeagai lelei ma faatasi ma le faaaloaloga o aiā tatau o tagata taitasi.
- 2.6 O le malosiaga o leoleo e taofi ma su’e tagata ua masalomia ua solia poo ua uma soli se soligatulafono ma a latou meatotino, o se uiga taua tele i le taofia ae le gata i lea o le suesueina o se soligatulafono. O le mafuaaga autu lava o le malosiaga o le taofia ma suesueina ina ia mafai ai e alii ofisa ona faafilemu poo le faamautuina malosiaga e uiga i ni tagata e aunoa ma le faatinoina o o latou malosiaga e ‘ave ai faapagota’. Ae peitai, o malosiaga e taofi ai ma suesueina e ao lava ina faaaogaina i tulaga talafeagai ma le lē faatautala, faatasi ma le faaaloalo i tagata o loo suesueina ma e aunoa ma uiga faaituau e le tusa ai ma le tulafono. E faaopoopo atu e faapea, o le o’o atu lea i le saolotoga o le tagata na taofia ma/poo ua suesueina e tatau lava ona faagata i le mea ua talafeagai mo le puipuia ma/poo le suesueina o le soligatulafono.

Faiga o loo i ai nei ma pulega faaletulafono e faatusatusa iai

- 2.7 O le fuaiupu 36 o le *Tulafono o Malosiaga o Leoleo 2007* ua maua ai e leoleo le malosiaga e faatu ai, suesue ma taofia se tagata pe afai ua latou masalomia i luga o mafuaaga talafeagai e faapea o lea tagata o loo ia tauaveina se mea e aoga i se soligatulafono matuiā ma o e mea lea ua tatau ai loa ona faaaoga le malosiaga e aunoa ma le pule o se tasi e suesueina ai. E le o aofia i le tulafono se malosiaga ua faapea mai o le taofia o taavale, ae peitai, o lea e faaaogaina lea tulaga i le malosiaga e taofi ma suesue tagata.
- 2.8 O le fuaiupu 14A o le *Tulafono o Fualaau Faasaina 1967* ua maua ai e leoleo le malosiaga e suesue ai e aunoa ma se tusi pe afai ua mautinoa e le leoleo e i ai mafuaaga talafeagai e talitonuina e faapea e i ai, o loo i totonu poo i soo se nofoaga/fale, vaalele, vaa o le sami, la’uuta, taavale afi poo se nofoaga, soo se fualaau faasaina e fesootai atu i se soligatulafono e faasaga i le *Tulafono o Fualaau Faasaina* ua uma ona faia, ma i lalo o ia tualumaga, e tatau lava ona faatinoina loa se suesuega faavavevave ma e leai se taimi e talosaga ai se tusi mo se suesuega.
- 2.9 Ua faatagaina foi ofisa leoleo i lalo o le *Tulafono o Taavale Feoa’i i luga o Auala 1960* e taofi ai taavale ma aveese mai luga o le auala ina ia faamalosi aiaiga o lena Tulafono ona o le saogalemu i luga o auala.

- 2.10 O le *TTTS* o loo aiaia ai foi leoleo e maua le malosiaga e saisaia ai soo se tasi e aunoa ma se tusi saikai, ulufale i nofoae aunoa ma ni tusi saikai e pu'e mai ai se ua solitulafono poo le taofia mai i le soligatulafono, ma saikai mai i luga o se tusi saikai. O le fuaiupu 83 o loo nafa ma malosiaga o faamasinoga e tuuina atu tusi saikai mo leoleo e taofia taavale ma suesue taavale. Ae peitai, o le o i ai ni aiaiga e faasino i leoleo e taofia ma suesueina taavale e aunoa ma se tusi saikai pe a tulai mai se masalosaloga talafeagai e faapea o se soligatulafono o loo ua faia poo ua faatino e se tagata i totonu poo ua aafia ai le taavale.
- 2.11 O le aga atu i ai o tu ma aganuu a Egelani i malosiaga o le suesueina o soligatulafono ma le faamalosiaga o tulafono ia moomia ai tusi saikai mo lo latou faatinoina. O lenei aga atu na tauaveina atu foi i luma e Ausetalia ma Niu Sila ma i totonu o tulafono o pulega faafaamasinoga e o faatasi ma sootaga vavalalata i nei atunuu, e pei foi o Samoa. I nei la pulega faafaamasinoga, ua aofia i tulafono aiaiga i le saikai mai i luga o tusi saikai ma le saikai mai e aunoa ma ni tusi saikai. Ua faatagaina le ofisa leoleo ia faia se saikai mai e aunoa ma se tusi saikai e faavae lea i luga o se mafuaaga lelei e masalomia e faapea o ni vaega faapitoa o soligatulafono ua uma solia.
- 2.12 I totonu o Peretania Tele (PT), o malosiaga o leoleo e taofia/faatu ai ma suesue o loo aofia i totonu o ff 1-7 o le *Tulafono o Leoleo ma Molimau o Soligatulafono 1984* (PT) (Tulafono o Leoleo ma Molimau o Soligatulafono). O le fuaiupu 1 o le Tulafono o o Leoleo ma Molimau o Soligatulafono ua tuuina atu ai i ofisa leoleo le aiā e taofia ai ma suesue tagata ma taavale i se nofoaga faitele. I le faatinoina la o lea malosiaga, e ao lava i le ofisa ona i ai ni mafuaaga talafeagai mo le masalomia e faapea o se tagata o loo i ai se mea (poo o loo i totonu o le taavale) gaioi poo se mea e faasaina. O mea e faasaina e aofia ai mea ia e pei o aupega faasaina ma mea e faaoga i itu tau le talepe fale poo le gaioi. Ao le'i suesueina la se tasi poo se mea, e ao i le leoleo ona faamautinoa atu o ia o le alii poo le tamaitai leoleo ma faaali atu foi lana pepa o tusi saikai, ta'u atu lona igoa ma le igoa o le ofisa o leoleo; faaupu atu mafuaaga mo le suesueina ma mafuaaga faaletulafono mo le suesuega; ma faailoa atu i le tagata e faapea o le ata (kopi) o le pepa suesue o le a maua pe a tāpā mo le 12 masinoo. O nei malosiaga ua tuuina atu i ofisa leoleo tumau ma e ofo mai.

Manatu na tuuina mai

- 2.13 I totonu o Pepa o Faamatalaga, na fesili atu ai le Komisi afai o se malosi'aga aoao mo leoleo ia faatu taavale ma faia poloka o auala ia ta'u i totonu o le *TTTS* (fesili 1), ma afai o lea, pe e tataua ona i ai ni taiala i totonu o le *TTTS* ia faamanino tualumaga talafeagai mo leoleo ia mulimuli tonu pe a oo ina faatino ituaiga malosiaga ia (fesili 2).
- 2.14 Na maua e le Komisi manatu e lua mai tagata lautele, o ia taofi uma e lua e lagolagoina toefuataiga ia e pei ona faatuua atu. O se tasi e aafia ai na ia ta'ua e faapea e tataua na i ai ta'iala ina ia silafia ai e tagata lautele o latou aiā e faasino i suesuega o mea totino (pe o se taavale, ofisa poo se fale) lea ua aliali mai ai le faaleagaina poo ua aafia le mea totino ma le le mafai ona toe faafoi lea mea totino i le tulaga sa i ai muamua e leoleo. O isi tagata e aafia ai na faatalanoaina sa latou faaalua lava i se tulaga aoao tetele lo latou ioeina o nei toefuata'iga. Na faapea mai se tasi tagata e aafia ai e faapea o lea ua faatinoina lava e leoleo poloka o auala ae o le mea moni e le o i ai se malosi'aga ia i latou e fai ai, ma e

faapea o tulafono na manaomia ia faamautuina ai e faapea o loo faaaogaina lelei ma sa'o o o latou malosia'aga ma o tulaga maualuluga ma faapolofesa o loo tulimata'ia e leoleo.

- 2.15 I fonotaga a le Vaega Galulue na manatu le Vaega e manaomia le faaulu o se aiaiga i totonu o le *TTTS* e le gata o le maua mo malosiaiga tutusa ia e pei ona i ai i le *Tulafono o Malosi'aga a Leoleo 2007* ma le *Tulafono o Fuala'au Faasāina 1967*, ae peitai ia aiaia ai foi ta'iala mo taulumaga talafeagaiga e faapea e ao i leoleo ona mulumulita'i i ai pe a faatinoina ia malosiaiga. O le manatu na faatu mai e le Vaega Galulue e faapea e i le *TTTS* ona faataga leoleo e faatu taavale ma siaki laisene avetaavale, ae le gata i lea ia faamalosia leoleo e faia poloka auala pe afai o loo i ai mafuaaga tatau e ao ai ina faia.
- 2.16 Na faatuina mai e se tasi o sui o le Vaega Galulue e faapea e tatau ona i ai se fuaiupu fou e faaofi i totonu o le *TTTS* ia faataga ai le leoleo e faatu se taavale mo le mafuaaga o le faia o se suesuega pe afai na faamalieina le alii leoleo e faapea o mafuaaga mo le faatinoina o lenei malosiaiga faaetutulafono ia suesueina o loo i ai, poo se tusi saisai ua tuuina mai ma o loo aoga. E ao i le tulafono ona maua ai e le leoleo le malosia e faatinoina ai le malosiaiga e faatu ma suesue ia tuuina atu molimau e faapea o ia o le alii poo le tamaitai o se sui o le vasega o leoleo (e fai ma faataitaiga, le ofuina o le toniga poo le i ai i totonu o le taavale a leoleo), ia faaali atu ia o le alii poo le tamaitai i le avetaavale, ma ia ta'u atu i le avetaavale o lea e faatino malosiaiga faaetutulafono e suesue ai. Na atili faatu mai foi e faapea o taiala o taulumaga e tatau ona faataga le leoleo ina ia manaomia soo se tagata i totonu poo i luga o le taavale ia ta'u mai lona igoa o se alii poo se tamaitai, tuatusi poo le nuu e nofo a ma le aso fanau poo isi itu taua. I lalo o lenei manatu, o le lē tu o le taavale pe a manaomia le tu e se leoleo o se soligatulafono la le mea lenā. Na ta'ua e faapea o nei aiaiga na faatuina mai e le gata o le a faafaigofieina ai le galuega a leoleo ae o lea maua ai foi taiala e sili atu ona lelei mo leoleo i mea latou te mafai ona faatinoina o latou malosiaiga.
- 2.17 O le sui lava lea o le Vaega Galulue na faatuina mai foi e faapea e tatau ona faaofi se fuaiupu fou i totonu o le *TTTS* e faasino i le malosiaiga o leoleo ia faia se poloka a leoleo mo le mafua'aga o le suesueina o oloa gaioia, fualaa faasaina ia poo le saisai mai o se tagata.
- 2.18 Ao faagasolo taulumaga o faatalatalanoaga ma le vasega o loia, sa aliali mai se manatu aoao e faapea o malosiaiga o leoleo e tatau ona faatasitasi i se tulafono e tasi nai lo le ta'ape solo i tulafono eseese. O le tele o e e aafia ua manatu e faapea o ia auai e tatau ona aafia i totonu o le *Tulafono o Malosiaga o Leoleo 2007* ona o sea tulafono na tagofia tonu lava ia aafia ai malosiaiga o leoleo.

Manatu o le Komisi

- 2.19 Ua manatu le Komisi e faapea o le malosiaiga o leoleo e faatu ma suesue taavale e ao lava ona pulea lelei ma le faaeteete ina ia puipuia ai aiā tatau o tagata. O taiala faaetutulafono ia e pulea ai le faaaogaina o malosiaiga o leoleo e manaomia ai le faalauiloaina atu ai le faatinoina talafeagai o malosiaiga mo le manuia o le mamalu o le atunuu ae le gata i lea a'o leoleo foi ia o loo latou faaaogaina ia malosiaiga. Ua taofi le Komisi e faapea e ao lava i tulafono ona matuā manino lelei ona faia o tulafono laiti e faasino i mataupu e pei o pule faaetutulafono e taofi ma suesue, tagata ua faatagaina e galue i lalo o lena pule; le taimi ma

foliga na faia ai sea suesuega e mafai ona faatino; le faaaliga ia tuuina atu i le tagata ua aafia; ma taualumaga masani e ao ina mulimulita'i.

2.20 Ua finagalo le Komisi e faapea o se vaega talafeagai o le tulafono ia aiaia ai mo leoleo ma o latou malosiaga ia taofia ma suesue taavale o le *Tulafono o Malosiaga o Leoleo 2007*, nai lo le *TTTS*. Ua i ai le Tulafono o Malosiaga o Leoleo 2007 tulafono laiti e faasino i malosiaga o leoleo e faatu ma su'e, ae peitai e le'o manino mai le ta'uina o le pule e taofi ai taavale. E manatu le Komisi o se tulaga lelei pe afai o aiaiga ma e faasino i malosiaga o leoleo o loo i ai i le Tulafono. O le tuufaatasia o malosiaga moomia o leoleo i se tulafono e tasi o le a fesoasoani tele lea i leoleo ia malamalama ma faatino faaetutulafono o latou malosiaga ma o le a mautinoa ai foi e faapea o taualumaga o le faaaogaina o malosiaga o leoleo o le a manino ma o gatasi/le suia. Ua matauina e le Komisi e faapea o le fuaiupu 83 o le *TTTS*, lea e faatagaina ai le Faamasinoga e tuuina atu le tusi saisai ma faatulaga atu ai taualumaga e faapea o leoleo e ao ina mulimuli pe a faaoga le tusi saisai, nafa ma le faaaogaina o le poloaiga a le faamasinoga pe ese mai ai le malosiaga tutoatasi o le leoleo, ma o le mea lea e ao ai lava ina tumau pea i le *TTTS*.

Fautuaga 2: E tatau i le *Tulafono o Malosiaga o Leoleo 2007* ona suia pe teuteu ina ia aofia ai se aiaiga fou, e faavae i luga o le f 36 (malosiaga e taofi ma suesue se tagata), e faamautu ai le malosiaga e taofi se taavale poo le faaoga le poloka o le auala lea ua maua ai e se leoleo ni mafuaaga talafeagai mo le masalomaiaina o sea tagata i totonu o le taavale o loo ia te ia se mea poo o loo i ai i le taavale se mea nagaioia poo se isi faiga na maua i se auala faasolitulafono. O sea aiaiga fou e tatau ona faatulaga atu ai taualumaga e faapea e tatau i leoleo ona mulimuli i ai pe a oo ina faaoga le malosiaga, e aofia ai e faapea o le leoleo:

- Ia ofu lana toniga poo i totonu o se taavale lea e mafai ona iloagofie ai o ia o le alii/tamaitai o ia o se sui o leoleo, poo le tuuina atu molimau e faapea o ia o le alii poo le tamaitai o se sui ole vasega o leoleo;
- I le taimi lava lea ina ua tu le taavale, faailoa ia o le alii poo le tamaitai i le avetaavale o le taavale i le tuuina o lona igoa o le alii poo le tamaitai ma le ofisa o leoleo;
- Faailoa atu i le avetaavale le faatuina ma le sueina o le taavale e tusa ma le tulafono e faapea o loo fia faaaogaina e le leoleo, poo le tusi saisai ua i ai ma o loo aoga; ma
- Faia se ripoti o le suega na faatinoina ma ia tuuina se kopi i le avetaavale.

3. Faamatalaga

3.1 E masani lava ona amata taualumaga tau solitulafono ina ua tuuina atu e leoleo se faamatalaga i luma o le faamasinoga ma tuuina se kopi i lē ua molia. O se faamatalaga o se faamatalaga tusia ua faatautoina e faapea ua auiliili atu ai mea taitasi o le soligatulafono faapea ua molia ai le tagata ua na solia.

3.2 Ua aiaia i le *Faavae* e faapea o tagata taitoatasi uma ua molia i se soligatulafono e i ai lona aiā tatau e faailoa lelei atu ai i se gagana lea e malamalama ai le alii poo le tamaitai, ma ia manino, i le tulaga ma le mafuaaga o le moliaga ua faia e faasaga ia te ia o le alii poo le tamaitai. E taua tele e faapea o se faamatalaga ia aofia ai se tulaga e lava o mea taitasi ina ia faapena i lē ua molia ona mafai ona malamalama lelei i moliaga ma tapena ai se

puiipuiga poo se tetee. O lea faamatalaga e tatau ona faailoa atu i le faamasinoga le tulaga o le soligatulafono.

- 3.3 E moomia e le fuaiupu 16 o le *TTTS* e faapea o le a faaalia i le faamatalaga le taimi ma le nofoaga e faapea na faia ai le soligatulafono e oo atu i le mea e gata ai ia faaaogaina upu o le tulafono lea ua maua ai le tulafono ua soli. E tatau foi i le faamatalaga ona faatulaga mai ai le tagata lea e faasaga i ai le faia o le soligatulafono poo le mea e faasino i ai lea ua solia. Afai e le mafai e le faamatalaga ona faaupu atoatoa mai se soligatulafono, e mafai e le faamasinoga ona toe teuteu pe faaleaogaina le faamatalaga.
- 3.4 E manaomia e le fuaiupu 15 o le *TTTS* e faapea o faamatalaga uma taitasi ia i ai na'o le solitulafono e tasi, sei vagana ua toe aumai nisi moliaga e sui a'i. A fuafuaina se suiga o se faamatalaga ina ia puipuia mai ai lē ua molia mai le ma i lana tali mai a alii poo se tamaitai. O lenei aiaiga ua faavae i le tulafono a Niu Sila, lea foi e manaomia ai e faapea o pepa o loo molia ai o loo aofia ai na'o le tasi le moliaga, ma e faapea o se moliaga e ao ina fesootai atu i le solitulafono e tasi. A faatusatusa atu i isi faiga, o le itu tau faamasinoga a Ausetalia e faataga ai le pepa o se moliaga poo se isi auala faaetulafono ia aofia ai soligatulafono e tele ia e faavae i mea moni e tutusa poo se vaega o se gasologa o soligatulafono e tulaga tutusa lo latou uiga. I le itu la e sili atu i le tasi le soligatulafono ua aofia i le pepa o moliaga, o mea taitasi uma e tatau ona tuuina atu eseese mo soligatulafono taitasi.

Manatu na tuuina mai

- 3.5 Na faatuina mai e se sui o le Vaega Galulue se teuteuga i le ff 16 o le *TTTS* ia faaupu faapea e lava le faamatalaga pe afai ua aofia ai itu anoa i le faamatalaga e faapea o lē ua molia ua na faia le soligatulafono ma afai ua tuuina atu ai i lē ua molia 'faamatalaga talafeagai' o le faiga poo le lē faia ina ia faamaonia e faasaga i le alii poo le tamaitai. O se vaega o lenei faatu na fautuina mai ai e faapea o le *TTTS* e ao ina maua ai e faapea o le lē lava o mea taitasi i totonu o le faamatalaga e lē tatau ona faavaivaia ai le faamatalaga poo o le faapea e lē aoga, ma e tatau ona tusia uma mai mea taitasi lea e faapea o se faamatalaga e le tatau ona lē talafeagai pe le lava e taua faapea, e faasino i le faamatalaga ua:
- le aofia ai le igoa o le tagata na aafia i se manu'a;
 - ua le tusa poo ai le e ana le mea totino ua taua i le faamatalaga;
 - o moliaga o se loto i ai ina ia solia le tulafono e aunoa ma le taua o le igoa poo le faamatalaina le tagata lea o loo faasaga i ai pe solia le tulafono;
 - e le faatulagaina mai soo se pepa lea e mafai ai ona avea lea itu ma autu o le moliaga;
 - e le faatulagaina mai upu na faaaoga, ia e faapea o upu na faaaogaina o le autu lea o le moliaga;
 - e le faamanino mai pe faapefea ona faatinoina o le soligatulafono; poo
 - e le o taua le igoa pe faamatala mai tonu soo se tagata poo se mea.
- 3.6 I totonu o faatalatalanoaga, na fesiligia ai e se tasi e aafia ai le faatinoina o le itu e manaomia e faapea ia na'o le tasi le moliaga i le faamatalaga. Na ia maitauina e faapea afai e tele moliaga o le soligatulafono e tasi, o soligatulafono taitasi e ao ina faatulaga mai i se

faamatalaga e ese mai ai, lea e mafua ai le faigata o le faatinoga pe afai o ia faamatalaga e tatau ona suia poo le toe faafoi i tua ma toe aumai i luma o le faamasinoga.

Manatu o le Komisi

- 3.7 E le manatu le Komisi e faapea o teuteuga ua faatuina atu i le f 16 o le *TTTS* e faasino i le lava o faamatalaga, e tatau ai poo le manaomia. Ua maitauina e faapea o le tulaga i le manaomia faapitoa e faailoa i lē ua molia le autu o le moliaga o le a eseese e faalagolago lava i le tulaga poo le natura o le soligatulafono. Mo lenei la mafuaaga, o tulafono laiti o faamatalaga e faasino pe a oo ina mafai e le faamatalaga ona le talafeagai poo e lē lava e mafai ona tele faamatalaga, ma e ono aafia ai le pule a le faamasinoga. Ae le gata i lea, ua maitauina e le Komisi e faapea o le auiliiliina o mea taitasi i totonu o le faamatalaga e taua ina ia faamautuina ai e faapea o lē ua molia e maua se faamasinoga amiotonu, aemaise lava pe a faapea o se alii poo se tamaitai ua faaali i ai moliaga e faasaga i le alii poo le tamaitai. E pei la o lea itu, ua fautuaina ai e le Komisi le taofia pea o le faiga lea o loo i ai nei, lea e tuu atu ai le pule faitalia i faaiuga a le faamasinoga e faasino i le lava o se faamatalaga ma tulaga e oo i ai ia gasologa pe afai e le talafeagai se faamatalaga.
- 3.8 Ae peitai ua iloa e le Komisi tulaga lelei i le suia o le *TTTS* ia faataga ai se faamatalaga ia aofia ai le sili atu i le tasi se soligatulafono lea o loo faavae i luga o mea lava e tasi poo foliga, poo ni vaega o ni soligatulafono na tutupu faasolosolo e uiga faatasi poo tagata lava e tasi. E fai la ma faataitaiga, o le a faatagaina ai la ni moliaga e tele o le soligatulafono lea o le gaioi ao se tagata faigaluega ina ia faaupu mai i le faamatalaga e tasi, nai lo le tuuina mai o faamatalaga eseese mo moliaga taitasi. O itu uma mo moliaga taitasi e tatau lava ona faia eseese, ae peitai e mafai ona aofia i totonu o le pepa e tasi. Ua manatu le Komisi e faapea o le a faafaigofieina ai taualumaga e aunoa ma le aafia ai o aiā tatau o lē ua molia ina ia faailoa atu i ai moliaga o loo faasaga ia te ia.

Fautuaga 3: E tatau ona teuteuina le fuaiupu 15 o le *Tulafono o Taualumaga Tau Soligatulafono 1972* ia maua ai e faapea o se faamatalaga e mafai ona aofia ai le sili atu i le tasi le soligatulafono lea e faapea o soligatulafono o loo faavae pe maua i luga o mea tonu e tutusa poo uiga, poo ni vaega o faagasologa o soligatulafono o le mea e tasi poo foliga e tutusa. I le tulaga e sili atu i le tasi le soligatulafono ua molia ai i totonu o se faamatalaga, o uiga tonu o se soligatulafono e tatau lava ona faaupu atu i se isi parakalafa e ese ai.

4. Tatala i Tua

- 4.1 E mafai e se tagata ua molia i se soligatulafono ona tatala i tua mai i le taofia mai i le taimi na pueina mai ai le alii poo le tamaitai ma le faasalaina. I totonu o Samoa, e le mafai e leoleo ona faia ni faaiuga e tatala ai se tasi i tua. Peita'i, o le Vaega 6 (4) o le *Faavae* e manaomia ai se tagata ia ave atu i luma o se faamasinoga poo se resitara i totonu o le 24 itula o le saisaia mai o le alii poo le tamaitai (e lē aofia ai le taimi na alu i se malaga na tatau ai). O le mea lea maua ai e le faamasinoga poo le ofisa o loo taofia le pule faitalia masani e faatagaina ai le toe taofia poo le faapea foi, e tatala i tua se tagata i tu'utu'uga e tatala ai i tua.

- 4.2 Ua talanoaina i lenei vaega mataupu eseese e faasino i le faiga o le tatalaga i tua lea ua faavae e le *TTTS*.

Mea ua mautinoa ma le tete'e i le Tatala i tua

- 4.3 O aiaiga faaletulafono e faasino i le tatala i tua e ao lava ona faapaleni itu feteena'i e lua. O le itu muamua o le faiga faavae e faapea o se tagata ua molia i se soligatulafono e mama sei vagana ua faamaonia lona solitulafono ma o le mea lea e tatau ai lava aua nei taofia le saolotoga o le alii poo le tamaitai e aunoa ma se mafuaaga lelei/talafeagai. O lona lua o le aiā o tagata lautele ia mautinoa ai o le ua molia ua tu i luma o le faamasinoga pe a manaomia e faia lea tulaga ma e le'i solia se tulafono pe faalavelave i molimau a'o faatali faamasinoga.
- 4.4 O aiaiga o le *TTTS* o loo atagia ai mea ua mautinoa faavae e faapea o se tagata ua molia ae le'i faamaonia se soligatulafono i se soligatulafono e maua le avanoa e tatala ai i tua. Ua faia e le *TTTS* Vaega e lua mo lē ua molia. Muamua, o lē ua molia i se soligatulafono mo se faasalaga aupito maua o se sala tupe poo le falepuipui mo le itiiti ifo i le lua tausaga e mafai ona tatala i tua e tusa o lona aiā tatau'. I nei la mataupu e ao lava i le faamasinoga po le ofisa o loo taofia ona tuuina atu i lē ua molia le tatalaina i tua.
- 4.5 O le vaega e lua e aofia ai e ua molia o latou ia e le mafai ona tatala i tua e tusa o o latou aiā tatau. O i latou nei o loo molia i soligatulafono e faasalaina i le faa-falepuipui i le sili atu i le lua tausaga, poo oi latou ia sa faamaonia muamua i se soligatulafono na faasalaina faa-falepuipui. I ia la mataupu, e i ai i le faamasinoga poo le ofisa e taofia se tagata le pule faitalia e tuuina atu pe teena le tatala i tua. E le maua i le *TTTS* se taitaiala pe faapefea ona faatino lena pule faitalia, o le mea lea e silasila ai faamasinoga i faiga faavae aoao e atina'e mafuaaga e taitaiina ai le faiga o faaiuga e faasino i le tatala i tua.
- 4.6 I lalo o le *TTTS* e tumau lava le manatu e lagolagoina le tatala i tua. O lona uiga la e faapea o se tagata e le mafai ona tatala i tua e tusa o lona aiā tatau, o le itu a leoleo poo le loia sili e i ai latou le matafaioi e faamalie le faamasinoga e faapea e i ai mafuaaga e ala ai i le ua molia e tatau ona taofia pea. O ia mafuaaga e mafai ona aofia ai e faapea o loo i ai se tulaga faigata e faapea o lē ua molia e mafai ona sola ese faavavevave mai le taofia poo ua le mafai ona tu i luma o le faamasinoga, faalavelave i molimau poo solia o le tulafono a'o tatala i tua.
- 4.7 O tulafono i nisi o pulega faaletulafono i fafo ua faamautuina ai se manatu e faasaga pe tete'e i le tatala i tua i le tulaga o lē ua molia na molia i ni ituaiga o soligatulafono matuiā. I nei la mataupu, o lē ua molia o loo taumafai e tatala i tua ua i ai le matafaioi e faamalieina le faamasinoga e faapea o loo i ai mafuaaga e ala ai i le alii poo le tamaitai e lē tatau ona taofia.
- 4.8 Ua faatulagaina mai i le tulafono a Niu Sila se faiga e faafaigata ai le tatala i tua o se ua molia e faapea ua i ai ni ona moliaga muamua mo se 'soligatulafono faapitoa' ma o loo molia foi i se isi 'soligatulafono faapitoa' ia amioga matagā, fasioti tagata, fasioti tagata lē faamoemoeina/pa'ivalea, taumafai e faaoo le oti i se tagata, faao'o ni manu'aga poo le fasi tigaina faamoemoeina, faatinoina o se soligatulafono e faaogaina ai se la'au malosia ma le

gaoi. I ia la mataupu, o le o loo molia o loo taumafai e tatala i tua e ao lava ona faamalieina le faamasinoga e faapea o le alii poo le tamaitai o le a na lē solia se isi soligatulafono e aofia ai le faatupu vevesi e faasaga poo se tulaga matautia i le saogalemu o se isi lava tagata. E i ai foi le manatu e faasaga i le tatala i tua pe afai o le ua molia o loo taua na ia soli le tulafono ao i ai i tua e faatali ai le faamasinoga mo se isi soligatulafono e mafai ona faasalaina i le sili atu i le tolu tausaga i le falepuipui.

- 4.9 I Fiti, o le manatu e lagolago ai le tatala i tua ua suia i le tulaga e faapea o lē ua molia na ia solia aiaiga o lona tatalaina i tua.

Manatu na tuuina mai

- 4.10 I le Pepa o Faamatalaga, na fesili ai le Komisi pe o le Vaega o i latou e mafai ona tatala i tua e tusa i o latou aiā tatau e ao ina faatele atu pe faagata mai (fesili 10).

4.11 Na tuuina mai e le isi tagata e aafia ai e faapea e taua i soo se pulega ia manatu i le puipuiga o tagata lautele ma e ua aafia pe a oo ina faagata/tapula'a le vaega o e ua molia ia e mafai ona tatala i tua e tusa ma o latou aiā tatau. Na faatuina mai e se sui o le Vaega Galulue e faapea o le *TTTS* ia teuteuina ia faagata ai le vaega o tagata e tatala i tua e tusa i o latou aiā tatau i e ua molia i se soligatulafono e le faasalaina i le falepuipui poo mo i latou o le faasalaga aupito maua e le itiiti ifo i le lua tausaga i le falepuipui, sei vagana o le soligatulafono e aafia ai le faaoolima poo sauaga e faasaga i se tamaitiiti poo ua faia e se tane i se tamaitai.

4.12 Na fofogaina e le Komisi ni manatu felautoa'i e uiga i lenei aiaiga i taimi o faatalatalanoaga ma faamasino ma sui o le vasega o loaia. E toatele e na manatu e faapea o le faiga o loo i ai nei o loo lelei lava lona faagaioiga. Na matauina e nisi e faapea e tele soligatulafono e o faatasi ma sauaga i aiga, se'i vagana faaoolima masani, ua uma ona maua i totonu o le vaega o i latou o loo molia e le mafai ona tatala i tua e tusa o o latou aiā tatau, ona e mamafa faasalaga o loo latou tauaveina. O isi e aafia ai latou te lagolagoina le manatu faatu, e aofia ai le faaaogaina o le tatala i tua, ae ia ia manatua e faapea o se itu e taua tele le mautinoa e faapea o e ua aafia i sauaga i totonu o aiga o le a malupuipua, e aofia ai le faaaogaina o aiaiga poo tu'utu'uga o le tatala i tua. A masalomia loa sauaga i totonu o aiga, faatoa mafai lava ona tatala i tua le ua molia i le pule faitalia a le faamasinoga ina ia mafai ai e le faamasinoga ona faia ni aiaiga talafeagai ina ia faapea ona puipua ai e ua aafia.

4.13 I le Pepa o Faamatalaga, na fesili ai foi le Komisi pe tatau i le *TTTS* ona faamanino mai tulaga e oo i ai ina ua finagalo le faamasinoga e iloilo le taofia nai lo le tatala i tua, e pei la ona ua molia ua masalomia i se tulafono e aafia ai sauaga ma/poo uiga mataga (fesili 12).

4.14 Na faaalaina ma faatu mai e se sui o le Vaega Galulue e faapea ia teuteuina le *TTTS* ia aofia ai se manatu e faasaga i le tatala i tua e o faatsi i tulaga ua faataatitia atu i le *Tulafono o le Tatala i Tua 2000(NS)*. O le a manaomia le ua molia ua faamaonia muamua sana soligatulafono i soligatulafono faapitoa o ia lea ua toe molia foi i se isi soligatulafono faapitoa ia faamalieina le faamasinoga i le paleni o mea e ono tulai mai e faapea le alii poo le tamaitai o le a le mafai, a'o tatala i tua, solia se isi soligatulafono e aafia ai sauaga e

faasaga poo tulaga matautia i le saogalemu poo se isi lava tagata. O lena lava tagata e aafia ai na ia toe faatuina mai foi e faapea o le *TTTS* e ao lava ina matua faavasega mai e faapea pe a oo i le taimi e filifili ai pe tatau ona tatala i tua sea tagata ua molia, o le manaomia tele o le puipuiga o le saogalemu o le ua aafia poo e uma ua aafia i le soligatulafono ua tuuaia ai ia avea ma mafuaaga taua tele o sea iloiloga.

- 4.15 O Faamasino uma ma sui o le auaunaga faa-loia ia ua feutagai ma le Komisi na tete'e i le faamafua o se manatu e faasaga i le tatala i tua. Sa faaalua e nisi e faapea e taua le puipuiga o aiā tatau o le ua molia ae o le avega tumau lea i le itu a leoleo poo le Loia Sili ia faaali mai mafua'aga e faapea o le ua molia e ao ina taofia e faavae lea i le tulaga le mailoa e ono tula'i mai pe a faapea o le ua molia o le a le tausisia lona tatalaina i tua.

Manatu o le Komisi

- 4.16 Ua manatu le Komisi o le faiga o loo alu ai nei, lea e tatala ai i tua tagata o i latou ia ua molia i soligatulafono faapitoa o loo i le pule faitalia a le Faamasinoga poo le ofisa o loo taofia e ua molia, e aloaia aiā tatau o e ua molia ma o loo lelei le faatinoina o ia tulaga.

Manatu e faasaga i le Tatala i Tua

- 4.17 E malosi le manatu o le Komisi e faapea ia i ai pea le manatu e lagolago ai le tatala i tua o e molia o loo faatali o latou faamasinoga. E ui lava ina mafuli atu le tele o tulafono a pulega tau faamasinoga i fafo e aiaia faapea e i ai le manatu e tete'e i le tatala i tua pe afai o sea tagata o loo ua molia i ni soligatulafono faapitoa, ae ua unaia le Komisi e faapea e tatau ia Samoa ona mulimuli atu i lea faataitaiga.
- 4.18 O se tagata o ia lea o loo tatala i tua e faatali ai le faamasinoga e le'i faamaonia lona solitulafono, ma o loo faailoaina lava o loo mama ia sei vagana ua faamaonia lona soligatulafono. E pei la o lea, o le faaiuga e taofia ai se tagata ao faatali lona faamasinoga, o se mataupu e ma'aleale tele ma e ao lava ona faia i luga o ni mafua'aga lelei. O se faaiuga la e teena ai le tatala i tua e tatau ona faavae i luga o mafuaaga e faapea e i ai tulaga faigata e le o iloa ae ono tulai mai e faapea, pe a tatala i tua, o lē o loo molia o le a sola poo se isi lava tulaga ua le oo mai i luma faamasinoga mo le suesuega, o lea na solia se soligatulafono a'o tatala i tua, o lea afaina ai le saogalemu o soo se tagata poo tagata lautele, poo lea faalavelave i molimau poo le faapea foi ua faalavelave i le faagasologa i le sailiga o le amiotonu a le faamasinoga. O faaiuga la o le tatala i tua e tatau lava ona taula'i mai. E le tatau ona te'ena le tatala i tua e faapea ia faasala ai lē ua molia i se soligatulafono lea e le'i faamaonia ai sea alii poo se tamaitai. Afai o le matuia o se soligatulafono lea ua molia ai lē ua molia o se itu taua i le iloiloaina o nei faafitauli ia e ono tulai mai, e le o le pau lea, poo e ui lava i le taua tele, o le faaiuga. O loo atugalua le Komisi e faapea o se aiaiga e mafuli i le lagolago o le taofia nai lo le tatala i tua e faavae tonu lava i le matautia o le soligatulafono ua molia ai (na faatu mai e le sui o le Vaega Galulue lea na talanoaina muamua), ua punitia ai tulaga e ono tula'i mai e avea o se itu taua tele i le iloiloga i le tuuina atu poo le teena o le tatala i tua. Ae le gata i lea, ua manatu le Komisi e faapea o le itu a leoleo poo le Loia Sili ia pa'ū ia latou le mamafa i le faamalieina o le faamasinoga e faapea o le ua molia e tatau ona taofia nai lo le tatala mai i tua. O le taofia o se alii poo se tamaitai mai lona saolotoga o se faaiuga e matuā matuiā tele. E le tatau ona tuu atu i lē ua

molia ia faamalie le faamasinoga e faapea o ia le alii poo le tamaitai e le tatau ona taofia e leoleo.

- 4.19 Mo nei la mafuaaga, e le fautuaina e le Komisi ni suiga i le tatala i tua lea o loo i ai nei e maua ai se manatu fou e faasaga i le tatala i tua e faasino i tagata o loo faatali faamasinoga.

Faatapula'aina o le vasega o tagata e mafai ona tatala i tua e tusa o o latou aiā tatau

- 4.20 O le teuteuga ua faatuina atu i le faatapula'aina ai o le vasega o tagata e tatala i tua e tusa o o latou aiā tatau o loo faavae i luga o le f 7 (2) o le *Tulafono o le Tatala i Tua 2000* (NS), lea e le aofia ai le vaega leni o tagata ua molia i se soligatulafono e faasino i se faaoolima i se tamaititi poo se tane poo se tamaitai. Ua manatu le Komisi e i ai se tulaga lelei i le faamautuina faapea, pe afai e aliali mai i se soligatulafono e fesootai ma sauaga i totonu o aiga, ia manatua e le ofisa o loo taofia se tagata ia tuuina atu ni aiaiga o le tatalaga i tua e sini i le puipuia o lē ua aafia i sauaga i totonu o aiga. O le teuteuina o le *TTTS* ia manaomia ai e faapea o tagata ua molia i se soligatulafono e faapea e aliali mai na tula'i mai totonu o sauaga i le aiga e le mafai ona tatalaina i tua e tusa o aiā tatau o lea maua ai e le faamasinoga poo le alii ofisa i le ofisa taofia le avanoa e iloilo ai moliaga o sauaga i totonu o aiga pe a faia poloaiga e faasino i le tatala i tua. E lē talitonu le Komisi e faapea o leni teuteuga o lea tula'i mai ai se suiga faaopoopo tele i galuega a le Faamasinoga, e pei ona o le tele o soligatulafono e fesootai ma sauaga i totonu o aiga e i ai le faasalaga o le sili atu i le lua tausaga falepuipui, ma o le mea o ē ua molia ii a soligatulafono e pau atu i le Vaega o tagata e le mafai ona tatala i tua e ala i aiā tatau. Ona pau le mea e ese ai o le faaoolima lautele, lea e i ai le faasalaga aupito maua luga o le falepuipui mo le tausaga e tasi.
- 4.21 Ua manatu le Komisi e faapea o le faaupuga ua faatuina mai e le Vaega Galulue lea e aofia ai soo se soligatulafono e faasino i se faaoolima i se tamaititi poo e se tane poo se tamaitai e lautele nai lo le mea e manaomia ina ia pu'e ai soligatulafono tau sauaga i totonu o aiga, ona e mafai ona faaoga i soligatulafono e fai i fafo o le siosiomaga faaleaiga. Ua maitauina e le Komisi e faapea o le *Tulafono Tau Faaofi o le Saogalemu o Aiga 2011* ua sailia ai se faiga lea e faapea o se ua afaina i sauga i aiga, poo se tagata ua fai ma sui o le alii poo le tamaitai, e mafai ona talosaga mo se poloaiga e puipuia ai. E mafai e le faamasinoga ona tuuina atu se poloaiga e puipuia ai pe a ua maua, i le paleni o mea e ono tulai mai, e faapea o lē o loo tali ua ia solia poo ua faia se aga o sauaga i totonu o aiga, e aofia ai le pa'ia o le tino, faiga sauā i amio mataga ma aafia ai le loto, tau faafefe ma taufaamata'u, faavevesi poo uiga fiapule poo le sauā. O le mea lea ua manatu ai le Komisi e faapea soo se teuteuga i tulafono o le tatala i tua i sini i le puipuia o ē na aafia i sauaga i aiga e ao lava ina o gatasi ma leni pulega ua fautuaina. I lea la itu, ua fautuaina e le Komisi e faapea o le *TTTS* ia teuteuina ia maua ai e faapea o se tagata ua lē mafai ona tatala i tua e tusa ma ona aiā tatau lea ua faapea o le alii poo le tamaitai ua molia i se soligatulafono e faapea na tula'i mai i le Vaega o sauaga i aiga e pei ona faamatalaina i le Tulafono Taufaaofi o le Saogalemu o Aiga.

Fautuaga 4: E le tatau ona aofia i le *Tulafono o Taulumaga Tau Soligatulafono 1972* ni aiaiga e faapea e faatonu ai le faamasinoga ia iloiloina le taofia ia mafuli i le tatala i tua mo ē ua molia o loo faatali faamasinoga. O le vasega o leoleo poo le ofisa o le Loia Sili e tatau ona tauaveina le avega e faamalieina le faamasinoga e faapea o lē ia molia o loo faatali le suesuega e tata ona taofia i le falepuipui nai lo le tatala i tua.

Fautuaga 5: E ao i le *Tulafono o Taulumaga Tau Soligatulafono 1972* ona toe teuteuina dina ia maua ai e faapea o se tagata ua le mafai ona tatala i tua e tusa ma lona aiā tatau lea o loo molia ai se alii poo se tamaitai i se soligatulafono lea na tula'i mai i le siosiomaga o sauaga i aiga, e pei ona faamatalaina e le Tulafono Taufaaofi o le Saogalemu o Aiga 2011.

Pule Faitalia a le Faamasinoga i le tagata lea ua le mafai ona tatala i tua e tusa o aiā tatau

4.22 I le itu i le tagata ua le mafai ona tatala i tua e tusa ma ona aiā tatau, e i le faamasinoga poo le ofisa o loo taofia se tagata le pule faitalia e tatala ai tua lena tagata. E leai ni aiaiga i le *TTTS* e limataitaiina ai le faamasinoga poo ofisa o loo taofia i a latou faaiuga e faasino pe tuuina atu pe leai foi le tatalaina i tua. Ae peitai, ua silasila le faamasinoga i faiga faavae lautele i le tulafono faavae aoao mo se mafuaaga e iloiloina ai pe a oo ina faamanatu pe tatau ona faataga pe te'ena le tatala i tua.

4.23 I le faamasinoga o *Vitale v Leoleo*, na faatulagaina mai ai e le Faamasinoga o Talosaga se faig e faapea ona tatau i le faamasinoga ona iloiloina pea faatino lana pule faitalia e tatala i tua se tagata. Na maua le faaiuga a le Faamasinoga o Talosaga e ao ona taga'i i itu e taua e lua: muamua, le ono mafai e lē ua molia ona tula'i i luma o le faamasinoga mo le alii poo le tamaitai i lona faamasinoga; ma o lona lua le aafiaga o tagata lautele. Tulaga e fetau i le faamautuina o tulaga faigata e ono tula'i mai e faapea o lē ua molia o le a mafai ona tula'i i luma o le faamasinoga e aofia ai:

- le natura o le soligatulafono lea o loo ua molia ai se tagata, ma pe o se tulaga ogaoga poo se mea e lē matuiā nauā o lona ituaiga;
- o le malosi o le molimau ma le faaono oo atu ina faamaonia se moliaga;
- le tulaga matautia o le faasalaga lea ua faaono faamaonia ai se tagata ma le tulaga faigata o le faasalaga lea e faapea e ono tuuina atu;
- le amio ma le tulaga o lana amio i taimi ua tuana'i o lē ua molia; ma
- soo se isi mataupu e faapea e fetau i mea tonu na aafia ai le taumate pe tulai le na molia pe leai foi.

4.24 Tulaga e fetau i le faamautuina o le aafiaga o tagata lautele e aofia ai:

- o le a le vave e faia ai le faamasinoga ma le umi o le tolopoina;
- pe e i ai se tulaga le manuia e faapea e mafai e lē ua molia;
- pe e i ai se tulaga le manuia e faapea e mafai e lē ua molia ona toe solitulafono a'o tatala i tua;
- le faaono mafai ona tula'i mai se faaituau i lē ua molia i le tapenaga o le tete'e a le alii poo le tamaitai; ma

- se isi lava mataupu faapea e fetau ma tulaga tonu i le aafiaga o tagata lautele.
- 4.25 Ua i ai faaiuga a le Faamasinoga e faapea e leai se mea tonu e maua ai se faaiuga, ae peitai o le faamasinoga poo le ofisa e taofia e ao lava ina fuafua lelei mea tonu uma ae le'i faia se faaiuga e uiga i le tatala i tua.
- 4.26 O le tulaga lautele o le faasinoala a le faamasinoga e faatatau i le tatala i tua i lalo o le *TTTS* e mafai ona tuu eseese ma le aga atu ua faia i le tele o pulega tau tulafono faavae lautele, lea o loo faaalua ai e le tulafono tulaga ua maua ai faasinoala i le faia o faaiuga e faasino i le tatala i tua. Afai lava la o le pulega ma le gagaina o aiaiga faaletulafono o lenei ituaiga e eseese i faiga faaletulafono, ua aiaia i le tulaga lautele o tulafono e faapea o le faamasinoga pe a oo ina faia se faaiuga e uiga i le talia poo le tete'e i le tatala i tua, e ao lava ona iloiloia; o le faaono mafai ona tula'i se tagata i luma o le faamasinoga mo le faamasinoga o le alii poo le tamaitai; tulaga lelei o lē na molia; ma le puipuiga ma le sologa manuia o le lautele o tagata ma/poo soo se ua aafia o le soligatulafono ua molia ai. I le tulaga aoao tetele, ua faapena ona faavasega atu e le tulafono le tele o faasinoala faapitoa i mataupu ia e faapea e mafai ona ta'u atu ai finagalo o le faamasinoga i luga o mafuaaga taitasi ia, e aofia ai ia ua fola atu i lalo.
- 4.27 *O le uiga poo le natura o le soligatulafono ua molia ai, malosiaga o le molimau ma le matuiā o le faasalaga:* O nei iloiloiga o loo i totonu uma lava toeititi o aiaiga o tulafono uma o mea tonu e tatau pe e i ai se tulaga faigata e faapea o lē ua molia o lea sola poo ua le tula'i foi i le suesuega. O se moliaga matuiā ma le faasalaga mamafa ma le ono tula'i mai se faamaoniga o se soligatulafono e mafai ona faateleina le faatosina mo lē ua molia e taumafai e sola.
- 4.28 *O le uiga ma le amio sa fai a lē ua molia:* O le amio sa fai a lē ua molia, aemaise lava o se talafaasolo o le soligatulafono a'o tatala i tua poo ua solia aiaiga o le tatala i tua, ua aoga i le faamautuina pe o lē ua molia e faaono mafai ona tatala i tua poo le solitulafono ao tatala i tua. I le toe faaopoopo atu, o mea tonu e pei o le tala'aga o lē ua molia, fesootaiga ma tagata lautele, mea e nofo ai, galuega ma tulaga o le aiga e aoga ina ia faamautuina ai pe afai o lē ua molia o se e faaono sala.
- 4.29 *O itu taua mo lē ua molia:* O itu taua mo lē ua molia ia e aoga i se faaiuga pe poo e lē tatalaina o lē ua molia e aofia ai le umi o le taimi mo le ua molia e faaono tumau ai pea le taofia ao le'i faia le faamasinoga o le alii poo le tamaitai ma poo le taofia i le falepuipui o le a taofia ai lē ua molia e nate maua ai se fautuaga faaloia ma saunia ai lona tete'e o le alii poo le tamaitai. O isi mea tonu e aoga e aofia ai manaoga o lē ua molia ina ia saoloto mo isi mafuaaga, e pei o galuega, aoaoga poo le vaaia o ē e faalagolago ia te ia; poo o lē ua molia ua le atoatoa le malosia ona o ni manu'aga poo le manaomia o se puipuiga malosia. O nisi tulafono ua faasino atu i le faamasinoga ia iloilo pe tatau mo le ua molia mo lona lava puipuiga o le alii poo le tamaitai ia taofia i le falepuipui. 1
- 4.30 *Puipuiga o so'o sē ua aafia o le soligatulafono ua molia ai:* O nisi o tulafono o le tatala i tua e manaomia ai le faamasinoga e silasila i le puipuiga o soo se ua aafia i le soligatulafono ua molia ai. I totonu o Niu Sila, o le *Tulafono o le Tatala i Tua 2000* ua taua

ai le moomia o le faamasinoga e iloilo lagona o ē ua aafia i se: amio matagā poo isi faaoolima matagā, se soligatulafono e faapea na tula'i mai se manu'aga matuiā poo le maliu; poo se soligatulafono lea ua maua ai e lē ua aafia e tumau pea o le fefe o le alii poo le tamaitai mo lona saogalemu. O nisi o pulega faa-faamasinoga a Ausetalia e ese le latou tagofia o lea itu, ma faatagaina ai le faamasinoga e silasila i manatu ma lagona na'o ē ua aafia ua faaalua lo latou atugaluga i le leoleo poo le loia a le ofisa o le Loia Sili o loo tula'i i luma o le faamasino poo le faamasinoga.

4.31 *Soo se isi lava iloiloga talafeagai:* O le faasologa o iloiloga i totonu o le tulafono e lē vaivai i lona tulaga aoao tetele. O le tele lava o taimi, ua faamanino mai e le tulafono e faapea e mafai ona iloilo e le faamasinoga soo se isi lava mataupu lea e faapea e aoga tulaga faapitoa pe a oo ina faamautuina le tatala i tua.

Manatu na tuuina mai

4.32 I totonu o Pepa o Faamatalaga, na fesili ai le Komisi pe o mea moni e ao ina faaaogaina pe a oo ina faamautuina poo le lē tatalaina i tua e ao ina faatulafonoina i le *TTTS* (fesili 11).

4.33 Na faatu mai e se sui o le Vaega Galulue e faapea e tatau ona i ai se fuaiupu fou i totonu o le *TTTS* e faatulaga atu ai mafua'aga e faapea o le faamasinoga poo le ofisa e taofia tagata e tatau lava taga'i pe a faamautuina pe tatau ona tatala i tua. O le aiaiga ua faatuina atu ua faavae i luga o le fuaiupu 8 o le *Tulafono o le Tatala i Tua 2000* (NS), faatasi ma ni mea e le'o iai. Ua faatuina atu e faapea o le faamasinoga poo le ofisa e taofia tagata, pe a oo iloilo ina pe tuuina atu le tatala i tua, e tatau ona matauina mea nei:

- o le natura ma le mamafa o le soligatulafono lea o loo molia ai lē ua molia;
- le tulaga e aupito ona mamafa o le faasalaga lea e faaono maua e le ua molia;
- o le uiga ma le amio i taimi ua tuanai o le ua molia aemaise lava soo se amioga faasoligatulafono ua faamaonia;
- pe i ai se tala tuufaasolo o le solia o tulafono a'o tatala i tua poo ua
- molimau poo molimau e tuuina atu;
- nisi lagona o se ua aafia i se soligatulafono poo se matua poo lē e tausia faaletulafono se ua aafia; ma
- soo se isi lava mataupu e faapea e aoga i ia tulaga faapitoa.

4.34 O lea tagata e aafia ai ua manatu e faapea o nei mafuaaga e atagia ai le faiga o loo alu ai le faamasinoga pe a oo i le taimi e faatino ai le latou pule faitalia ia tuuina atu poo le teena o le tatala i tua. Ae peitai, o lea faatu e le faatonuina le faamasinoga ia silasila le umi o le taimi e ono tulai mai a'o lumanai le oo atu o le mataupu i luma o le faamasinoga poo le tulai mai o se mea e iloa ai le faaituau i lē ua molia i le sauniuniga o le tete'e a le alii poo le tamaitai pe a taofia i le falepuipui. Ua manatu nisi sui o le Vaega Galulue e faapea o le saogalemu o lē ua molia e ao lava foi o se fetau lelei, aemaise lava pe afai o lē ua molia o loo i vaimata o tagata lautele o le atunuu.

4.35 O se tasi e aafia ai na ia faaalua e faapea o mea tonu uma na aafia i le taiala e tuuina atu le tatala i tua e le mafai ona tuuina atu le tatala i tua e le mafai ona tuuina i lalo i se pepa, aepeitai ua faaalua se lagona e faapea e faaono mafai ona fesoasoani ia maua se faasologa e

le vaivai i totonu o le *TTTS*. O isi e aofia ai na faatalanoaina e le Komisi sa latou lagolagoina le faaalua atu o tulaga moomia i totonu o le tulafono e limata'ita'ina ai le faamasinoga ia latou faaiuga e aiga pe faatatau i le tatala i tua.

Manatu o le Komisi

- 4.36 Ua manatu le Komisi o loo i ai le taua o le faatulagaga i le *TTTS* o se lisi faaumiumi o mea e moomia e limataitaina ai faaiuga fai e faatatau i tupe e tatala ai tagata i tua. O le aofia ai o ia mea moomia i le tulafono o le a faamautinoaina ai o le a amanaiaina e le itu o leoleo ma le itu tete'e, faapea foi le faamasinoga poo le alii ofisa na taofia, mataupu e uma e talafeagai pea faia ni talosaga poo ni faaiuga e faatatau i le tupe e toe tatalaina ai i tua le tagata solitulafono e faatali ai lona faamasinoga.
- 4.37 E pei la ona faatalanoaina i le fuaiupu talu ai, o le iloiloga muamua lava pe a oo ina faamautuina pe e malie poo le teena o le tatala i tua ona o itu faigata e faaono tulai mai e faapea o le ua molia, o le a ia sola poo le lē tulai i luma o le faamasinoga mo le suesuega; o le ana solia se soligatulafono a'o tatala i tua; o le a afaina ai le saogalemu o soo se tagata poo le atunuu lautele; poo le a faalavelave i ē molimau poo se isi tulaga e faalavelave ai i le sailia o le amiotonu. O le mea ua manatu ai le Komisi e faapea o le *TTTS* e tatau ona aiaia ai e faapea o le faamasinoga poo ofisa e taofia tagata, pe a oo i le taimi e iloilo ai pe o sē ua molia e ao ina taofia i le falepuipui pe tatala atu i tua, e tatau lava ona faaoga mea nei e faaono tula'i mai e faatupu faalavelave.
- 4.38 Na iloiloaina foi e le Komisi e faapea e tatau i le *TTTS* ona faamaoti mai e faapea, i le faamautuina mai o loo i ai sea tulaga faigata e faaono tulai mai, e mafai e le faamasinoga poo le ofisa e taofia tagata ua iloiloaina:
- le natura ma le matuiā o le soligatulafono lea ua molia ai le tagata;
 - le malosi o molimau e faasaga i le ua molia;
 - le mamafa o le faasalaga lea e mafai ona faasala ai le tagata;
 - pe o lē ua molia ua na lē tausisia soo se aiaiga lea na tuuina atu i le tatalaga i tua;
 - le uiga ma le amio i taimi tuana'i ('e aofia ai le tala'aga o le ua molia, sootaga i le atunuu lautele, mea e nofo ai galuega ma tulaga faaleaiga, ma nisi soligatulafono i taimi ua solia');
 - poo o le a vave o le faamasinoga o lē ua molia ma le umi atu o le tolopoina o sea mataupu;
 - le faaono tula'i mai o le faaituau i lē ua molia i le sauniuniga o le tete'e a le alii poo le tamaitai;
 - pe e manaomia e lē ua molia lona saolotoga mo nisi mafuaaga, e pei o galuega, aoaoga, tausiga o e faalagolago ia te ia le tausiga poo mafuaaga tau le soifua maloloaina;
 - le saogalemu ma le manuia solo lelei o lē ua aafia i sea soligatulafono ua molia ai;
 - le afaina i se mea e faaono tualoi mai i lē ua molia ao taofia; ma
 - soo se isi mataupu e aogā i ni mea e tulai mai faapitua.
- 4.39 Ua i ai le manatu i le Komisi e faapea o nei tulaga moomia e atagia ai ituaiga o mataupu ia e faapea ua uma ona iloiloaina e faamasinoga ma ofisa o loo taofia tagata ina ua faatino le latou pule faitalia e tuuina atu pe teena le tatala i tua. Aemaise lava, ua manatu le Komisi e

taua e faapea o le faasologa faaletulafono e ao ina aofia ai mataupu e talafeagai ma le manao o lē ua molia, e aofia le nuu o le taimi a’o lumana’i le faamasinoga ma soo se mea e faaituau i le sauniuniga a lē ua molia o le tete’e a le alii poo le tamaitai.

- 4.40 E le fautuaina e le Komisi e faapea o le *TTTS* ua faatonu le faamasinoga e iloilo pe tatau mo lē ua molia lona lava puipuiga mo le alii poo le tamaitai ina ia taofia. Ae ia faapea, e lagolago e le Komisi ni gagana faaletulafono e lautele e faapea e faasinoala i le faamasinoga ia iloilo ina tulaga faigata e ono tula’i mai i lē na molia a’o taofia, ia maitauina e faapea, e faalagolago i mea o loo tula’i mai, e mafai e lē ua molia ona feagai ma ni faigata a’o taofia, e faapena foi pe a tatala i tua.
- 4.41 Ua maitauina e le Komisi le fautuaga e faapea e ao i le faamasinoga ona ia amanaia ni manatu ma lagona o lē ua aafia i le solitulafono ua molia ai poo se tagata, poo le o loo vaايا faaletulafono lē ua aafia. O lenei fautuaga o loo faavae i luga o le aiaiga e tutusa ma le tulafono o le Tatala i Tua a Niu Sila 2000. Ua maitauina foi e le Komisi, ae peitai e i ai le pulega faaletulafono e maopoopo lava a Niu Sila e faasino i aiā tatau a ē ua aafia ma afaina i solitulafono, ia i le va o isi mea, ua tuuina atu matafaioi i leoleo poo loia o le ofisa o le Loia Sili ia faamautinoa mai lagona o ē ua afaina e faasaga i le tatalaga i tua o lē ua molia. Ae le gata i lea, i totonu o Niu Sila, o lenei manaoga e faasino tonu lava i na’o ē ua afaina i ituaiga faapitoa o soligatulafono matuiā.
- 4.42 Ua lē vavevave le Komisi e faia se fautuaga e faapea e tuuina atu ai se matafaioi i ē molia tagata ma/poo le faamasinoga ia faamautinoaina lagona o soo sē ua afaina ma aafia i mataupu uma lea o se faaiuga e faatatau i le tatala i tua ua faia. Ae le gata i lea, e i ai le tulaga faigata e faaono tula’i mai e faapea e mafai e le ua aafia ona manatu e faapea o le ua molia i se soligatulafono e tatau ona taofia i le falepuipui e faasala ai mo lea soligatulafono, e ui lava ina e le’i faamaonia sea soligatulafono e se faamasinoga. O le mea ua manatu ai le Komisi nate lagolagoina e faapea o le faamasinoga poo le ofisa e taofia tagata ia manatu i le saogalemu ma le sologa manuia o soo sē ua afaina, soo se lagona ua faaalua e ē ua aafia atonu e aoga ma afai e faapena, e mafai ona iloiloina e le faamasinoga. O le mea moni, pe a faia se faatulagaga e faasino i le saogalemu ma le sologa lelei ma le manuia o soo sē ua afaina, soo se manatu e faaalua e lē ua afaina e mafai ona aoga ma afai o lena, e mafai ona iloiloina e le faamasinoga. Mo mafuaaga tutusa, e le o fautuina atu e le Komisi ia aofia o se iloiloiga faapitoa o se tagata mai sauaga i totonu o aiga, ona o lea itu, o lea tula’i mai mo le iloiloiga o se vaega o le faatulagaga a le faamasinoga o le saogalemu ma le manuia solo lelei o soo sē ua aafia i se soligatulafono ua solia pe molia ai.

Fautuaga 6: O le Tulafono o Tualumaga Tau Soligatulafono 1972 e ao ina toe teuteuina e maua ai e faapea, pe a iloiloina pe tatau i se ua molia ona taofia i le falepuipui poo le tatala i tua, e ao i le faamasinoga poo le ofisa e taofia tagata ona manatua e i ai le tulaga faigata e faaono tula’i mai e faapea o lē ua molia o le a:

- sola poo le lē mafai ona tula’i i luma o le faamasinoga e pei ona manaomia ai;
- soli se tulafono a’o la e tatala i tua;
- ono lamatia le saogalemu o soo se tagata poo le atunuu lautele; poo
- faalavelave i molimau poo se isi faiga e taofia ai tualumaga a le faamasinoga.

O le Tulafono o Taulumaga Tau Soligatulafono 1972 e ao ina maua atili ai aiaiga e faapea, i le faamautuina pe nisi ituaiga mea faigata e ono tula'i mai, e mafai e le faamasinoga poo le ofisa e taofia tagata *ona amanaia ia tulaga*:

- le natura ma le matuiā o le soligatulafono lea ua molia ai le tagata;
- o le malosi o le molimau e faasaga i lē ua molia;
- le mamafa o le faasalaga lea e ono tuuina atu i le tagata;
- le lē mafai e lē ua molia ona tausisia soo se tuutuuga lea na tuuina atu i le tatalaga i tua;
- le uiga ma amioga ua tuanai a le ua molia (e aofia ai le tala'aga o le ua molia, fesootaiga ma le atunuu, le nuu e nofo ai, galuega ma le tulaga o loo i ai le aiga, ma soo se soligatulafono talu ai);
- poo lea le vave e faia ai le faamasinoga o lē ua molia ma le umi o soo se tolopoga;
- le faaono tulai mai o le faaituau i lē ua molia ona tuu saoloto ona o nisi mafuaaga, e pei o le faigaluega, aoaoga, tausiga ma le vaaiga o ē o loo tausia poo mafuaaga faalesoifua maloloina;
- pe e manaomia e lē ua molia ona tuu saoloto ona o nisi mafuaaga e pei o le faigaluega, aoaoga, tausiga ma le vaaiga o ē o loo tausia poo mafuaaga faalesoifua maloloina;
- le saogalemu ma le manuia solo lelei o soo se o latou ua afaina i le soligatulafono ua molia ai;
- faigata e faaono tula'i mai e aafia ai lē ua molia ao taofia; ma
- soo se isi lava mataupu e aofa i itu faapitoa o le mataupu.

Tatala i Tua ao loo faatali le faasalaga ma le toe talosaga (apili)

4.43 O fuaiupu ia ua tuana'i na talanoaina ai faaiuga e faasino i le tatalaga i tua o tagata o i latou ia sa molia i se soligatulafono 'ae lei faamaonia. I ia la tulaga, o loo i ai le manatu e lagolago le tausisia o le tatala i tua faatasi ma le manatu e le sala lē ua molia. I isi iloiloga na tulai mai pe a oo se ua molia o ia lea ua uma ona faamaonia o loo tausaili ia tatala i tua ao faatali lona faasalaga poo ua toe talosaga (apili).

Tatala i tua a'o faatali le faasalaga

4.44 Ina ua maea ona lauina le faaiuga o le faamasinoga, e masani lava i taulumaga ona tolopo i se isi aso o muamua ma le ua molia ia faasalaina. O le *TTTS* e le o i ai se aiaiga faapitoa e pulea ai le tuuina atu o le tatala i tua i le vaitaimi lea i le va o le faamaonia o le soligatulafono ma le tuuina mai o le faasalaga. O loo faaaogaina e faamasinoga i Samoa le faaiuga mai le mataupu a *Vitale v Leoleo* lea na faamatalaina i luga ina ua faaoga le latou pule faitalia e tuuina atu ai le tatala i tua poo taofia lē ua molia i le falepuipui i le vaitaimi lea.

4.45 E i ai nai eseese i tulafono o le tatala i tua i le vaai aoao i pulega faa-faamasinoga e faasino i le tatala i tua a'o faatali le faasalaina poo le faasalaga. O le tele o tulafono i totonu o Ausetalia ma le Pasefika e faaoga lava le tulaga masani o le tatala i tua ia faia o faaiuga a faamasinoga. I le laumua o Ausetalia, lea e sailia ai le tatala i tua a'o faatali le faasalaga,

e ao i le faamasinoga ona manatu i le ono tulai mai o se tagata ua tuuina atu i ai se faasalaga faa-falepuipui, e faaopoopo atu i tulaga masani ia e faaoga i faaiuga uma lava e faasino i le tatala i tua.

- 4.46 O le *Tulafono o le Tatala i Tua 2000* (NS) e maua ai se laasaga 'ese, ma aiaia ai e faapea e le tatau i le faamasinoga ona tuuina atu le tatala i tua i se tagata o ia lea ua uma ona faamaonia lona soligatulafono ma o loo faatali lona faasalaga sei vagana ai o le a avea lea itu o le moomia e le faamasinoga ona faataunuaina sea tulaga. O le matafaioi ia faatietie atu i le ua molia ma o lea ua faamaonia ia faaali mai se mafuaaga pe aisea ai e tatau ona tatala i tua. Ae ui i lea tualga masani e faasino i faaiuga o le tatala i tua, e ao lava i faamasinoga ona silasila i isi tulaga e tolu pe a o'ina faia faaiuga e faasino i le tatala i tua ao lo'o faatali faasalaga e pei ona taua:
- pe ono tuuina atu i lē ua molia se faasalaga faafalepuipui (pe afai e le o se faasalaga faafalepuipui, e ao ina maua e tete'e i lē ua molia ia taofia i le falepuipui);
 - le umi e ono oo i ai le taimi faapea ua pasi ao le'i faasalaina lē ua molia; ma
 - tulaga tau le tagata lava ia o le ua molia ma le aiga pito lata mai o lē ua molia.

- 4.47 O le *Tulafono o le Tatala i Tua a Niu Sila 2000* ua faaopoopo atili aiaiga e faapea o le ua molia ua faamaonia sa i ai foi sana soligatulafono muamua mo se isi soligatulafono faapitoa e mafai ona le maua se tatala i tua poo le faataga e alu lava ia i se mea a'o faatali ia faasalaina.

Manatu na tuuina mai

- 4.48 I le Pepa o Faamatalaga, na fesili ai le Komisi pe tatau ona i ai ni taiala i le *TTTS* e faasino i faaiuga e uiga i le tatala i tua o sē ua molia o loo faatali lona faasalaga (fesili 13).
- 4.49 Na manatu se sui o le Vaega Galulue e faapea, i le tulaga ua i ai o le numera poo le aofa'iga o ē ua molia ua le mafai ona tula'i i luma o le faamasinoga mo faasalaga, e taua la le aofia o se fuaiupu e ese ai i le *TTTS* e nafa ma le tatala i tua a'o loo faatali faasalaga poo lauina o faaiuga. O ia la teuteuga o le a faavae i luga o aiaiga o le *Tulafono o le Tatala i Tua a Niu Sila 2000* ua otooto atu i luga. O isi e ē aafia ai sa latou lagolagoina le aofia ai o ta'iala i totonu o le *TTTS* e faasino i le tatala i tua a'o lumanai le tuuina mai o faasalaga.

Manatu o le Komisi

- 4.50 O le iloiloga o le tatala i tua a'o faatali faasalaga e eseese ma le iloiloga pe poo aua le tuuina atu le tatala i tua i se tagata o loo faatali le faamasinoga aua i le mataupu muamua, o le ua molia ua maea ona faamaonia lau soligatulafono. Ae peitai o le mea e i'u i ai le faiga o faasalaga e mafai ona faapea o le ua molia e lei faasalaina i se vaietimi o le faafalepuipui ma o ia la mataupu e le talafeagai le taofia o lē ua molia i le falepuipui e pei o se mataupu ua faia. Ae le gata i lea, e tusa pe faamaonia se soligatulafono, o le itu mama lava o le taofia o se tagata i le falepuipui nai lo le tatala i tua o le alii poo le tamaitai i le tatala i tua e tutusa ma talosaga lautele i le tatala i tua, lea e taua ia faamautuina ai e faapea o lē ua molia e tulai i luma o le faamasinoga mo le lauina o lona faasalaga ma e le solia se tulafono pe faaafia soo se tagata poo tagata lautele i le va lea. E lē tatau ona faaoga le tatala i tua e faasala ai le ua molia.

- 4.51 Mo nei la mafua'aga e le manatu le Komisi e talafeagai le tuuina atu o se faiga malosi mo le mataupu leni o le tatala i tua ao lumanai le faasalaga nai lo le talosaga mo tatala i tua i le tulaga lautele. O le mea la lea ua fautuaina ai e le Komisi e faapea o le mataupu i le tatala i tua ao talia faasalaga e tatau lava ona pulea e tulafono laiti lava ia e tasi ma tulaga manaomia e faapea ia faaoga i le iloiloiga o le tatala i tua ao lumanai i suesuega a le faamasinoga, faatasi ma manaoga faaopoopo e faapea pe a oo ina iloiloina le tulaga o le tatala i tua ao lumanai le faasalaga, e ao i le faamasinoga ona iloiloina pe e faaono maua e le ua molia se faasalaga i le falepuipui. O e o loo tu mo le itu a leoleo poo le Loia Sili e tatau lava ona faafofoga pea i le mafuaaga o le faaali mai o le pea le mana'oga ua mafua ai ona tatau ona taofia le ua molia i le falepuipui.

Fautuaga 7: O le *TTTS 1972* e tatau ona teuteuina ia maua ai e faapea afai o le faamasinoga poo le ofisa e taofia tagata ua faatino le pule faitalia e tuuina atu le tatala i tua poo le teena le tatala i tua i se tagata o ia lea ua faamaonia lana soligatulafono ma ua faatali lona faasalaga, e ao i le faamasinoga poo le ofisa e taofia tagata ona iloiloina e faaono tupu mai o se o loo taofia e maua se faasalaga faa-falepuipui, e faaopoopo i le tulaga ua faapuina atu i le Fautuaga 6.

Tatala i Tua ao faatali le apili

- 4.52 O Vaega VII ma le VIIA o le *TTTS* ua aofia ai aiaiga e faasino i le tatala i tua o le ua molia o ia lea na faamaonia lana soligatulafono ma ua falepuipui ma o loo toe talosaga lana faamasinoga poo le faasalaga.
- 4.53 O Fuaiupu 148 i le 150 o le *TTTS* o loo nafa ma le tatalaina i tua o se tagata o ia lea o loo apili le faaiuga o se faamasinoga i le Faamasinoga Faa-Itumalo. O se ua apili o ia lea ua taofia i le falepuipui mo le soligatulafono ua faamaonia lea e fesootai ma le apili e mafai ona tatala i tua i soo se taimi ao lumanai le fofogaina o le apili i le faatonuga ale *Faamasino* poo le *Faamasino Fesoasoani* o ia lea sa faamasino i le mataupu poo se isi ofisa e taofia tagata. A tatala i tua, e mafai ona tatala i tua le ua apili mai le falepuipui i le sainia o le ua apili ia oo mai i le faamasinoga mo le fofogaina o le apili.
- 4.54 O le fuaiupu 164C o le *TTTS* o loo nafa ma tuuina atu o le tatala i tua i se tagata o ia lea o loo apili le faaiuga o le faamasinoga i le Faamasinoga Maualuga ia oo atu i luma o le Faamasinoga o Talosaga. Ua aiaia ai e faape o le ua apili e mafai ona talosaga mo le tatala i tua i le Faamasinoga o Talosaga poo le faamasino lea na faatautaia le faamasinoga. O le faamasinoga poo le Faamasino e mafai ona tatalaina i tua le ua apili i luga o tuutuuga ma itu ii a aiaiga ma tuutuuga e pei ona finagalo ai le faamasinoga poo le faamasino.
- 4.55 I mataupu nei e lua, e leai ni taiala ua maua mai i le *TTTS* i le pe faapefea ona faatino le pule faitalia a le faamasinoga.

Pulega Faafaamasinoga e Faatusatusa iai

- 4.56 O na pulega faafaamasinoga i totonu o le Pasefika faatasi ma tulafono faapitoa o le tatala i tua ua tulai mai ai se fesili i le tatala i tua ao lumanai se apili i le pule faitalia a e faamasinoga, ia faatinoina e pei mo faaiuga i le tatala i tua e matele atu i le tulaga aoao tetele. O le *Tulafono o le Tatala i Tua a Fiti 2002* e maua ai e faapea afai e iloiloina e se

faamasinoga le tuuina atu o le tatala i tua i se tagata, o ia lea ua apili e faasaga i le moliaga ua faamaonia poo se faasalaga, e tatau lava i le faamasinoga ona manatua i le faaono tulai mai o le manuia o le apili, le vaitaimi e ono tulai mai ao lumanai le fofogaina o le apili; ma le vaega o le faasalaga i le amataga ona tuli e le ua toe talosaga pe a oo i le taimi e fofoga ai le apili.

4.57 I nisi o pulega faaletulafono a Ausetalia, o se ua molia o ia lea ua taofia e faatali ai le apili e pau le mea e mafai ona tatala atu o le tatala i tua pe afai o loo i ai itu faapitoa e tulaga 'ese e faamaonia ai le tuuina atu o le tatala i tua. O le mamafa o lea i luga o lē ua molia e faamalie le faamasinoga i ia itu e tulaga ese ma e faapitoa, ae le gata i lea o isi tulaga e aoga i le tuuina atu o le tatala i tua ia atili lautele. Faapitoa pe o ni itu e tulagaese e mafai ona aofia e faapea o le faasalaga atoa o le a tuli ao lumanai le faamautuina o le apili poo le faapea o mafuaaga o le apili ua mautinoa e manuia.

4.58 O le fuaiupu 14 a le *Tulafono o le Tatala i Tua 2000 (NS)* e manaomia ai e faapea e ao i le faamasinoga aua nei tuuina atu le tatala i tua i se tagata o ia lea o loo taofia ma o loo apili e le alii poo le tamaitai lona moliaga ua faamaonia poo le faasalaga sei vagana ua faamalieina i le paleni o itu e ono tulai mai e faapea o le a manuia ai le faamasinoga ia faia loa. O le mamafa o le a i luga o lē ua molia o loo taumafai e tatala i tua e faaali mai mafuaaga pe aisea ai e tatau ona tatala ia i tua. Ua faasinoina e le tulafono le faamasinoga ia iloilo ina tulaga ia ua mulimuli mai:

- o malosi ua mautinoa o mafuaaga o le apili;
- le umi o le faasalaga e faape o le a na tuuina atu i lē ua apili;
- le vaitaimi e faaono maua e faapea o le a alu ao le'i fofogaina lava le apili; ma
- itu tau le tagata lava ia o le ua apili ma le aiga tonu o lē ua apili.

Manatu na tuuina mai

4.59 I totonu o Pepa o Faamatalaga na fesili ai le Komisi pe tatau ona i ai ni taiala i le *TTTS* e faasino i le tatala i tua ao lumanai se apili (fesili 13).

4.60 Na faatu mai e se Sui o le Vaega Galulue e faapea ia teuteuina le *TTTS* ia aofia ai se fuaiupu faapitoa e nafa ma le tatala i tua ao lumanai apili. Na faatu mai e le Sui se fuaiupu fou e o gatasi ma laina tutusa e pei ona i ai i le f 14 o le *Tulafono o le Tatala i Tua 2000 (NS)*, ua ootoo atu i luga. O isi tagata e aafia ai sa lagolagoina e aofia ai o taiala i totonu o le *TTTS* e faasino i le tatala i tua ao lumanai pe tālia apili. O se isi na faapea mai e faapea e i ai le moomia mo taiala ina ia faamautuina ai e leai ni itu le lelei, maitauina e faapea e i ai le manatu o tagata lautele e faapea o tagata ua faamaonia a latou soligatulafono o le a apili ina ia mafai ai e i tatou ona tatala mai i le falepuipui e ala i le tatala mai tua ma ona tuutuuga masani.

Manatu o le Komisi

4.61 Ua manatu le Komisi e faapea mo se tulaga maua mo le tuuina atu o le tatala i tua o se tagata o ia lea ua faamaonia ua faamaonia sana soligatulafono ma ua tuli lona faasalaga faafalepuipui ua talafeagai. E taua foi le puipui e faasaga i le sesē ona faaoga o le faiga o apili ia maua ai le tatala i tua.

4.62 O le mea lea ua fautuaina ai e le Komisi e faapea o le *TTTS* e aofia ai aiaiga faapitoa e nafa ma le tatala i tua o se tagata ua taofia ina ua faamaonia lona moliaga. Ua maitauina e le Komisi e faapea i le aano tonu, o le suega e uiga e tulaga'ese lea e faaoga i nisi pulega faaletulafono i Ausetalia ma le su'ega faaletulafono o loo tulai mai i le *Tulafono o le Tatala i Tua a Niu Sila 2000*, ae peitai, ona e aofia ai tulaga mo le faamautuina pe o le mea lea e taua i le faamasinoga e faaoga le tatala i tua i se tasi o ia lea o loo taofia ma o loo apili le faamasinoga o le soligatulafono o le alii poo le tamaitai poo le faasalaga.

Fautuaga 8: O fuaiupu 148 ma le 164C o le *Tulafono o Taulumaga Tau Soligatulafono 1972* e tatau ona teuteuina ia tuu atu ai tulaga e taitaiina ai le faatinoga o le pule faitalia a le faamasinoga ia tatala i tua se tagata o ia lea o loo taofia ma o loo apili le faamasinoga o lona moliaga o le alii poo le tamaitai poo le faasalaga. O le mamafa e ao ina i luga o le tagata lea e taumafai e tatala i tua ia faamalie le faamasinoga e faapea e lelei mo le faamasinoga ia tatala i tua le tagata i ni tu'utu'uga. A oo la ina faamautuina mai pe lelei mo le faamasinoga le tuuina atu o le tatala i tua, e tatau ona iloiloina e le faamasinoga:

- le malolosi o mafuaaga o le apili;
- le umi o le faasalaga lea ua tuuina atu i le ua apili;
- le umi o le taimi e ono oo i ai lea o le a alu ao le'i fofogaina le apili;
- uiga e aafia ai le tagata o loo apili ma lona aiga vavalalata; ma
- soo se isi mataupu ua manatu le faamasinoga e aoga.

Aiaiga o le Tatala i Tua

4.63 O se faamasinoga poo se ofisa o loo taofia tagata e mafai ona tuu aiaiga i le tatalaina i tua o se ua molia. O le fuaiupu 75(1) of the *TTTS* ua maua ai e faapea o lē ua molia e mafai ona manaomia le lipoti a leoleo i ni taimi ma nofoaga e pei ona manatu ai le faamasino poo le ofisa e taofia tagata e fetau ma talafeagai. E mafai e le faamasinoga poo le ofisa e taofia tagata ona tuu i ai isi tuutuuga i le tatala i tua ia, e tusa ai ma faiga e masani lava ona aofia ai e faapea o lē ua molia; tuuina atu lona tusifolau; nofo i se nofoaga patino; taofiofi le asiasi i se nofoaga faapitoa; tausisi i le sa; poo le 'aua nei fesootai atu isi tagata faapitoa. E mafai foi e lē ua molia ona tuu e saoloto i tua, o lona ugia, tatala i tua e aunoa ma ni aiaiga sei vagana e faapea o le alii poo le tamaitai e tulai i luma o le faamasinoga e pei ona manaomia ai.

4.64 E maua foi i le *TTTS* e faapea o le ua molia e mafai ona tatala i tua ina ua totogi se tupe faafeagaiga. O sea feagaiga o se tupe ua totogi atu pe teu i le faamasinoga pe ua folafola atu e totogi pe afai o le alii poo le tamaitai ua le oo atu i luma o le faamasinoga. E faataga foi e le *TTTS* lē ua molia ia sainsi se feagaiga faatasi ma se faamaoniga e faamau ai'i. O lea tualga o se isi tagata (e pei o se uō poo se sui o le aiga) o ia lea nate tautino mai e faapea o lē ua molia o le a faia e le alii poo le tamaitai aiaiga o lona tatala i tua. O le faamasinoga e maua ai le puipuiga, e pei o tupe poo mea totino ia e ono mafai ona le toe maua pe a fai e le oo mai le ua molia i luma o le faamasinoga.

4.65 O le fuaiupu 76 o le *TTTS* ua maua ai e faapea e mafai e lē ua molia ona talosaga mo se poloaiga a le faamasinoga e fetuutuuna'i aiaiga ma tuutuuga o le tatala i tua. Afai o mea e

faamaonia ai ua i ai, soo se fetuutuuna'iga i aiaiga o le tatala i tua e le tatau ona aoga sei vagana ua tusi mai lona maliega i ia fetuutuunaiga.

Pulega faa-faamasinoga e faatusatusa iai

- 4.66 O le tele o isi pulega faa-faamasinoga ua aiaia ai i tulafono ia mea ia e mafai ai e le faamasinoga poo le ofisa e taofia le tuuina atu o tuutuuga i le tatala i tua, ma le ituaiga o aiaiga e faapea e mafai ona tuuina atu iai.
- 4.67 E fai ma faataitaiga, i nisi o pulega faa-faamasinoga i Ausetalia, o tulafono e tatala ai i tua e masani lava ona maua ai e faapea o aiaiga e faatoa mafai ona tuuina atu i le tatala i tua pe afai e fetau i le faamautuina o le aoga mo lea ua tuuina atu ai le tatalaga i tua, lea e ta'u ia faaititia ai le tulaga faigata e faaono tula'i mai e faapea o lē ua molia ua le mafai ona auai mai i le faamasinoga, solia se tulafono a'o tatala i tua, afaina ai le saogalemu poo le manuia sololelei o tagata lautele, poo le faalavelave i tagata molimau poo molimau.
- 4.68 O le tele o tulafono i pulega tau faamasinoga i Ausetalia o loo faatulaga atu ai foi se faasologa o ituaiga o tuutuuga e faapea o se faamasinoga poo se ofisa e taofia tagata e mafai ona tatala i tua, e aofia e faapea o lē ua molia:
- lipoti i leoleo i taimi faatulagaina;
 - totogi le feagaiga poo le avatu mea e faaauau ai i le faamasinoga;
 - nofo i se nofoaga patino;
 - taofi le asiasi i se nofoaga patino;
 - aua le faatasi atu pe fesootai ma tagata faapitoa;
 - faia ni togafitiga faafomai poo le faatasi atu i se polokalame toefuata'iga; poo
 - tuuina atu le tusi folau o le alii poo le tamaitai.
- 4.69 Ua faia e le *Tulafono o le Tatala i Tua a Niu Sila 2000* sa faia aoao lautele. O le fuaiupu 31 ua maua ai e faapea o se tuutuuga uma le tatala atu i tua e faapea o le ua molia ia oo atu i le faamasinoga e pei ona manaomia ai. E mafai e le faamasinoga poo le ofisa e taofia tagata ona tuuina atu se isi tuutuuga e faapea o le ua molia ia lipoti atu i leoleo poo soo se isi lava aiaiga e matua talafeagai lava ina ia faamautuina e faapea o lē ua molia: tula'i i luma o le faamasinoga e pei ona manaomia ai; e le solia se tulafono a'o tatala i tua; ma e le faalavelave i tagata molimau poo molimau. O le *Tulafono o le Tatala i Tua 2000 (NS)* e le lisiina mai ituaiga o aiaiga e faapea e mafai ona tuu atu i luga o le amio a le ua molia. Ua tuu atu lava i le pule faitalia a le faamasinoga poo le ofisa e taofia tagata.
- 4.70 I le tausaga 1987, na solia ai e Niu Sila le faiga e manaomia ai e lē ua molia ua tatala i tua ia totogi se feagaiga tupe poo le tuuina atu o se faamaoniga i le Faamasinoga faa-itumalo. O le mafuaaga o le faia o lea suiga e aofia ai le lē mautonu poo le le maua o mea e faamau a'i ma le aoga o feagaiga e faaititia ai le le tausisia e ē ua molia e tali mai i le tatalaga i tua; le tualga maualuga mo le faaogaina o feagaiga e faaituau ai ma faasagatau ai i tagata e maulalo lo latou tamaoiga, ma faigata i le pulea ma le faamalosia o feagaiga tau tupe.
- 4.71 O tulafono i isi pulega faafaamasinoga e lautele le faatagaina o le faamasinoga poo ofisa e taofia tagata ina ia fetuutuuna'i soo se aiaiga ua tuuina atu i le tatala i tua i se talosaga e le gata i le ofisa o leoleo poo le ofisa o le Loia Sili poo lē ua molia.

Manatu na tuuina mai

- 4.72 I totonu o Pepa o Faamatalaga, ua fesili le Komisi pe o aiaiga/tuutuuga o le tatala i tua e tatau ona faatulafonoina ina ia atagia ai faiga o loo alu ai. Na tuuina atu e le Komisi e fai ma faataitaiga aiaiga o le tatala i tua o se manaoga e faapea ia lipoti le ua molia i leoleo poo le tuuina atu pepa malaga o le alii poo le tamaitai (fesili 14).
- 4.73 Na taofi se sui o le Vaega Galulue e faapea e tatau i le *TTTS* ona teuteu ina ia atagia ai faiga o loo alu ai le faamasinoga i le tuuina atu lea o aiaiga i le tatala i tua. O lenei manatu ua aofia ai fautuuga e faapea o le *TTTS* ua maua ai se aiaiga faaetulafono, ia tuuina atu i tatalaga uma i tua, e faapea o le ua molia e alu atu lava ia i suesuega taitasi uma a le faamasinoga, ma e faapea o le *TTTS* e aofia ai le lisi o tuutuuga e faapea e mafai e le faamasinoga ona tuuina atu e aofia ai:
- e faapea o le ua molia ia lipoti atu i leoleo i taimi ma nofoaga ua poloaiga e le faamasinoga poo le ofisa o loo taofia tagata;
 - e faapea o le ua molia ia tuuina atu pepa malaga uma o le alii poo le tamaitai; poo
 - nisi lava aiaiga e faapea o le faamasinoga poo le ofisa o loo taofia tagata ua manatu ua talafeagai e faamautuina ai e faapea o le ua molia e tulai i le faamasinoga i le aso lea ua na taofia ai le ua molia, e lē faalavelave i soo se molimau poo molimau ma e le solia soo se tulafono a’o tatala i tua.
- 4.74 O isi tagata e aafia ai sa lautele lava lo latou lagolagoina o le faaetulafonoina o aiaiga o le tatala i tua i totonu o le Tulafono, faatasi ai la ma isi e aafia ai na ia faatuina mai e faapea o isi aiaiga e mafai ona fesootai i le nofoaga e faigaluega ai, nofoaga e mafai pe le mafai ona alu i ai se tagata lea, faatasitasi ma isi tagata ma avanoa i le ava malosi.
- 4.75 O se mataupu faapitoa na talanoaina ao faagasolo fonotaga a le Vaega Galulue e fesootai atu i faigata e faapea e tulai mai ina ua molia e le faamasinoga ia tuuina atu pepa malaga. Na maitauina e ē na auai a oo ina faapea o lē ua molia e leai sona tusifolau poo pepa malaga, e *mafai* na’o le ua molia ona tatala i tua pe afai e faamaonia mai e le ofisa o Femalagaiga a Samoa lea itu i se tusi. I le faatinoga o le galuega e manaomia le loia a lē ua molia, poo i le tele o mataupu, o se uo poo se sui o le aiga, ia talosagaina lenei faamatalaga mai Ofisa o Femalagaiga. O nisi o taimi o le Ofisa o le Resitala o le Faamasinoga e fesoasoani i le tuuina atu lea o se tusi mo le tagata e ave i le Ofisa o Femalagaiga, ae ua faalogo le Komisi e faapea e le o le tulaga lea e masani ai. O sui mai le Matagaluega o Leoleo ma Falepuipui na faaalua se atugaluga e faapea o le tuai ona maua o faamatalaga mai le Ofisa Femalagaiga a Samoa i nisi o taimi o lona uiga e faapea o le ua molia ua taofia mo se taimi umi nai lo le umi e tatau ai.

Manatu o le Komisi

- 4.76 Ua manatu le Komisi e i ai le tulaga lelei i le faatulagaina atu i totonu o le *TTTS* mafuaaga lea e mafai e le faamasinoga poo le ofisa e taofia tagata ona tuuina atu aiaiga poo tuutuuga i le tatalaina atu i tua, ma o se lisi e le vaivai o ituaiga o aiaiga ia e mafai ona tuuina atu. O le a faamautuina e faapea o le *TTTS* e atagia ai faiga o loo faaogaina i le taimi nei, ia e masani ona tuuina atu e le faamasinoga poo le ofisa e taofia tagata aiaiga i luga o le amio a

lē ua molia e faaopopo atu i mea e manaomia e faasino i le lipoti atu ia ua uma ona faamanino atu i totonu o le Tulafono.

- 4.77 Na muamua atu, na faaalai ai e le Komisi lona manatu e faapea o iloiloga autu pe a oo ina faamautuina pe faasaga poo le teena le tatala i tua o le a fesiligia le faaono tulai mai o ni fita e faapea o lē ua molia; o le a le sau i le faamasinoga mo lona faamasinoga; o le a faia se soligatulafono a'o tatala i tua; o le a afaina ai le saogalemu o soo se tagata poo tagata lautele; poo le a faalavelave i molimau poo le taofia le faagasologa o le faamasinoga. I le silasila atu la i lea itu, faatoa faaaogaina lava aiaiga i le tatalaga i tua i le mea lea o le a matauina ai le talafeagai ia faaitiiti ai nei faafitauli e faaono tulai mai.
- 4.78 Ua fautuaina e faapea o le *TTTS* ia teuteuina ia faaalai manino ai e faapea o se aiaiga i tatalaga i tua uma e faapea o lē ua molia ia auai atu lava ia i faamasinoga uma. Na toe fautuaina e le Komisi e faapea o le *TTTS* ua aofia ai le lisi o ituaiga o aiaiga e faapea o le faamasinoga poo le ofisa e taofia tagata, e mafai i faitalia a le alii poo le tamaitai tuuina atu i luga o le tatalaga i tua, e aofia ai e faapea o le ua molia:
- lipoti i leoleo i taimi faatulaga ma nofoaga;
 - tuuina atu pepa malaga uma ;
 - nofo i se nofoaga patino;
 - taofiofi mai le asiasi i se nofoaga patino; poo
 - taofiofi mai le faia o ni fesootaiga ma se tagata faapitoa.
- 4.79 E le faapea ua i ai se taofi o le nei lisi umi o aiaiga e faapea e mafai e le faamasinoga poo le ofisa e taofia tagata ona tuu atu i le tatalaga i tua. Ae peitai, ua fuafuaina ina ia atagia i totonu o le tulafono ituaiga o aiaiga ia e faapea o loo masani ona tuuina atu i le tatalaga i tua. Ina ia manino, ua fautuaina e le Komisi e faapea o le *TTTS* ua faali manino le faatagaina o le faamasinoga poo le ofisa e taofia tagata ia tuuina atu nisi aiaiga/tuutuuga i le tatalaga i tua ia e matua talafeagai ma fetau i ina ia faamautuina ai lē ua molia ia tulai i luma o le faamasinoga e pei ona manaomia ai, ma e lē i solia se tulafono ao tatala i tua. O le a faatagaina ai le faamasinoga poo ofisa e taofia tagata ia faia aiaiga i le tatalaga i tua lea e faapea ua matauina ai aafiaga uma o lē ua molia.

Feagaiga o le Tatalaga i Tua

- 4.80 Ua maitauina e le Komisi e faapea, i le faagaioiga o faamasinoga poo ofisa e taofia tagata e seasea ona manaomia le ua molia e tuuina atu se feagaiga tupe e avea ma aiaiga/tuutuuga o le tatalaina mai o le alii poo le tamaitai i tua. Ae ui lenei, ua manatu le Komisi e faapea, i nisi o mataupu, le moomia o le ua molia e tuuina atu se aofaiga o se tupe faapea o le ua molia o le a le toe maua pe afai o le alii poo le tamaitai o le a na le faamalieina le tatalaga i tua i se tulaga aoga ia faamautuina e faapea o lē ua molia e tulai i luma o le faamasinoga e pei ona manaomia ai. Mo nei la mafuaaga ua manatu le Komisi e faapea o le totogiina o se feagaiga e lē ua molia poo le ua faamaonia, e ao ina aofia i le lisi o aiaiga e faapea e mafai e le faamasinoga poo le ofisa e taofia tagata ona tuu i luga o lē ua molia i lona tatalaga i tua.

O le aumaia i totonu o pepa malaga o se tasi o aiaiga o le tatalaga i tua

4.81 Na maitauina e le Komisi atugaluga na faaalua e leoleo ma sui o le atunuu e faapea o le tuuina atu o se aiaiga i le tatala i tua e faapea o lē ua molia ia tuuina atu soo se pepa malaga e tulai mai ai faafitauli e tele i lona faatinoga. Ua matua atugalua lava le Komisi i le faapea o le ua molia ua na tauaveina le matafaioi i le faamalieleina o le faamasinoga e faapea o le alii poo le tamaitai e leai sona tusi folau poo isi pepa malaga. E matuā faigata lava lea itu pe afai o le ua molia o loo taofia ma e leai se tasi o tu mo ia poo leai foi sona aiga ma ni uō e fesoasoani i le alii poo le tamaitai. E pei la o lea, ua fautuaina e le Komisi e faapea o faiga ia faataatia ma ia mafai ai e le resitara o le faamasinoga poo le leoleo, ona siaki sa’o i le ofisa o Femalaga’iga a Samoa poo e le umia e le ua molia se tusi folau poo isi pepa malaga.

Fetuutuuna’iga o Aiaiga

4.82 O le taimi nei o loo maua i le *TTTS* e faapea o le ua molia e mafai ona talosaga i le faamasinoga e faasino i le faaupuga o le tatalaga i tua. Ua manatu le Komisi e faapea o lenei aiaiga e tatau ona teuteuina ina ia faataga leoleo poo loa e talosaga e fetuutuunai aiaiga ua tuu i le tatalaga i tua pe afai o itu ua tulai mai ua suia.

Fautuaga 9: O le *Tulafono o Taulumaga Tau Soligatulafono 1972* e tatau ona teuteuina ina ia maua ai e faapea o se faamasinoga poo le ofisa e taofia tagata ua i ai le pule faitalia e tuu atu ai ni aiaiga i luga o tatalaga i tua lē ua molia ia e matua talafeagai lelei lava ina ia faamautuina o le na molia o le a tulai i le faamasinoga e pei ona manaomia ai, o le a le solia se tulafono a’o tatala i tua, o le a le afaina ai le saogalemu o soo se tagata poo tagata lautele; ma e o le a le faalavelave i tagata molimau poo le se isi faiga e taofia ai le faagasologa o le faamasinoga, e aofia ai, ae peitai e le faaagata ai iina ae:

- manaomia ai le ua molia ia lipoti i leoleo i taimi ma nofoaga faatulagaina;
- manaomia le ua molia ia tuuina atu pepa malaga uma;
- manaomia le ua molia e nofo i se nofoaga patino;
- faasa le ua molia mai i le asiasi i se nofoaga patino;
- faasa le ua molia mai i le fesootai atu i se tagata faapitoa; poo
- manaomia le ua molia poo se faamaoniga e totogi se feagaiga tau tupe i le faamasinoga.

Fautuaga 10: O le *Tulafono o Taulumaga Tau Soligatulafono 1972* e tatau ona teuteuina ia faataga ai le ua molia ma leoleo ma loa a le ofisa o le Loia Sili e talosaga i le faamaisnoga mo le fetuutuunaiga o soo se tuutuuga ua tuuina atu i le tatalaga i tua.

Fautuaga 11: O Matagaluega o le Faamasinoga ma Pulega o Faamasinoga, Ofisa o Femalagaiga a Samoa ma le Matagaluega o Leoleo ma Falepuipui e tatau ona atia’e ma faatino se faiga ina ia faapea le faamasinoga, ofisa e taofia tagata poo le leoleo e mafai ona siaki sa’o lava i le matagaluega o Femalagaiga ia faamautu mai pe i ai pe lea ii le ua molia o ia lea o le a tatala i tua i luga o aiaiga e faapea o le alii poo le tamaitai ia tuuina atu sa’o atu se pepa malaga e i ai pe leai ni pepa malaga.

Mea e Tula'i mai pe a solia tuutuuga o le Tatalaga i Tua

- 4.83 O fuaiupu 78 i le 81 o le *TTTS* ua tuuina atu ai mea e tutupu pe afai o se ua molia ua sola pe taumafai e sola, ua le mafai ona lipoti i leoleo e pei ona manaomia ai poo ua le mafai ona tulai i luma o le faamasinog. I mataupu taitasi, e mafai e le faamasinoga poo le ofisa e taofia tagata ona tuuina atu se tusi saisai mo le pueina mai o lē ua molia ina ia faapea o lē ua molia ua aumaia i luma o le faamasinoga ina ia mafai ona faia se isi faaiuga e faatatau i le tatalaga i tua. Afai e sola le ua molia, o taumafai e sola poo ua le mafai ona lipoti i leoleo e pei ona manaomia o le alii poo le tamaitai e mafai ona tatala i tua i le pule faitalia a le faamasinoga poo le ofisa e taofia tagata. Afai ole ua molia poo le e faamaonia ua i ai i se feagaiga tau tupe, o le soliga o se aiaiga o le tatalaga i tua e lē ua molia e mafai ai foi ona maua le iuga i nisi poo itu uma o le tupe o le feagaiga e lē toe maua (ma e iloa i le ta'u e le toe aoga le feagaiga o le tatala i tua).
- 4.84 I nisi o isi pulega faafaamasinoga o se soligatulafono mo le ua molia le le mafai ona tulai poo ua soli se aiaiga o le tatalaga i tua. I totonu o Niu Sila, o se soligatulafono e o faatasi ma le faasalaga aupito maua o le tasi le tausaga i le falepuipui poo se sala tupe e \$2000 pe afai o le ua molia ao tatala i tua ua le mafai ona tausisia soo se isi lava aiaiga o le tatala i tua, e mafai e le faamasinoga ona faamaonia lona mea tonu i luga o le faaaliga o le tatalaga i tua ma i totonu o le tala'aga o soligatulafono a lē o loo molia.
- 4.85 I pulega faafaamasinoga uma i totonu o Ausetalia, o se soligatulafono mo le ua molia a'o tatala i tua le le mafai ona tula'i i luma o le faamasinoga e pei ona manaomia ai. I nisi o pulega faafaamasinoga, e faapena foi ona avea ma soligatulafono le solia o se aiaiga ua tuuina atu i le tatalaga i tua. I isi pulega faafaamasinoga, lea e maua ai mafuaaga talafeagai mo le talitonuina e faapea o se tagata ua le tausisia tuutuuga o le tatalaga i tua, e mafai e le leoleo ona saisaia maia le ua molia e aunoa ma se tusi saisai.

Manatu na tuuina mai

- 4.86 I le Pepa o Faamatalaga, na fesili ai le Komisi pe tataua i le *TTTS* ona teuteuina ia faataga ai le saisaia e aunoa ma se tusi saisai o lē ua molia o loo tatala i tua, ma afai o lea, o a mataupu e faasino i ai (fesili 15 ma le 16). Na fesili foi e le Komisi pe o le le mafai ona tausisia pe tumau i tuutuuga/aiaiga o le tatalaga i tua e ao ina fai ma soligatulafono (fesili 17). Sa va le fogava'a i manatu na faaaliga ma feutaga'iga i luga i lenei mataupu.
- 4.87 O nisi o Sui o le Vaega Galulue na manatu o le le mafai ona tausisia aiaiga o le tatala i tua o se faafitauli e tupu soo ma e atagia i nisi o le ua molia i lo latou faatamala i poloaiga a le faamasinoga. E lua manatu na faatuina mai ina ia maua ai e leoleo le malosia e saisaia ai le ua molia ua soli aiaiga o lona tatalaga i tua. Muamua, e ao i leoleo ona mafai ona saisaia le ua molia e aunoa ma se tusi saisai pe afai o loo i ai mafuaaga talafeagai e talitonu ai e faapea o le ua molia ua sola poo ua toeitiiti sola mo le mafuaaga o le sola ese mai le 'alo mai i le faamasinoga poo le faapea o le o loo molia ua le tausisia i soo se aiaiga o le tatalaga i tua. O lona lua, e tataua ona avea ma soligatulafono pe afai o le ua molia na tatala mai i tua ua le mafai ona faia, e aunoa ma se faanoi talafeagai, e auai atu ia lava i le faamasinoga e pei ona manaomia poo le tausisia o soo se aiaiga na tuuina atu i luga o le tatalaga i tua. O le sui o le Vaega Galulue na faatu mai o nei faiga na iloiloaina e faapea o le a maua ai le faamalosi o le faatinoina o poloaiga a le faamasinoga. O isi manatu na

tusitusia e tulaga lautele lava le lagolagoina o nei taofi, sei vagana ai se tasi e aafia ai na ia maitauina o ia lea na ia matauina e faapea o le mafai ona tausisia aiaiga o le tatalaga i tua lea ua leva ona fai ma soligatulafono i lalo o tulafono laiti o le lē usita'ia o faaiuga a le faamasinoga.

- 4.88 O se manatu e ese ai na faaalua ao faagasolo feutana'iga ma tagata o le vasega o loia, o i latou ia na latou iloiloina i se tulaga aoao e faapea e leai se mea e manaomia ai le faia o se soligatulafono ese mo le solia o aiaiga/tuutuuga o le tatalaga i tua. O le toatele na maitauina e faapea ua leva ona i ai aupega a le faamasinoga e faamalosia ai le tatala i tua, e aofia ai le agava'a e tuuina atu se tusi saisai mo le saisai mai o le ua molia, o le isi mea e ese ai o le taofia i le falepuipui o se ua molia o ia lea ua na soli aiaiga o le tatalaga i tua ma le tulaga e faaono tulai mai ni taualumaga mo le soli faaiuga. O le solia o aiaiga o le tatala i tua e ono tula'i mai ai se aafiaga le manuia o nisi tusi talosaga mo le tatala i tua e faia mo le ua molia. E faaopoopo atu e faapea, o nisi o e e aafia ai na maitauina e faapea o le ua molia i luga o le tatalaga i tua ua uma ona tula'i i luma o le faamasinoga ma ua tali atu i ana poloaiga, ma e faapea o se moliaga e ese mai ai mo le solia o le tuutuuga o le tatalaga i tua o le a le afaina ai ma atonu e le talafeagai le nunumi ai o taualumaga.

Manatu o le Komisi

- 4.89 E le lagolagoina e le Komisi le faatuina o se soligatulafono mo le lē mafai ona tulai e tali atu i le tatalaga i tua poo le solia o aiaiga o le tatalaga i tua. Ua manatu le Komisi e faapea o le tulaga e ono tulai mai i le soloia o le tatalaga i tua ma le taofia mulimuli ane i le falepuipui ua lava lea e taofiofia ai le ua molia e faalavelaveina ai aiaiga o le tatalaga i tua, e i ai foi le isi faiga mo le faia o se moliaga mo le usitaia o faaiuga a le faamasinoga. Ua atugalua le Komisi e faapea o le faatuina o se soligatulafono mo le soliga o aiaiga o le tatalaga i tua o le a matuā faateleina ai lava le galuega a leoleo ma faamasinoga, ia le gata ina galulue faatasi i taualumaga mo soligatulafono lea ua tuuina atu ai i le tagata le tatalaga i tua, ae peitai o se taualumaga e ese ai mo le soligatulafono o le solia o le tatalaga i tua. E i ai foi le faigata e ono tulai mai e faapea e maua ai se soligatulafono mo le soliga o le tatalaga i tua o le a maua ai le lē mautu poo faaiuga faafaamasinoga ia faia moliaga i nisi; ae lē o tagata uma, mataupu e faasino i le soliga o le tatalaga i tua.
- 4.90 Na tagofia e le Komisi, ae peitai, le iloilo o le *TTTS* e ao ina faatagaina ai le leoleo e saisai mai le ua molia e aunoa ma tusi saisai lea e i ai mafuaaga talafeagai mo le talitonuina e faapea o le alii poo le tamaitai ua le mafai ona tausisia soo se aiaiga o le tatalaga i tua. O lona uiga e faapea o le leoleo e mafai ona saisai mai se tagata o ia lea ua solia se aiaiga e pei o le faasa ona nofo ese mai i lē ua aafia i le taimi o le auai, e aunoa ma le manaomia e saili se tusi saisai mai le faamasinoga. E saisai mai loa, e ao loa ona aumaia lē ua molia i luma o le faamasinoga poo le ofisa e taofia tagata, o ia lea e mafai loa ona ia toe iloilo le tulaga o le tatala i tua.

Fautuaga 12: O le fuaiupu 4 o le *Tulafono o Taualumaga Tau Soligatulafono* e tatau teuteuina ia faataga ai leoleo e saisai ma ave loa e taofi e aunoa ma se tusi saisai soo se tagata o ia lea o se alii poo se tamaitai e i ai mafuaaga talafeagai e masalomia ua ia le mafai ona tausisia i soo se aiaiga o le tatala i tua.

O e ua molia Talavou

- 4.91 O faiga o faamasinoga faasoligatulafono e masani lava ona i le tulaga aoao tetele ona fai ese tamaiti ma le autalavou mai tagata matutua e tusa i o latou tausaga, le tulaga mafaia ma mea faapitoa e aofia ai. Aemaise lava, o se faiga faavae o tulafono o aiā tatau faavaomalo e faapea o le autalavou e ao ina taofia i le nao se faiga lava o le mea aupito mulimuli lea mo vaitaimi aupito puupuu ua talafeagai.
- 4.92 I totonu o Samoa, e i ai aiaiga eseese e faasino i le tatalaga i tua o loo faaaogaina e faalagolago lava pe o lē ua molia o le matua e i le va o le 18 ma 21, poo le va o le 10 ma le 17. O le fuaiupu 72 o le *TTTS* ua aiaia ai e faapea o se ua molia e i lalo o le 21 tausaga o le matua ma o lea tatalaina i tua e tusa i ona aiā tatau i lalo o le fuaiupu 71 o le *TTTS*, e mafai e le faamasinoga ona faasino mai e faapea ia taofia le alii poo le tamaitai pe afai e leai sesi faiga e manaomia i itu uma lava. O le fuaiupu 72 o le *TTTS* o loo aiaia atili ai e faapea o le ua molia e i lalo o le 18 tausaga e mafai ona taofia i le Vaaiga a le Ofisa e Vaaia Tamaiti, o se ofisa faanofu vaavaaia, le Komesina o Leoleo poo soo se isi lava tagata matua e taualoa’.
- 4.93 O le *Tulafono o Soligatulafono a Tagata Talavou 2007* ua aofia ai aiaiga e tatala ai tua tagata talavou e i le va o le 10 ma le 17 tausaga o le matutua. O le fuaiupu 22 o le Tulafono ua tuuina atu ai e le Tulafono i Faamasinoga mo Autalavou (o se vaega o le Faamasinoga Faa-itumalo) o le pule faitalia ia taofia se tagata talavou i le tatalaga i tua poo le taofia. O le *Tulafono o Soligatulafono a Tagata Talavou* e le faaali mai mafuaaga ia e mafai e le tagata talavou ona taofia. E mafai, ae peitai, o le faasologa o nisi aiaiga/tuutuuga ia e faapea e mafai ona tuuina atu i luga o le tatalaga i tua o tagata talavou, e aofia e faapea o le alii poo le tamaitai:
- mau faatasi ma se tagata faapitoa poo se tagata;
 - e le fesootai ma tagata faapitoa poo se ituaiga o tagata;
 - tausisia i le vavao;
 - alu i le aoga poo se isi nofoaga faapitoa;
 - aua le alu i nofoaga faapitoa;
 - lipoti i le auaunaga o le faanofu vaavaaia;
 - tuuina uma atu pepa malaga; poo
 - le tagofia le ava, fualaa faasaina poo le aveina o se taavale.
- 4.94 O aiaiga o le *TTTS* e faatatau i le solia o tuutuuga o le tatalaina i tua, o le a faaaogaina pe afai ose tagata talavou ua solia soo se tuutuuga o le tatalaina o lea alii poo lea tamaitai i tua.
- 4.95 I totonu o Ausetalia ma Niu Sila, o tulafono ma taualumaga e faatatau i le tatalaina i tua o tagata talavou ua molia ma tagata matutua ua masani ona faataoto mai i aiaiga poo tulafono eseese.

Manatu na tuuina mai

- 4.96 I le Pepa o Faamatalaga, sa fesili le Komisi pe le tatau ona tasi se aiaiga o le tatalaina i tua i totonu o le *TTTS* mo mataupu uma e faatatau i le tatala i tua, e tusa lava pe o le ua solia le

tulafono e i lalo o le 17 tausaga, poo, i le isi itu, pe le tatau i aiaiga mo le tatala i tua o tamaiti solitulafono ona tuu eseese ina ia tuuina atu i totonu o le *Tulafono o Tamaiti Solitulafono 2007* (fesili 18).

- 4.97 O se sui auai o le Vaega o Tagata Galulue sa tautalagia se tulaga e pei e sili ona i ai se faatulagana e tasi mo aiaiga o le tatala i tua i totonu o le *TTTS* e faatatau i tagata talavou solitulafono ma tagata matutua. O faamatalaga tuuina mai i isi sui na auai ua manatu o aiaiga o le tatala i tua mo tagata solitulafono e tatau ona tuu eseese mai tagata matutua.

Manatu o le Komisi

- 4.98 Ua i ai le manatu o le Komisi e faapea o aiaiga ua i ai nei i le *TTTS* e faasino i le tatala i tua o tagata talavou ua molia ua talafeagai. Aemaise lava, ua manatu le Komisi o se tulaga malosi e ono tupu e lagolagoina ai le tatala i tua o tamaiti ua molia ua atagia ai manaoga faapitoa o tamaiti i totonu o faiga faa-faamasinoga o soligatulafono ma le talitonuga faavae e faapea o le faasalaina o tamaiti o se faiga e mulimuli ona oo iai. Ae moni, o le fesili i le tatala i tua o loo i le faamasinoga lava e fai i ai lana faaiuga e tusa ma lana pule faitalia, pe a fua i iloiloga o loo maioio mai i luga e faatatau i le tulaga aoao o le tatalaina i tua.

- 4.99 Ua manatu le Komisi e taua le faatumauina o aiaiga e faatatau i le tatala i tua o loo i totonu o le *Tulafono o Tagata Talavou Solitulafono 2007*. Aemaise lava o loo ua faataoto mai i le *TTTS* le anoai o ni tuutuuga e mafai e le Faamasinoga o Tagata Talavou ona tuuina atu i totonu o tuutuuga o le tatala i tua e ese mai i tulaga e ono talafeagai mo tagata matutua. Pei la o lea, e taua le faatumauina o le tuuina ese mai o aiaiga o le tatala i tua e faatatau i tagata talavou ua molia mai tulaga e faatatau i tagata matutua.

- 4.100 Ua matauina e le Komisi le eseese o aiaiga faaetulafono e faaoga i tagata matutua, tagata e i le va o le 18 ma le 21 tausaga ma tagata 17 ma lalo ifo. I le taimi nei o loo faagasolo e le Komisi se toe iloiloga o tulafono a Samoa ina ia faamautinoa le mulimulitaia o le *Fono i Aia Tatau a Tamaiti*. O se vaega o lea iloiloga a le Komisi o le a faamautuina ma tautuaina ai se uiga e faamatala ai talafeagai lelei, e mulimulita'i i tulafono faavaomalo i aiā tatau a tagata, ina ia faaogaina i tamaiti ua taua i tulafono uma a Samoa, e aofia ai 'tamaiti talavou' o loo taua i totonu o tulafono o taualumaga o soligatulafono.

5.0 le le tulai i le Faamasinoga

- 5.1 O le a ono mafai ona faaleaogaina taualumaga o soligatulafono pe a ua le lava mau a leoleo talu ai ua le auai se itu i le faamasinoga mo se fofogaina o le mataupu poo le suesuega. Fuaiupu 43 i le 44 o le *TTTS* o loo ua faataoto mai ai tulafono eseese ae faalagolago poo ai le itu o le a le auai i le fofogaina o le mataupu.

- 5.2 Pe afai o lē na faauluina se mataupu (o ia lea, o le itu a leoleo, lea na faataatia mai faamatalaga) ua le auai mai, e mafai e le faamasinoga ona faaleaogaina faamatalaga ona ua le lava mau a le itu a leoleo poo le tolopo o suesuega. Pe afai ua le oo atu le ua molia, e mafai e le faamasinoga ona tuuina mai se tusi e saisai ai le ua molia poo le tolopo o le faamasinoga, ma afai faasalaga pito i maualuga o se sala tupe poo le taofia i le falepuipui i le lē silia i le 3 masina, e ono mafai ona faaauau le suesuega ma tuuina mai ma se faasalaga

poo fea lava e talafeagai ai. Pe afai ua le oo atu itu uma, e mafai e le faamasinoga ona faaleaogaina faamatalaga poo le tolopo o taualumaga.

- 5.3 Pe afai ua faaleaogaina ni faamatalaga ona o ua le lava mau a le itu a leoleo, e ono lautogia le ua molia i ni tupe e totogi atu. O le faaleaogaina o ni faamatalaga ona ua le lava mau a le itu a leoleo peitai ane o le a le mafai ai ona avea ma mea e taofia ai nisi lava taualumaga i le taupu lava lea e tasi.
- 5.4 I lona faatinoga, pe afai o le na faauluina mai le mataupu ma le oo mai, e ono talosaga le itu a leoleo mo se faatagana a le faamasinoga e faau i tua faamatalaga, ina ia foia ai le faaleaogaina o le mataupu talu ai ua le lava mau a le itu a leoleo. Afai ua faaleaogaina ni faamatalaga ona ua le lava mau a le itu a leoleo, o le a mafai e le itu a leoleo ona tuuina atu i le faamasinoga se talosaga o le toe faatulagaina ma faamatalaga tauto ua taua ai mafuaaga o le le tulai i le faamasinoga. Ona faapena lea i le faamasinoga ona iloilo pe talia pe leai le toe faatulagaina. I le faaleaogaina o nei aualea e tusa ai ma gaioga faa-faamasinoga, ma e le o masani ona faaogaina e nisi sui auai o le galuega faa-loia, ua aliai mai ai se tulaga ua le femalamalama'i.

Pulega Faafaamasinoga e Faatusatusa iai

- 5.5 O le *Tulafono o le Faapuupuuna o Taualumaga 1957 (NS)* o loo i ai aiaiga e tutusa ma faa-fuaiupu 43 ma le 44 o le *TTTS*. O le faaleaogaina o faamatalaga ona ua le lava mau a le itu a leoleo o le a le avea lea ma tulaga e taofia ai nisi taualumaga i se mataupu lava e tasi.
- 5.6 Faapea foi la, i nisi o pulega faa-faamasinoga i Ausetalia, ua aiaia mai i tulafono a faapea o le ua molia ua tulai ao le na faauluina le mataupu, sa logoina i le taimi ma le nofoaga o le tolaulauga ua le tulai, e ao i le faamasinoga ona faaleaogaina faamatalaga, poo, ua manatu e talafeagai, ona tolopo lea o tolaulauga o faamatalaga i se isi aso. Ua le o i ai ni aiaiga e tusa ma le toe faatulagaina i Tulafono ua taua.

Manatu na tuuina mai

- 5.7 I le Pepa o Faamatalaga, sa fesili le Komisi pe le tataua ona avanoa le na faauluina le mataupu e talosaga ai i le Faamasinoga ina ia toe faauluina faamatalaga pe afai sa faaleaogaina ona ua le lava mau a le itu a leoleo i lalo o le faa-fuaiupu 43 ma le 44 (fesili 5).
- 5.8 Sa mauaina e le Komisi ni manatu e lua e tali i lea fesili, o le tasi o ia fesili e lagolagoina le teuteuga ua fautuaina mai. O le isi sui ua auai ua faaalua le manatu e faapea, o le silasila a tagata lautele, o le toe faaulu o se mataupu ua le talafeagai lea ma le amiotonu o le faamasinoga pe afai ua le faatinoina e le itu a leoleo ona tiute ma le mafai ona oo atu i le faamasinoga. I le manatu o le tamaitai lea, o se tagata ua le tulai i le faamasinoga ua tataua ona tali i le mea ua tupu, ma afai ua le mafai e le itu a leoleo ona tauaveina lana mataupu e le tataua ona tauia i le toe tuu i ai o se avanoa e toe taumafai ai.
- 5.9 I fono a Vaega o Tagata Galulue, e se tasi o sui na auai ua tautuaina e faapea o le faafuaiupu 43 ma le 44 o le *TTTS* ua moomia le toe fuataiga ina ia tagofia le mataupu o ni moliaga tuga ua faaleaogaina talu ai le le oo atu o le loia o loo tauaveina le itu a

leoleo/Loia Sili. I nisi o taimi, e le o le faaletonu o le loia mai le ofisa o le loia sili pea ua le oo atu le alii poo le tamaitai, mo se faaitaitaiga pe afai ua suia le faatulagana o tualumaga o le faamasinoga peitai ua le logoina le loia mo le ofisa o le Loia Sili. O lena sui auai ua faapena ona ia faatu mai e faapea o le fuaiupu 43 ua tataua ona teuteu ina ia ta gatasi ma manaoga o le amiotonu a le faamasinoga ma ia foia ai le faaleaogaina o moliaga e ala i le tuuina mai o le avanoa e talosaga ai le itu a leoleo i le faamasinoga ina ia toe faaulu faamatalaga pe afai ua faaleaogaina ae le o i ai le loia mo le itu a leoleo. Sa faatu mai foi e faapea o le faiga lava lea e tataua ona atagia mai i le fuaiupu 44 pe afai ua le tulai le na faauluina le mataupu poo le ua molia.

- 5.10 O sui o le galuega faa-loia sa feutagai ma le Komisi sa ia latou tete'e uma i le faaofi mai o le avanoa e toe faaulu ai se mataupu talu ai afai ua misi i le itu a leoleo se tolaulaga e masani lava ona e mafua ia i latou. O nisi ua faapea mai afai e mafai e le itu a leoleo ona faamalamalama le mafuaaga o le oo atu, o loo i ai lava le avanoa e talosaga mo le pule faataga a le faamasinoga e faau ai i tua faamatalaga ma toe faaulu le mataupu i se taimi i le lumanai.

Manatu o le Komisi

- 5.11 Ua taua e le Komisi e faapea o le a i ai ni mataupu ua le tataua ona faaleaogaina ni faamatalaga talu ai o le itu a leoleo poo le ua faauluina le mataupu ua le mafai ona auai atu. I nisi mataupu o le a ono i ai ni mafuaaga tataua tusa ma le le oo atu o le na faauluina le mataupu ma e ono moomia e le amiotonu a le faamasinoga le suesuega e toe faaauau. I nisi mataupu, o le faaleaogaina ona ma le lava mau a le itu a leoleo o le a faigata ona faamalamalama le tataua ai o lea tulaga i le na tupu ai le faalavelave ma/poo tagata lautele.
- 5.12 I le isi itu, e matua taua i le itu a leoleo ma le ua faauluina le mataupu ona auai i suesuega uma a le faamasinoga. Pe afai o le a tuuina atu i le itu a leoleo le avanoa e toe faaulu ai lana mataupu i taimi uma ua misi ai se suesuega, o le a ono faaitiitia se loto faaosofia e tulai ai. O le a le avea lea ma amiotonu a le faamasinoga. O le a faapena foi ona aafia ai le aiā tataua a le ua molia i le faia o se suesuega i se taimi vave.
- 5.13 I luga atu, o loo ua i ai i le itu a leoleo tulaga mautu e faatino ai a latou galuega ina ia faamautuina ai le logosa ia oi latou ae lei oo i lea taimi e tusa ma suiga i tualumaga a le faamasinoga. Ao le ua molia, i le isi itu o le a ono taofia e leoleo poo le tatala i tua i le vai taimi lea mai le tolaulaga muamua ma le toe faaulu o le mataupu, ma ona o lena tulaga ua faaopoopoina le faaituau ona ua le mafai e le isi itu ona auai.
- 5.14 Ua maitauina e le Komisi o le le auai o le itu a leoleo ma/poo le na faauluina le mataupu o le a le avea lea ma tulaga e faaleaogaina ai faamatalaga ona ua le lava mau a le itu a leoleo. I mataupu uma ua i ai i le faamasinoga le pule faitalia e faia ai le isi faaiuga o le tolopo o le suesuega ma e faalagolago i tulaga alia'i mai.
- 5.15 O talosaga mo le toe faauluina o mataupu e tataua ona talia i mataupu faapitoa ma afai o le le auai o le na tuuina atu le mataupu ua maea lona faamalieina. O se talosaga ina ia toe faauluina se mataupu e tataua ona faatoa talia pea faamaonia e le na tuuina atu le mataupu e le o ia e mafua ai le le auai atu, ma afai o le toe faauluina o le mataupu e mo le amiotonu a

le faamasinoga. Talu ai o lenei mataupu o loo lelei lona faafoeina i le pule faitalia faalauaitetele a le faamasinoga, ma o le faaleaogaina o se faamatalaga ona ua le lava mau a le itu a leoleo ua le gaoioi lea e taofia ai nisi lava taualumaga o le mataupu lava lea e tasi, ua le o i ai se manaomiaga faatopetope e teuteu ai le *TTTS* ina ia maioio mai ai le faatagaina o le itu a leoleo e taumafai le toe faauluina o faamatalaga.

Fautuaga 13: E tatau ona i ai pea i le faamasinoga le pule faitalia e faaleaogaina ai faamatalaga talu ai e le o atoa tapenaga a le itu tagi poo le tolopo o suesuega pe afai ua le oo atu lē na faauluina le mataupu. E leai se moomiaga e teuteu ai le *TTTS* 1972 ina ia faatagaina le na faauluina le mataupu ina toe tuuina atu faamatalaga i le faamasinoga.

6. Tapena mo se faamasinoga ae lei faia

- 6.1 O le aiā tatau i se faamasinoga talafeagai e pei ona faataoto mai i le Vaega 9 o le *Faavae* ua aofia ai le aiā tatau o tagata ua molia uma lava ina ia tagofia a latou mataupu i totonu o se taimi fetau. O loo fai mai foi e faapea ‘faamasinoga ua tosotoso o le faamasinoga ua noatia’.
- 6.2 O se faamasinoga tapena lelei e mautinoa ai e le gata ua faia le faamasinoga, ae ua faia mae’ae’a ma ua le tele se tupe e alu ai. O le faatuatuaga o tagata lautele i le faamasinoga ua avea lea ma se tasi o itu taua o lona sologa lelei, ae taualumaga le atoatoa ona lelei, tuai ma tele tupe e alu ai ua faaititia ai le faatuatuaga o le mamalu o le atunuu i faiga faa-le-faamasinoga. I lenei faaumiumi o le fua o le ausia o le amiotonu a le faamasinoga o le tulaga lea i le faamasinoga ma le taunuu i se faaiuga tonu, tusa lava poo le a le umi ma tupe e alu ai, ua i ai le manatu nei e faapea o le tapena lelei, le tele se tupe e alu ai faaopopo atu i ai ma se taunuuga sao ua alagataata uma i le faia o le faamasinoga tonu ma ia vaaia lona faatinoga.

Manatu na tuuina mai

- 6.3 O se tala mai i le Matagaluega o Faamasinoga ma Aunanaga/Pulega, o mataupu tau solitulafono i Samoa i le taimi nei e 8 i le 12 masina e faagasolo ai mai le amataga seia oo i le tuuina atu o se faasalaga pe a maea suesuega. Sa maua e le Komisi se taofi i taimi o faatalatalanoaga e faapea ua umi tele, ma o nisi sa faatalanoa o loo popole e faapea e le lelei le tau faafoeina e faamasino o mataupu i taualumaga o se solitulafono e le gata i lea o mataupu mamafa faa-faamasinoga, o loo faapena ona i ai nei. Sa taua foi o le faatuai ua mafua mai ona o le auala ua faaaoga e malu o le malo o loo faaulu ai a latou pepa i le faamasinoga talu ai e le o i ai se faiga a le faamasinoga e siaki ai pepa o faamatalaga ua tuuina atu mo le resitalaina, o le o taimi e tuuina i totonu e leoleo pepa e sili atu i le tasi ma toe fafoi i tua, teuteu poo le faaopopo o faamatalaga ao loo faagasolo se mataupu.
- 6.4 O sui o le galuega faaloia sa faatalanoa e le Komisi ua taua e faapea o le valaauga muamua o mataup ,ma le faatulagana o aso e valaau ai ua umi le taimi e alu ai, ma sa faailoa mai se manaoga mo nisi auala lelei i le faafoeina o galuega ae lei faia le faamasinoga. E i ai foi nisi sa faaalina ni auala e ese mai i le tulai aloaia i luma o le faamasinoga i mataupu e pei o le faasologa o mataupu tolopoina o mataupu ma le fesuaiga o pepa, e pei la o fono faasamasamanoa ma se Faamasino ma le isi itu e faatatau i le faafoeina o le mataupu poo

se faatalanoaga ma le resitala o le faamasinoga e faamautuina ai le lava saunia o itu e agai ai loa i le suesuega o le mataupu. O se tasi o sui na auai sa fai mai e masani lava o faasologa o aso e fai ai mataupu i le aso e sosoo ai, ae u ii lea ua leai ni faasologa ua tuuina mai mo le valaauina o mataupu poo mai le Faamasinoga Faaitumalo. O le i ai o faasologa o mataupu ae lei aulia aso ua atofa o le a fesoasoani i loia ina ia lelei tapenaga ma e le gata i lea o le faasaoina o latou taimi ae faapea taimi o le faamasinoga.

Fautuaga ma le taulagalaga o le faafoeina o mataupu ua uma ona tagofia

- 6.5 O se Polokalame e faamalosia ai galuega, ma sa aofia ai le faailoaina atu mo se taimi muamua o se faiga mo le faafoeina o mataupu i totonu o le Faamasinoga Maualuga a Samoa, sa faatautaia e se faamasino mai fafo i le 2006 – 07. O leni taulagalaga, peitai ane, ua foliga mai ua le faamauina. Ua malamalama le Komisi o se faiga mo pepa faa-faamasinoga sa tapena o se vaega o lea polokalame ua le o faaogaina nei.
- 6.6 I le 2008 sa tuuina atu ai e le Sosaiete o Loia se fautuaga tusitusia i le faafoeina o mataupu i le Faamasino Sili o le Faamasinoga Maualuga. Sa faatuina mai ele Sosaiete a Loia se manatu ina ia faavaeina e le faamasinoga se tulaga tofi mo se faamasino poo se fesoasoani i mataupu tau puleaga (o se loia ua pasi) o ia o le a gafa ma galuega tau pulega a le Faamasinoga Maualuga. Sa faatuina mai foi e le Sosaiete a Loia e faapea e ono mafai e faamasino ona faia ni ituaiga poloaiga mai i le afeafe o le faamasino, ma aveesea ai le manaomiaga mo itu e oo atu ai i le faamasinoga. O loo malamalama le Komisi o leni fautuaga o loo faapena ona soalaupule pea.
- 6.7 I le 2007-08 sa tuuina atu ai e le Matagaluega o Faamasinoga ma Auaunaga manatu faaali i luga o teuteuga ua faatu mai mo le *TTTS* e faatatau i le faafoeina o mataupu ma le tuuina atu i resitala o le faamasinoga se faaopoopoga o latou malosiaga tau pulega. O teuteuga aupito sili ona taua ua faatuina atu o le a tuuina atu ai le pule i resitala e faatautaia ai le valaauina o mataupu ma le faatulaga o aso e fofoga ai. O se ata o le tulafono taufaaofi leni o loo faatalanoaina i le taimi nei e sui auai.

Manatu o le Komisi

- 6.8 Ua matauina e le Komisi o se faiga mae'ae'a i le faafoeina o mataupu e moomia mo le faatinoina o le faamasinoga amiotonu ua talafeagai ma lelei. O le mea lea, ae peitai, e i fafo atu o le mea e gata ai le tagofia e le Komisi o le iloiloaina o le *TTTS* ina ia faia ni fautuaga mo se faiga maioio e faafoeina ai mataupu. Ae ui i lea, ua taulai le Komisi i ni itu taua se tolu ua aliai mai ma avea ma mataupu ua feteenai ai taofi lava ia, peitai o loo fai foi le sao i le faafoeina lelei o mataupu, aemaise lava le malosiaga o resitala, faailoaina atu o faamatalaga ae lei tauina se mataupu ma le tualumaga muamua o se mataupu ae lei suesueina.
- 6.9 O loo talosia le Komisi o ana fautuaga e faatatau i nei mataupu o le a ogatasi ma se faiga pulega o mataupu e atoa ma lautele mo faamasinoga faasolitulafono lea o loo iloiloaina nei e isi itu-tino.

Malosiaga o Resitala o le Faamasinoga

- 6.10 O le matafaioi a Resitala ma Sui Resitala o le faamasinoga o le faatinoina o matafaioi faapitoa tau pulega ina ia mafai faamasino ona tinou i o latou faiva faa-faamasinoga.
- 6.11 I Samoa, Resitala ua tofiaina e le (Ofisa o le Komisi o Galuega a le Malo (OKGM) ma ua latou nafa ma le faatautaia o le pulega o faamasinoga. O Resitala e ono tofia i le lua pe sili atu ia faamasinoga e aofia ai ma le Faamasinoga Mauualuga. O Sui Resitala mo soo se Faamasinoga Faaitumalo ua faapena ona tofia e le MTFM ma o i latou ua i lalo vaaiga a le Resitala. Ua i ai latou malosiaga ma faamanuiaga tutusa, faatinoina tiute tutusa ma ua i lalo o aiaiga ma faasalaga e tasi e pei o le Resitala. I le Faamasinoga Mauualuga na o le toatasi le Sui Resitala o loo i ai nei (ma le fesoasoani) ua faasinoina mo faamasino taitasi. O le Resitala Sili ma ana tagata faigaluega o loo ua latou nafa ma le faiga o le resitalaga.
- 6.12 I le tau faaiuga o le 2007 sa faatu mai e le Matagaluega o Faamasinoga ni teuteuga i le TTTS ma isi tulafono ina ia faaitiitia galuega tau pulega a faamasino ma ia mafai ai e i latou tuutasi o latou taimi ma le tofa i le faamasinoina o mataupu. O nei teuteuga o le a tuuina atu ai se faaopoopoga o malosiaga i Resitala o le Faamasinoga e faia ai poloaiga tau i pulega ma taualumaga e faatatau i taualumaga o mataupu faasoligatulafono.

Malosiaga fou ua faatuina mai mo Resitala ma Sui Resitala

- 6.13 O le Ata o le *Tulafono o Taualumaga Faasolitulafono 1972* Teuteuga Tulafono Tau Faaofi (2008) ua faatu mai e faapea o matafaioi tau pulega ua taua e mafai ona faatinoina e Resitala poo Sui Resitala:
- 6.14 ***Teuteuga o faamatalaga:*** Fuaiupu 36 o le TTTS ua tuuina atu ai i le faamasinoga le malosiaga e teuteu ai se faamatalaga i soo se auala, mo se faataitaiga, o le suia o se solitulafono i se isi. E mafai ona teuteu se faamatalaga i soo se taimi o faagasolo ai taualumaga o loo tulai ai le ua molia. Ua fesiligia loa le ua molia poo le a laua tali i le moliaga e pei ona teuteu ai poo le suia ai, ma faapena ona faaauau suesuega i luga o lea alatua. Ua faatu mai e faapea o le malosiaga e teuteu ai se faamatalaga ia tuuina atu lea i le Resitala, peitai vagana ai ua malilie le na faauluina le mataupu ma le ua molia i le teuteuga.
- 6.15 ***Malosiaga o le Faamasinoga pe a lē oo mai lē ua molia:*** Afai ua tuuina atu uma/mae'a ona tuuina atu le samani i lē ua molia i se vaitaimi talafeagai a'o lumanai le faamasinoga, po ua mae'a ona tatala i tua le ua molia i le tatala i tua i luga o tuutuuga e faapea o le alii poo le tamaitai ia tula'i lava ia i luma o le faamasinoga, ae peitai o lē ua molia ua le oo mai i le faamasinoga, ua tuuina mai e le f42 o le TTTS i le faamasinoga le malosiaga e:
- faia se tusi saisai mo le saisaia mai o le ua molia poo le tolopo le faamasinoga, pe afai o le solitulafono e i ai lona faasalaga mauualuga e sili atu i le tolu masina i le falepuipui; poo
 - faaauau le faamasinoga ma tuuina atu le faasalaga, tuuina atu se tusi saisai e saisai mai ai lē ua molia, poo le toe tolopo le faamasinoga, pe afai o le solitulafono e i ai lona faasalaga o le sala tupe poo le itiiti ifo i le tolu masina i le falepuipui.

Ua faatuina atu e tuuina atu foi ia lava malosiaga i le Resitala, sei vagana ai malosiaga ia faaauau le faamasinoga i lalo o le f42 (b), o lona uiga e mafai e le Resitala ona tuuina atu tusi saisai poo le tolopo.

6.16 **Malosiaga o le Faamasinoga pe afai o le na faauluina le mataupu ua le oo mai:** Afai ua le oo mai lē ua molia poo le na faauluina mai le mataupu, ua tuuina i le faamasinoga le malosiaga i lalo o le f43 o le *TTTS* e:

- Tolopo le faamasinoga, pe afai o le ua molia o loo taofia poo ua tatala i tua ma o le na faauluina mai le mataupu ua lava le taimi na te maua ai se faaaliga e uiga i le faamasinoga; poo
- Ua faaleaogaina le faamatalaga ona ua lē lava mau mo le moliaga poo le tolopo le faamasinoga i soo se isi lava mataupu.

Ua faatuina atu ia faataga le Resitara na te faaaogaina le malosiaga o le Faamasinoga i lalo o le f43 (a) o lona uiga e mafai e le Resitara ona tolopo le faamasinoga, ae lē o le faaleaogaina o le suesuega.

6.17 **Malosiaga o le Faamasinoga pe afai ua le oo mai itu uma:** Afai ua le oo mai le ua molia faapea foi ma le na faauluina mai le mataupu i luma o le faamasinoga, e mafai e le faamasinoga ona faaleaogaina le faamatalaga poo ua lē lava mau a le itu a leoleo poo le toe tolopo o le faamasinoga. Ua faatuina atu ia faataga le Resitara e faaoga le malosiaga e tolopo ai le faamasinoga ii a mataupu faapea, ae peitai au le faaleaogaina le faamatalaga ona o le lava o mau a leoleo poo loa o le ofisa o le Loia Sili.

6.18 **Tali a lē ua molia i le moliaga:** O le fuaiupu 48 o le *TTTS* e maua ai e faapea, a'o le'i oo i le moliaga, e tataui lē ua molia ona valaau lona igoa ma o le moliaga e ao ina faitauina i le alii poo le tamaitai. Afai ua faamalieina le faamasinoga e faapea o le alii poo le tamaitai ua malamalama i le moliaga, e fesiligia lē ua molia pe faapefea ona tali mai o le alii poo le tamaitai. E mafai e le alii poo le tamaitai ona tali mai ioe pe tete'e poo tuuina atu tali faapitoa e pei ona faatulaga lelei mai e le f 50 o le *TTTS*. Afai e lē tali mai lē ua molia, e mafai e le faamasinoga ona tuuina atu le tali e tete'e. Afai e tali mai le ua molia i le ioe, ma ua faamalieina le faamasinoga e faapea ua malamalama le alii poo le tamaitai i le natura ma mea e oo i ai le tali a le alii poo le tamaitai, e mafai e le faamasinoga ona faamaonia le ua molia poo le nafa ma lē ua molia i soo se isi lava faiga ua faatagaina mai e le tulafono. Afai ua maua le tali e tete'e, ona faia loa lea o le faamasinoga. Ua fautuaina ia tuuina atu i le Resitara le malosiaga e faaoga le malosiaga o le faamasinoga i lalo o le f48 sei vagana ai le malosiaga e faamaonia ai le solitulafono a lē ua molia i lalo o le f48 (4).

6.19 **Tali e fai ma Sui o le Faalapotopotoga:** O le fuaiupu 49 o le *TTTS* ua faatagaina ai le faalapotopotoga ua molia i se soligatulafono ina ia tuuina mai se latou tali e auala mai i se tusi e so latou sui. Afai e le oo mai se faalapotopotoga e auala mai i so latou sui poo ua le mafai ona tuuina mai se tali, e tataui i le faamasinoga ona poloaiina ia tuuina i lalo le tali tete'e, ma e ao ona faaauau le faamasinoga i luga o lona faavae. Ua fautuaina e faapea o le Resitara e tataui ona i ai le malosiaga e tuuina atu ai le tali tete'e i mataupu faapenei, ma ia tolopo le faamasinoga i se taimi ma le nofoaga ma i luga o ia aiaiga e pei ona manatu ai le alii poo le tamaitai e fetau lelei.

- 6.20 ***O tali faapitoa:*** O le fuaiupu 50 o le *TTTS* ua faatagaina ai tai faapitoa mautinoa ia faia, e ta'ua o tali na lē faamaonia moliaga, o se tali i moliaga na faamaonia muamua, ma le tali i le faamagaloga. O isi uma mafuaaga o le tete'e e mafai ona faalagolago i ai i lalo o le tali o le tete'e. E mafai e tali ona tali faatasi, ma o tali taitasi e tatau ona faaleaogaina uma a'o lumana'i ona toe valaauina lē ua molia e toe tali mai. Ua fautuaina e faapea o le f50 o le *TTTS* ia teuteuina e faamalamalama ai e faapea o se tali faapitoa faatoa mafai ona talia e le faamasino, ma afai ose tali faapitoa ua faia i luma o le Resitara, e faapea o lea tolopoina e le Resitara le tali faapitoa 'ae ia faamautuina e le faamsino.
- 6.21 ***Malosiaga e tolopo ai faamasinoga:*** E maua i le fuaiupu 68 o le *TTTS* e faapea o le su'esu'ega o soo se moliaga e mafai mai lea taimi i lea taimi ia tolopoina i se taimi ma se nofoaga ua tofia e le faamasinoga. Ua fautuaina e faapea o malosiaga lava ia e tasi e tolopo ai se mataupu ia tuuina atu i le Resitara. O lenei teuteuga ua fautuina atu o le a mafai ai e le Resitara faatinoina ona tiute i fafo mai o le faamasinoga i lona tulaga o le Ofisa e taofia tagata ia faatino ai e le alii poo le tamaitai lana pule faitalia e faaauau ona taofia se ua molia i totonu o le falepuipui a'o tolopo tualumaga o sea mataupu.
- 6.22 ***Pe a oo ina mafai ona taofia i le falepuipui lē ua molia:*** Ua faae'e atu e le fuaiupu 70 le faitalia lautele i luga o le faamasinoga poo le ofisa e taofia tagata e tatala i tua se tagata ua molia i se soligatulafono, poo ae ese mai ai, ia taofia le alii poo le tamaitai i le falepuipui a'o tolopo tualumaga. Ua fautuaina e faapea o le f70 ia teuteuina ina ia faateleina ai malosiaga o le Resitara e taofia se ua molia, aemaise lava ia mafai ai e le Resitara ona faaoga lenei malosi'aga i le taimi o le lauina o le soligatulafono. E ui ina tuuina atu e le fuaiupu 70 i le Resitara, e fai ai ma sui Ofisa e Taofia Tagata, o le malosiaga e taofia sē ua molia i falepuipui a'o faagasolo tualumaga faa-faamasinoga o soligatulafono. E pei la o lea, o le faaogaina o ia malosiaga e le Resitara ao faagasolo le lauina o soligatulafono e mafai ona lu'iina faaletulafono.
- 6.23 ***O malosiaga o le Resitara e faatoa mafai ona faatinoina ao lumana'i tualumaga o loo faafogaina e se Faamasino:*** Ua fautuaina e faapea ia i ai se aiaiga e aofia i totonu o le *TTTS* e faamanino ai e faapea faatoa mafai ona faatinoina e le Resitara soo se malosiaga ua taua i luga i totonu o tualumaga ao lumanai soo se Vaega o lena tualumaga o loo faafogaina e se Faamasino.

Pulega Faafaamasinoga e faatusatusa iai

- 6.24 O tulafono i totonu o Niu Sila ma i totonu o nisi o pulega faa-faamasinoga a Ausetalia e latou te tuuina atu malosiaga i luga o resitara e sili atu nai lo le faapea na'o tiute tauave tau le pulega.
- 6.25 I Niu Sila, o Resitara ma Sui Resitara e i ai le malosiaga e nafa ai ma talosaga mo le toe fofogaina o se mataupu pe afai o le ua molia ua maua e sala poo sa faasalaina a'o toesea le alii poo le tamaitai e faasino lea i soligatulafono e lē faasalaina i le faafalepuipui, pe afai e le tete'e i ai leoleo ma o le tusi talosaga mo le toe faia o le faamasinoga poo le toe suesueina na faia i luga o mafuaaga e faapea o le ua molia sa le logoina i le faamasinoga poo le suesuega. E mafai foi e Resitara ona toe faafou poloaiga na taofia ai pe afai na tolopoina e le Resitara le fofogaina o le moliaga o soo se isi moliaga ma ua taufai malilie

uma itu e lua i le faiga o le poloaiga. O le Tulafono ua atili tuuina atu ai i le Resitara malosiaga lautele: soo se tagata ua molia i se soligatulafono e le faasalaina faafalepuipui e mafai ona tali ioe i se faaliga tusitusia i le Resitara; e mafai ona talia ma faamau e le Resitara se tali tete'e; e mafai e le Resitara i luga o le tusi talosaga, tolopoina le fofogaina o soo se moliaga, pe afai o le ua molia e le o taofia i le falepuipui i le taimi o le tusi talosaga na faia a'o le'i amatalia le faamasinoga; ma e mafai e le Resitara ona tuuina atu se tusi saisai e saisai mai ai lē ua molia pe afai o le mafai e le alii poo le tamaitai ua molia ona oo mai i lona faamasinoga.

- 6.26 I Vitoria, e mafai e le Resitara i le Faamasinoga Maulalo, i luga o le talosaga a lē ua molia, tolopo taualumaga i se isi aso o i luma.
- 6.27 Ua aiaia i le tulafono i Ausetalia Sisifo e faapea e mafai e se faamasinoga e maualuga atu ona tuuina atu i se Resitara pulega faa-faamasinoga e nafa ai ma le talosaga ma isi mataupu e faapea e le aafia ai le faamautuina mulimuli a leoleo poo le Loia Sili.

Manatu na tuuina mai

- 6.28 I Pepa o Faamatalaga, na fesili ai le Komisi pe tatau i Resitara ma Sui Resitara ona i ai le malosiaga e faatino ai ituaiga o galuega e tau le pulega faa-faamasinoga ia o loo ta'ua i luga (fesili 23).
- 6.29 Na maua e le Komisi ni finagalo se lua na tali mai ai i le fesili. O le tasi sa lagolagoina le toefuata'iga ua faatu atu, ao le isi na teena le fautuaga, na faaupu mai e faapea i le manatu o tagata lautele e pei e aliali mai e le lava le agava'a ma le poto masani o Resitara e faia ai ia faai'uga se'i vagana ua faia e se Faamasino. O lena tagata na fautua mai o le isi tulaga e faaono mafai ona faia se isi tulaga fou mo se faamasino e aafia i le Faamasinoga Faa-itumalo e nafa ma le matafaioi lea o le faia o faaiuga i mataupu tau le pulega.
- 6.30 O le manatu aoao/lautele na faaalua i feutaga'iga ma sui o le faamasinoga ma le vasega o loia sa faapea, eui ina tele faamanuiaga e maua i le faae'e atu o le tele o malosiaga i luga o Resitara, o nisi o Resitara i le taimi nei e lē lava le aoaoina, tusi pasi, lagolago ma le faatuatuaga e faatino lelei ai malosiaga a le faamasinoga. Ua maitauina e ē e aafia ai, ina ia mafai ona faatino le pulega, e tatau lava i Resitara ona i ai le atamai ma le tomai talafeagai ma le aoaoga ma e le gata i lena a'o tusi pasi ma iloa vaai ma pulea, ina ia faatino matafaioi faapitoa. Afai e le faapena, o lona uiga o le a faaoga loa e loia le faaletonu o Resitara lea o le a tulai mai ai le lava o le faatuatuaga e nafa lelei ai ma mataupu.
- 6.31 Ae ui lava la i nei atugaluga o mea faatino, o loo i ai le lagona lautle e faapea e ao i le Resitara ona mafai ona ia faia poloaiga e ala atu i le maliega, e pei ona masani ona mafai ona faia i mataupu tau sivili poo i le tatalaina o faaiipoipoga e le tete'e iai; talia tali mai; ma faia poloaiga faavae tau le pulega e faasino i talosaga ma faasologa. Ua faamaonia mai e ē e aafia ai e faapea o le a lē lava le teuteuina o le tulafono e maua ai e Resitara nei malosiaga, ae peitai e faapea o le a manaomia se suiga talafeagai i le faatinoga a le faamasino loia ma le aufaigaluega a le faamasinoga.

Manatu o le Komisi

- 6.32 O teuteuga ua fuafuaina i le *TTTS* e faasino i malosiaga o Resitara o le faamasinoga o le a faae'e atu ai pulega nai lo tiute faafaamasinoga i Resitara, e taua ia malosiaga e: tuuina atu se tusi saisai e saisai mai ai lē ua molia, tolopo taualumaga pe afai o le ua faamatalaina mai le mataupu poo se ua molia poo o i laua uma e toalua ua le faatasi mai; ma faia tali o le ioe poo le tete'e i mataupu taitasi. Ae le gata i lea, ua maitauina e le Komisi e faapea ua leva ona i ai malosiaga i Resitara latou te faia ai faaiuga e faasino i le tatalaga i tua, ma faatino tiute faalepulega pe afai e leai se faamasino o maua.
- 6.33 Ua manatu le Komisi e faapea e matuā talafeagai ma moomia e faapea e mafai e Resitara ona faatinoina tiute ia na taua i luga, ae peitai o faaiuga faafaamasinoga e pei o le faaiuga mulimuli o mataupu e tataua lava ona taatia pea i le faamasino. O le taua ma le toe valaauina i le isi itu, o ni matafaioi e mafai lava e Resitara ona latou faatinoina pau lava o le mea ia i ai ni o latou agava'a talafeagai ma a'oa'oina lelei ma le tulaga mafaia e tuuina atu ai mataupu i le faamasino e pei ona manaomia ai.
- 6.34 Ua ioeina e le Komisi e faapea o suiga faaletulafono ia faaopoopo malosiaga o Resitara e nafa ma mataupu tau le pulega i taualumaga faa-soligatulafono e le lava e faatino ai se faiga faavae lelei tau le pulega. E tataua foi ona suia le auunaga faa-loia. Mo lea la mafua'aga, ua fautuaina ai e le Komisi e faapea o teuteuga o le tulafono e ao ina o faatasi ma a'oa'oga faifaipea ma le lagolago mo Resitara i le faaaogaina o nei malosi'aga. Na maitauina e le Komisi e faapea o le alii faamasino o Vaai o le Faamasinoga Faa-Itumalo ua mae'a ona ia faatautaia se aoaoga e fa masina mo Resitara, na taula'i atu i le atina'e o lo latou tulaga mafaia ma le faatuatua i le faatinoga o o latou malosiaga o loo i ai i le taimi nei. O se isi polokalame e faapea e ao foi ona maua mo le Faamasinoga Maua. I lana iloiloga o le Tulafono o Faamasinoga Faa-Itumalo 4969, o loo faapena foi ona asiasi le Komisi pe o i ai se manaomia o se agava'a faapitoa e manaomia i le tofiga o Resitara i lalo o le f 11 o lena Tulafono.
- 6.35 Na iloiloia foi e le Komisi e faapea e ao i le tulafono ona maua ai mo malosiaga faalepulega na talanoaina i luga ia faatino e Resitara. O atugaluga e itu faatino e mafai ona faapea o malosiaga e le o faaaogaina i se tulaga aoao tetele i tulaga amata, ae peitai o isi suiga i le pulega o mataupu ma le pulega o faamasinoga e faaono oo atu ai i se tulaga e ese mai ai e faataga ai Resitara e sili atu ona aoaoina ma agavaa faatasi ma le lagolago moomia e faatino nei tiute ma matafaioi. E le tataua i le Tulafono ona na'o le mulimuli i faiga o loo alu ai nei ae peitai ia maua foi avanoa ma tulaga e faaono tula'i mai mo faiga e manaomia i le lumana'i ia e le faapea o le a alu ai lava poo le faamatalaina atu. O le naua ai la o ia malosiaga i totonu o le *TTTS* o le a avea ai foi ma faatosina e faaoga ai se faiga o le aoaoina ma tuuina atu malosiaga i Resitara mo taualumaga faafaamasinoga.

Fautuaga 14: Ua lagolagoina e le Komisi teuteuga i le *Tulafono o Taualumaga Faafaamasinoga o Soligatulafono 1972* ia na faatulai mai e le Matagaluga o Faamasinoga ma le Pulega o Faamasinoga ia ua i totonu o le Ata Faaitai o le *TTTS* ma *Tulafono Tau Faaofi o Teuteuga (2008)* ia e faasino i malosiaga o Resitara o Faamasinoga.

Fautuaga 15: E ao i le Matagaluega o le Faamasinoga ma le Pulega o Faamasinoga ona atina'e ma pulea polokalame tau aoaoga mo Resitara o Faamasinoga, e uiga i matafaioi, tiute tauave, agavaa ma tusi pasi ma tomai e talafeagai ma moomia i le faatinoga o o latou malosiaga i lalo o le *Tulafono o Taulumaga Faafaamasinoga o Soligatulafono* 1972.

Mea e mafai ona faaali atu ao lumanai le faamasinoga

6.36 O taimi fetau ma le maua avanoa talafeagai i faamatalaga a'o lumanai se suesuega o se soligatulafono e taua i le faamautuina e faapea o lē ua molia na te maua se faamasinoga talafeagai ma e faapea o taulumaga o loo faia i se tulaga fetau lelei. E tolu itu i le maua lea o faamatalaga a'o lumana'i le faamasinoga. O le mea muamua o le mana'oga lea e faapea ia faaali mai e leoleo poo loaia a le Loia Sili i lē ua molia faamatalaga e aoga mo le mataupu. O lona lua o se avanoa tapula'a mo le ua molia e tuuina atu ai ni ituaiga o faamatalaga i le itu a leoleo poo le Loia Sili. Mulimuli, o loo i ai le fesili pe tatau ia Samoa ona ia faaoga le faiga lea o le fetufaa'i o faamatalaga ina ia taufai malamalama i mataupu mo faamasinoga.

Mea e mafai ona faaali atu e le Itu a Leoleo/Loia Sili

6.37 'Mea e mafai ona faaali atu e le Itu a Leoleo/Loia Sili' e faasino i matafaioi a le Itu a Leoleo/Loia Sili ia tuuina atu i lē ua molia soo mea aoga e faapea o ia mataupu e lei tuuina atu muamua, ae fai fuafua lava i na'o itu e manaomia e puipuia mai ai i le faaituau i le tulaga manuia mo le atunuu lautele. O le aiā tatau o le ua molia i se faamasinoga talafeagai lelei ua aofia ai le ai le aiā tatau e mau avanoa ai i faamatalaga e aafia tonu ai le mataupu o loo umia e le itu a leoleo/loia sili. Faatoa mafai lava e lē ua molia ona tali i moliaga pe afai o le alii poo le tamaitai ua na iloa molimau uma e faapea ia o le a faaogaina i le mataupu e faasaga i le alii poo le tamaitai. E ao ona maua le avanoa e lē ua molia e sauniuni sana tete'e, poo se isi tulaga, i se vave i le mataupu ua molia ai. O mea e mafai ona faaali atu e le itu a leoleo/loia sili e ao foi ona aofia ai le toe fetuutuunai o le le paleni i le va o le itu a leoleo/loia sili, lea e i ai mea e fai a'i e le Malo ma faamanuiaga o suesuega a leoleo e fausia ai se mataupu, ma o le ua molia, o ia lea e le o ona ia maua lea lagolago.

6.38 O loo pulea i le taimi nei mea e mafai ona faaali atu e le Itu a Leoleo/Loia Sili e le tulafono faavae lautele ma aiaiga o le *TTTS*. O le tulafono faavae lautele e manaomia ai le itu a leoleo/loia sili ia faaali atu i lē ua molia soo se mea o loo ia te ia i lana vaaiga lea e faaono aoga i le mataupu a lē ua molia, e ui lava o lena molimau e ono oo atu ai i se tulaga faavaivaia ai le mataupu a le Itu a Leoleo/Loia Sili poo le faamalosi atili le mataupu mo lē ua molia. O le fuaiupu 89(1) o le *TTTS* ua faatulaga atu ai se faiga faaletulafono faatapulaa mo le mafai ona faaali atu o mea mai le Itu a Leoleo/Loia Sili. E manaomia ai e le itu a leoleo/loia sili ia tuuina atu i le ua molia kopi/ata o faamatalaga uma na faia e le ua molia ma soo se molimau ua fuafuaina e molimau i le faamasinoga. Faatoa faaogaina lena aiaiga i faamasinoga ia e fofoga i luma o faatonu i le Faamasinoga Maua. I faamasinoga la e fofogaina i luma o le Faamasinoga Maua e le Faamasino e toatasi poo i le Faamasinoga Faa-Itumalo, ua aveavea'i le tuputupu pea o lea tulaga i le faia ai e le faamasinoga o poloaiga faapitoa e faapea o itu a leoleo/loia sili ia tuuina atu i le loaia a lē ua molia ata o Faamatalaga a molimau ma isi pepa uma ia o loo fuafua e le itu a leoleo/loia

sili e faaaogaina i le faamasinoga, e pei la o lipoti faafomai, ata na tapu'e ma faamatalaga na faia e lē ua molia i leoleo.

Pulega Faafaamasinoga e faatusatusa iai

- 6.39 E ui i le faailoa atu e le Itu a Leoleo/Loia Sili o se tasi o itu e tatau ai mo le maua e le itu a lē ua molia ia na maua se faamasinoga talafeagai mo le amiotonu, o pulega faafaamasinoga e eseese, i le tulaga e oo i ai le tulaga manaomia i le itu a leoleo/loia sili o loo aiaia atu i totonu o le tulafono.
- 6.40 O nisi o pulega faa-faamasinoga, e fai ma faataitaiga Ausetalia i Saute e faalagolago malosi i le tulafono faavae tuai. I na pulega faa-faamasinoga, e i ai le malosiaga i le faamasinoga e faia ai poloaiga faapitoa e faasino i mea e faaali atu e le itu a leoleo/loia sili, e fai ma faataitaiga o le faatulaga atu lea o le taimi e mafai ai e le itu a leoleo/loia sili ona tuuina atu faamatalaga i le itu a lē ua molia. O isi pulega faa-faamasinoga ua faatulaga atu ai matafaioi o le faaali atu i le itu a le ua molia e auala atu i pepa o faiga faavae. E fai ma faataitaiga, i Ausetalia o faiga faavae o le faaali atu o loo faatulaga atu i taiala e faaali atu ai ia e pulea galuega a ē e pulea le moliaga o tagata lautele i luma o faamasinoga.
- 6.41 O isi pulega faa-faamasinoga ua faatulafonoina mea e manaomia e faaali atu e auala i tulafono. I le malo tele o Peretania, ua aiaia i le *Tulafono o Taualumaga Faafaamasinoga o Soligatulafono ma Suesuega 1996* (UK) e faapea e ao i le itu a leoleo/loia sili ona faaali atu i le itu a lē ua molia soo se itu o la latou moliaga 'lea e faaono maua ai se tulaga talafeagai e mafai ona aafia ai le moliaga a le itu a leoleo e faasaga i le ua masalomia poo ua fesoasoani ai i le mataupu mo le ua masalomia.
- 6.42 E tele pulega faafaamasinoga e i ai a latou faiga auiliili o a latou tulafono mo le faaali atu mai le itu a leoleo. E fai la ma faataitaiga, o le Tulafono a Niu Sila. O le faaali atu o mataupu tau Soligatulafono 2008 (NZ) ua faatuina ai se faiga e matalua mo le faaali atu e le itu a leoleo. E ao i le itu a leoleo ona 'faia se uluai faaaliga' i totonu o le 21 aso mai le amataga o taualumaga. E tatau i le itu a leoleo ona tuuina atu i le itu a lē ua molia le oototoga o mea na tutupu o le soligatulafono ua molia ai, faasalaga mo le soligatulafono ma le lisi o moliaga na faamaonia muamua o lē ua molia. I le taimi la lea, ua faailoa atu foi i le ua molia i ona aiā tatau o le alii poo le tamaitai e talosagaina atili nisi faamatalaga a'o le'i tuuina atu lana tali i le moliaga. O nisi faamatalaga e mafai ona aofia ai suafa o ē e molimau ia o le a valaauina e le itu a leoleo, le lisi o ata e faaali atu i luma o le faamasinoga, ata o faatalanoaga ma pepa a leoleo. O le laasaga poo le maga lona lua o mea e faaali atu, ua taua 'faaaliga atoa atu', e tatau lava ona faia i se taimi e aupito sili ona vave ina ua mae'a ona tulai muamua lē ua molia, le alii poo le tamaitai, tali tete'e poo le filifili ia faamasinoina e se aufaatonu. I lea la tulaga, e tatau i le itu a leoleo ona maua mai (pe afai e lei faia lea tulaga): ata faaali i luma o le faamasinoga; faamatalaga o molimau e aofia ai molimau mai se molimau atamai faapitoa; suafa o tagata na faatalanoaina e le itu a leoleo e tusa lava pe lē o i ai se manatu o leoleo e valaau i latou e molimau; ma soo se moliaga ua faamaonia o se molimau o le itu a leoleo lea e faaono aafia ai le tulaga faatuatuaina o lona molimau. E ao foi i le itu a leoleo ona maua atu i lē ua molia le lisi o faamatalaga e faapea o loo taofi e lē faaalia atu ma se molimau aofia faapitoa; suafa o tagata na faafelauoaina e le itu a leoleo e tusa lava pe lē o i ai se manatu o leoleo e valaau i

latou e molimau; ma soo se moliaga na faamaonia o se molimau o le itu a leoleo lea e faaono aafia ai le tulaga faatuatuaaina o lena molimau. E ao foi i le itu a leoleo ona maua atu i lē ua molia le lisi o faamaumauga e faapea o loo taofi e lē faaalua atu ma mafuaaga na mafua ai ona taofi ia faamalelega.

- 6.43 E ui lava o nisi tulafono ua faatulaga atu ai se ata faataoto mo le faaalua atu o faamatalaga e le itu a leoleo, o le tele o tulafono a latou puleaga o loo faaalua manino e faapea o le tiute o le itu a leoleo e faali atu ai faamatalaga ia faauau pea ona faia. O lona uiga afai e maua soo se faamatalaga fou e le itu a leoleo ina ua mae'a ona faali atu ni faamatalaga o moliaga, e tataua lava ona faali atu i le na molia i se taimi aupito vave e pei ona mafaia ai ona faatino.
- 6.44 E mafaia foi e le pulega faaletulafono ona faatulaga atu foi le faagasologa ia e le mulimulita'i ai le itu a leoleo i aiaiga faatulagaina mo faamatalaga faailoa atui le isi itu. E fai ma faataitaiga, o le *Tulafono o Taulumaga o Faamasinoga o Solitulafono 1986* (NSW) ma faatagaina ai le faamasinoga e teena le taliaina o molimau e lei faaalua muamua mai ao lei amatatia le faamasinoga, poo le tuuina atu o se tolopoga o suesuega.

Manatu na tuuina mai

- 6.45 O pepa mataupu na fesiligai ai e le Komisi pe alagataua ona i ai se faiga faatulafono faatonutonu o le faaliga o faamatalaga ma i le itu a leoleo i le itu a lē ua molia (Fesili 6).
- 6.46 E toatele nisi o le vaega a loia na maitauina e faapea e le o i ai se faiga lelei o le faalua atu o faamatalaga e le itu a leoleo i loia poo e o tu mo lē ua molia. O le toatele na latou maitauina e faapea o faamatalaga a le itu a leoleo o le tele o taimi e lē atoatoa ai lo latou tuuina atu; ma e isi isi pepa faatoa tuuina atu toe le aso a'o lumanai le faamasinoga. Na ta'ua e isi e faapea e masani ona latou tusi atu i le tui a leoleo e talosagaina ia faamatalaga a a latou molimau. O loo i ai se atugaluga masani e faapea o le tuai ona faali mai ua afaina tele ai le tulaga mafai ma le agavaa o le ua molia e tapena ai sana puipuiga talafeagai.
- 6.47 O le toatele o ē aafia ai latou le lagolagoina le faatulagaina o le tiute o le itu a leoleo ia faatulafonoina le faaliga o faamatalaga mai le itu a leoleo. O le toatele o e aafia ai ua latou maitauina e faapea o le a avea lea ma tulaga e mafaia ai ona femalamalamaa'i ai tataua ma tiute o itu uma i taulumaga lena faamasinoga o soligatulafono.
- 6.48 Na faalua ma e nisi o ē e aafia ai pe e le tataua i le tulafono ona faama'oti mai se faatulagaga o taimi faatapula'a e faali atu ai pepa a le itu a leoleo. O nisi o loia na latou faatu mai ia fesootai le faaliga o pepa i le faiga o le valaau atu, lea e amata ile ono vaiaso a'o le'i o'o ilea so o le faamasinoga, poo 'ae o lumanai le faatulagaina mo le suesuega o mataupu. E mafai la e le itu a leoleo ona manaomia ia tuuina atu pepa i le fa vaiaso a'o lumanai le faamasinoga a'o le'i faatulagaina le mataupu mo le faamasinoga. Na faaalua foi e se tasi e aafia ai lona atugaluga e faapea o le faamaotiina o le taimi o lona uiga e faapea ai o lea maua ai e le itu a leoleo ona tu'u lava i le taimi lena e faamatu'u mai ai faamatalaga, nau lo le faali mai o faamatalaga i se taimi vave i le faagasologa o se mataupu.

Manatu o le Komisi

6.49 Ua manatu le komisi e tatau i le *Tulafono o Taulumaga o Solitulafono [TTS]* ona faataoto manino mai le manamiaga mo le faalauiloaina e le itu o loo tu mo se moliaga faaulu i le faamasinoga. O le a faamautuina ai le matafai oi a e leo tu mai mo se moliaga e taulima ina ai, o le a faamatala manino i totonu o le tulafono mo le fesosoani atu i itu e lua. O le aofia ai o se faiga e faalauiloa atu ai i totonu o tulafono o le a faapea foi ona faauigaina e tusa o se alafua lava o lea faapea ona faaogaina i taulumaga o soligatulafono i le Faamasinoga Faaitumalo ma le Faamasinoga Mauuluga.

6.50 Ua manatu le Komisi e tusa poo fea lava e agai i ai le fauina o se tulafono mo le faalauiloaina e le itu o loo tu mo se moliaga ua faaulu i le faamasinoga e tatau ona faatulafonoina le tulaga o tulafono faavae mai anamua, a le o le taumamao ese ai. Ma ua faapea ona fautua ai e le Komisi le tatau i le *TTTS* ona tau manino mai le tiute masani ai o le itu o loo tu mo se moliaga ua faaulu i le faamasinoga o le faailoa atu i le o loo tali i se moliaga soo se mea lava o loo umia e ono avea ma se mafuaga tatau o le a mafaia ona faavaivaina ai le itu a se o loo tu mo se moliaga ua faaulu i le faamasinoga poo le a fesosoani lea i le faamasinoga mo le o loo tuuaia. O se faamatalaga faalauaitete faapea o le a faavaeina ai le faamoemoe ma le siui autu mo se faiga e faatulafonoina ai le tulaga o le faalani lea o ni faamatalaga.

6.51 E fa mataupu iloga e ao ona faamalamalamaina i se faiga faaetutulafono e tusa ai ma faamatalaga e faalauiloa atu e le itu o loo tu mo se moliaga ua faaulu i le faamasinoga.

6.52 Muamua, e ao ona faamanino mai i le tulafono ituaiga mea uma e tatau i le loia o loo tu e faamaonia le moliaga ona faailoa atu i le o loo tali i le moliaga. E tusa ai ma ituaiga faamatalaga o loo faaogaina e le itu o loo finauina le faamaonia o se moliaga i totonu o Samoa, faapea ai tulafono e faatatau i le faailoaina atu o faamatalaga i isi pulega,ua manatu le Komisi ua tatau i le *TTTS* ona faataoto mai se lisi o mea e tatau i le itu o loo finauina le faamaonia o se moliaga ona faailoa atu i le o loo tali i se moliaga ona aofia ai mea nei:

- O le lisi o tagata o loo ua faapea mai le itu o loo finauina le faamaonia o le moliaga o le a latou valaauina e fai ma molimau faatasi ai ma a latou faamatalaga;
- O faamatalaga uma lava sa faia e le o loo tali i le moliaga, pe sa tuu fofoga atu, pe sa tusitusia faasologa.
- Se lisi o uluai solitulafono a le o loo molia.
- Soo se faamatalaga, faamaumauga tusitusia poo se isi mea e manatu le itu o loo finauina le faamaonia o le moliaga, e faalagolago i ai i le taimi o taulumaga o le faamasinoga...
- Se lisi o aitema / mea faitino o le a manatu le itu o loo finauina le faamaonia o moliaga e faaogaina e faailoa ai se faamaoniga o le mea na tupu.
- Soo se aotelega o ni faamaoniga e tuuina atu, poo se ripoti e saunia e se molimau iloga.
- Faailoaina o soo se mea e tulagaese e mafai ona avea ma lagolago taua o le molimau ua fuafuaina e le itu o loo finauina le faamaonia o le moliaga, e aofia ai ma talaaga o ana soligatulafono, ato ai ma.Soo se faamatalaga lava e fesootai i le solitulafono ua tuuaia ai, e aofia ai faamatalaga ua le faamoemoe le itu o loo finauina le faamaonia o

le moliaga e faalagolago i ai i le taimi o taualumaga o le faamasinoga, e tusa lava pe o le a ono fesosoani lea i le tiu a e o loo finauina le faamaonia o le moliaga poo le itu a le o loo tali atu i le moliaga

6.53 Lona lua, e tatau i le tulafono ona faailoa mai tulaga uma o le a faapea ona taofia ai le faailoaina mai ai o ni mea, e pei la o le tatau ai ona puipuia malu le saogalemu lautele, suesuega a leoleo poo ni tagata molimau e ono aafia gofie. O le a i ai i totonu o le tulafono o se lisi faapea o le a le ono faamalosia le manaomia ona i ai, talu ai o le a mafaia i le itu o le a faamaoniaina le moliaga ona faalagolago i le faiga faavae masani o le malutia mai o se mea e avea ma mafuaaga e taofia ai mai le tuuia atu o ni faamatalaga i totonu o le tulafono o le maua ai se faamaninoga e tuasa ai ma aiā tatau ma tiute o itu e lua. I le manatu o le Komisi, e tatau ona aafia i totonu o *TTS* aiaiga e mafaia ai e le itu o le a finauina le faamaonia o se moliaga ua i lalo o se tulaga o le malutia ai poo ni faamatalaga ua tapu lona faalauiloaina atu e pei ona aiaia i lalo o nisi o tulafono, poo le afai o lea faailoa atu o ni faamatalaga o le ono mafaia ai ona:

- Aafia le puipuiga malu, le tali atu i osofaiga poo le va i fafo ma Samoa;
- faaituau i le puipuia, suesuega poo le finauina le faamaonia o soligatulafono;
- lamatia le ola poo le saogalemu o soo se tagata; poo
- faaituau i le puipuiga o le mamalu lautele.

6.54 Pe afai ua taoia mai le faailoa atu o ni faamatalaga, e tatau i le itu o loo finauina le faamaonia o se moliaga ona tuuina atu i le o loo tali i se moliaga se lisi o ia faamatalaga. e taua le silafia e le o loo tali i se moliaga poo a faamatalaga o loo ua taofia ma mafuaaga ua alai lea tulaga, ina ia mafaia ai e lea tagata ona maua le avanoa e tete'e atu ai i le itu o loo finauina le faamaonia o se moliaga ma lana faaiuga ua le faailoa atu ai ia tulaga.

6.55 Lona tolu, e tatau e se pulega faaetulafono ona faataoto mai se taimi tapulaa e alagatatau ai i le itu o loo finauina le faamaonia o se moliaga ia faamatalaga. E lua itu e faasino i lenei mataupu. O le itu muamua o le faailoa mai lea i totonu o le tulafono o se taimi tapulaa mo le faailoaina atu o faamatalaga i le o loo tali i le moliaga – mo se faataitaiga, ina ia tuuina atu e le itu o loo finauina le faamaonia o se moliaga faamatalaga e uiga i le moliaga i totonu o se taimi e le silia atu i le fa vaiaso ae le faatauina le faamasinoga. O le itu lona lua o le faapea mai o le tulafono e tatau ona tuuina atu faamatalaga i totonu o se vaitaimi talafeagai, faatasi ai ma se avanoa mo soo se itu e fesiligia ai se poloaiga auiliili mai i le faamasinoga. O lenei avanoa o le a i ai sona itu lelei e tusa o poloaiga o le a mafaia ona faia ma le amanaia o le tulaga o itu se mataupu faatasi ai ma le tele ma le avanoa e maua ai faamatalaga o loo aafia i le mataupu.

6.56 O se faatusatusaga, e tusa ai ma atugaluga o loo i ai nei e faatautu i le tuai na faailoa atu o faamatalaga e e itu o le a finauina le faamaoni, a o se moliaga ona faailoa mai faamatalaga e uiga i le mataupu i se taimi vave, peitai ia le silia i le 30 aso ae lei oo i le aso o le faamasinoga. E tatau ona unaia le faailoaina o faamatalaga i se taimi vave ina ia faafaigofie ai le soalaupuleina i totonu o se taimi vave mataupu, mo se faataitaiga, e ono faapea mai se tasi o loo faatali i se moliaga ua ioe i le moliaga. Ua fautuaina le faamaonia o se moliaga o le faia pea lava o le faailoa mai o faamatalaga talu ai afai ua umia e le itu o le a finauina le

faamaonia o se moliaga ni faamatalaga fou ae ua tuanai ona faailoa atu faamatalaga e uiga i le moliaga, ua tataua loa i le itutagi ona faailoa atu ia faamatalaga i le o loo tali i le moliaga i se taimi vave lava e mafai ona faia ai.

- 6.57 Mulimuli, o se pulega faaletulafono e ono mafai ona aofia ai taualumaga i le soalaupuleina o feeseeseaiga i le va o le itu tagi ma se o loo tali i le moliaga e faatatau i le faailoaina o faamatalaga e tusa ma le moliaga. O se aiaiga faapea e tataua ona faatulaga mai e le faamasinoga o le a i ai le malosiaga ina ia talafeagai ma le amiotonu o le faamasinoga.

O le taofi o le Komisi e moomia le aofia ai o ni faasalaga mo le lē mulimuliataia o le pulega e faatatau i le faailoa atu o faamatalaga i totonu o le tulafono. E sili atu le talafeagai o le fuafua e le faamasinoga pe faapefea ona fofō o soo se tulaga aliai mai e faatatau i le lē mulimuliataia e fua i le aiā tataua o le o loo tali i se moliaga i se faamasinoga le pule faaitalia e mautinoa ai le faia o se faamasinoga talafeagai ma ua uma foi ona faia se poloaiga e fofō tulaga o le lē faailoaina o faamatalaga ina ia talafeagai ma le amiotonu o le faamasinoga, mo se faataitaiga o le faia o ni poloaiga e faailoa atu ai faamatalaga pe a faatulaga aso e faia ai faamasinoga, poo le faatagaina o se malologa ina ia mafai e le o loo tali i se moliaga ona tapena lana itu e tusa ai ma faamatalaga ua maua ma i le itu tagi.

Fautuaga 16: O le *TTTS* 1972 e tataua ona aofia ai i totonu se pulega mo le faailoaina o faamatalaga e le itu tagi i se o loo tali i le moloaga. O lea pulega mo le faailoaina atu e tataua:

- Ona faapea mai ua i ai i le itu tagi le tiute faalauaitete e faailoa atu ai i le itu tete'e soo se faamatalaga o loo latou umia talu ai on o ni mafuaaga e ono lapelapea ai le tauaveina o le mataupu a le itu tagi poo le fesosoani lea i le mataupu a le ua tuuaia.
- A i ai, e tataua i le itu tagi ona faailoa atu i le itu tete'e i se taimi vave ua talafeagai ona faia ai pea tuanai le amatalia o taualumaga o faamasinoga ma ia le silia i le 30 aso ae lei taunuu i le aso o le faamasinoga:
 - se lisi o igoa o tagata ua faamoemoe le itu tagi e valaau e molimau, ma a latou faamatalaga tusitusia;
 - Faamatalaga uma na faia e le o loo tete'e, pe na tuu fofoga poo faamauina tusitusia faasologa.
 - Soo se faamatalaga, se pepa poo se mea ua faamoemoe le itu tagi e faalagolago i ai, i taualumaga o le tolaulaga o molimau;
 - le faasologa o mea ia ua faamoemoe le itu tagi e tuuina atu e fai ma molimau;
 - Soo se vaega puupuu o se molimau o le a fofogaina, poo se ripoti o le a tuuina atu, e se molimau i poto faapitoa;
 - Faaaliga i soo se mea lava o le a tauleagaina ai le talitunuina o se tasi ua fuafua le itu tagi e ave ma molimau, e aofia le tulaga o soligatulafono sa faia; ma
 - Soo se faamatalaga e fesootai ma le soligatulafono ua tuuaia, e aofia ai faamatalaga o le a le faamoemoe le itu tagi e faalagolago i ai pe a tau le faamasinoga, ma e le taua ai le tulaga pe o le fesosoani lea ile itu tagi poo le itu tete'e.
- O nei faamatalaga ua tataua foi ona tuuina atu i le faamasinoga i le vaita lava lea.
- Aiaia mai e ona mafai e le itu tagi oma le mafai ona faailoa atuni faamatalaga ua taua i ni mataupu faamanuaiga faapito o se itu e tulaga ese ai lea tagata poo le a ona o ni mafuaaga

o le a:

- Aafia ai le malutia, puipuiga poo le faavaomalo a Samoa;
- Faaituau le puipuia, suesuega poo le finauina e faamaonia o moliaga faasolitulafono;
- Lepetia le soifua poo le malu puipuia o soo se tagata; poo
- Faaituau i le puipuiga o le saogalemu o tagata lautele
- Moomia le tuuina atu e le itu tagi i le o loo tali i le mataupu se faasologa o soo se faamatalaga o loo le mananao e faailoa mai.
 - Ia taua manino mai e faapea o le itu tagi ua i ai le tiute fai o le faailoa mai i se taimi vave ua alagata a i le o loo tali i le moliaga ni faamatalaga fou o le a taulimaina e le itu tagi ae ua maea ona faia le faailoa atu o faamatalaga.
- Aiaia e faapea o le Faamasinoga ua i ai le pule e poloaia ai e faapea o ni faamatalaga sa taofi muamua mai le faailoa atu ua tataua ona faailoa atu i le o loo tete'e ona o le amiotonu a le Faamasinoga.

Faailoaina o faamatalaga a le itu tete'e

6.58 O le faailoaina atu o faamatalaga e lē o loo tete'e i le moliaga i le itu tagi ua pulea e tulafono faavae e ese mai i tulafono faavae ua faaaogaina i le itu tagi pea latou faailoaina atu faamatalaga. O le matafaioi a lē o loo tete'e i le moliaga e faailoa atu ai faamatalaga ae lei faia se faamasinoga ua taofiafia lea e se tulaga faapitoa ua aiā i ai le o loo tete'e e faasaga lea o lou toe tau lava o oe [e masani ona taua o lea aiā tataua e le faia ai se faamatalaga]. O loo ua saga faamausali i le *Faavae* [Fuaiupu 9(5)] o le avega o le tau faamaonia o lama mau e faasaga i le o loo tete'e i tala atu o le mautonu ua talafeagai e aofia ai le faaleaogaina o soo se mau tete'e. O lona uiga la o loo ua i ai i le o loo tete'e le aiā tataua e le tau faia se faamatalaga ma ua faapena ona tuu ai i le itu tagi le tau faamaonia o le solitulafono ua tuuaia. I luga atu o lena o le a lē mauaina e le o loo tete'e alaga fesosoani o le a i le itu tagi. Talu ai ona lea tulaga, e le talafeagai le faatuina atu o ni manaomiaga mo le faailoa mai o faamatalaga e manatu ona matafaioi mo le o loo tete'e poo le manaomia lea o le o loo tete'e e faatino le fesosoani atu i le taumafaiga o le mataupu a le itu tagi.

6.59 E tusa ai ma tulafono faavae, e leai se matafaioi a le ua tete'e e faailoa atu ai ni faamatalaga i le itu tagi : Peitai ane, i nisi puleaga faafaamasinoga, ua faatonu mai i tulafono se tiute vaapiapi i le o ua tete'e e faailoa atu ai faamatalaga ae faavae i luga o se tulaga e faapea o le malamalamaga i le itu a le o loo tete'e e ono faasaoina ai le itu tagi mai le tau tapena i ni mataupu o le a le tau fesiligia i le faamasinoga ma o le a ono foia ai le faateia ma le tau e totogi mo se tala tete'e e lei mafaufauina ma ua avefa ma mafuaaga e tolopo ai le faamasinoga.

6.60 I le faatalanoaga ma e o loo auai, e lua vaega o le faailoa atu o faamatalaga e le itu tete'e sa laga mai mo se iloiloga – o le faailoa mai o se tete'e e faapea e lei i ai i le faalavelave na tupu ma le faalagolago i molimau tomai faapitoa. O se tasi mataupu e fesootai ma le faailoa o faamatalaga e le itu tete'e ua aofia ai le faamaioio mai o mataupu o le a finauina ae lei oo i le aso o le faamasinoga, ma se avanoa *lelei* o le a fofogaina o le mataupu ae lei

amataliaina ia faamautuina ai mataupu faaletulafono ma le tulaga o le faatagaina o molimau e fofoga ai. O nei mataupu taitasi ua faamatalaina eseese i lalo.

Mau tete'e e ese le mea a iai i le taimi na tupu ai le faalavelave

6.61 O le mau tete'e e ese le n mea nai a i le taimi na tupu ai le faalavelave o se faamatalaga ua faia e se o loo tete'e e faapea o ia sa i seisi mea i le taimi na faia ai le solitulafono. O le tulafono i tualumaga faasolitulafono i le tele o puleaga faafamasinoga e tapā ai le o loo tete'e e tuuina atu i le itu tagi faamatalaga o se mau tete'e e faapea o se n mea na i ai i le taimi o soligatulafono ua faamoemoe i ai ina ia avanoa ai le itu tagi e fai suesuega i le mau tete'e lea e faapea e ese le n mea nai ai i le taimi na faia ai le soligatulafono ao lei aulia le aso o e tau ai le faamasinoga: Mo se faataitaiga, o le vaega 22 o le Tulafono e Faailoatu ai faamatalaga o Soligatulafono 2008 [NS] ua tapa ai le o loo tete'e ina ia tuuina atu i le itu tagi se faasilasilaga tusitusia e tusa o faamatalaga i se mau tete'e ese le mea sa i ai i le taimi na tupu ai le soligatulafono, e aofia ai le igoa ma le tuatusi o soo se molimau o le a ia fofogaina molimau e lagolagoina le mau tete'e e ese le n mea na i ai i le taimi o soligatulafono.

Manatu na tuuina mai

6.62 I le Pepa o Faamatalaga, sa fesili le Komisi pe le tatau i le o loo tete'e oma faamalosia e faailoa atu i le itu tagi faamatalaga e faatatau i se mau tete'e e ese le n mea nai ai i le taimi o le solitulafono ua faamoemoe i ai [Fesili 7]. O i latou uma o loo auai sa feutagai ma le Komisi ua lagolagoina lea manatu faatu.

6.63 Sa faaalua mai i le Ripoti a le Vaega o Tagata galulue e faapea e ui lava o loo i ai se faiga masani ua leva na i ai o le faailoa atu lea e le o loo tete'e i le itu tagi o se mau tete'e e ese le n mea nai ai i le taimi o le solitulafono ae lei oo i le aso o le tolaulaga o molimau, o le fesosoani ma aoga le aofia ai o lea tiute i totonu o le tulafono. Sa fautua mai le vaega o Tagata Galulue e tatau ona faamalosia le ua tete'e e tuuina atu i le itu tagi faamatalaga e uiga i se mau tete'e e ese le mea ua i ai i le taimi na faia ai le solitulafono i totonu o le 14 aso mai le aso e faatulaga ai le faamasinoga. Afai e le mafai e le ua tete'e ona faia faailoa mai ni molimau e lagolago ai se mau tete'e e ese le mea sa i ai i le taimi o le solitulafono i le faamasinoga e aunoa ma le pule faataga a le faamasinoga.

6.64 O nisi o sui o loo galulue i mataupu faaletulafono ua faapea mai e faigata ona tuu se taimi faatapulaa e faatatau lea poo afea e tatau ai i le ua tete'e ona tuuina atu se mau tete'e e ese le mea sa i ai i le taimi na tupu ai le solitulafono, talu ai e le tatau ona faamoemoe i le ua tete'e e faailoa mai mau tete'e a; ea tagata ae lei faailoa mai e le itu tagi a latou tapenaga.

Manatu o le Komisi

6.65 Ua manatu le Komisi e tatau i le *TTTS* ona tapa le ua tete'e e tuuina atu i le itu tagi faamatalaga ua faamoemoe i ai o se mau tete'e e ese le n mea nai ai ina ua faia le solitulafono. O le faailoa atu o se mau tete'e e ese le n mea na i ai o le a maua ai e le itu tagi taimi avanoa e faia ai suesuega ae lei aulia le faamasinoga ia ma foia ai le tulaga o le faateia i le faamasinoga, e aunoa me le fetuutuunai o le aiā tatau o le ua tete'e e le tau faia ai se faamatalaga ma lafo atu i le itu tagi le tau faamaonia o le solitulafono.

6.66 I luga, ua fautuaina e le Komisi o le faailoaina o faamatalaga e le itu tagi ia faia i se taimi vave pe a maea le amatalia o taualumaga ma ia le itiiti ifo i le 30 aso ao lei aulia le aso le faamasinoga. O lenei, ua manatu le Komisi e tatau i le o tete'e ona tapa e tuuina atu i le itu tagi se faaliga o le mau tete'e e ese le mea na i ai i le taimi oe le solitulafono ma ia le i lalo ifo o le 7 aso ao lei tau le faamasinoga. O le a maua ai e le o loo tete'e se taimi ua lava e fetuutuunai ai le finauga a le itu tagi ma o le a maua ai e le itu tagi se taimi ua lava e suesue ai le mau tete'e e ese le mea na i ai i le taimi na faia ai le solitulafono.

6.67 I le manatu o le Komisi, o le le mafai ai e le ua tete'e ona tuuina atu se faaaliga e tusa o se mau tete'e e ese le mea na i ai i le taimi o le solitulafono ua tatau ona faauigaina e faapea e ao i le o loo tete'e ona talosagaina le pule faatoga a le faamasinoga e tuuina atu i le faamasinoga molimau e lagolagoina ai e ese le mea na i ai i le taimi na faia ai solitulafono. O lona uiga e mafai e le faamasinoga ona faia se faaiuga pe talia molimau i le tulaga moomia mo le faamasinoga amiotonu.

Fautuaga 17 : O le *Tulafono o Taulumaga Tau Soligatulafono 1972* e tatau ona tapa/moomia se ua tete'e o loo faamoemoe e faalagolago i se mau tete'e e ese le mea ia i ai i le taimi na faia ai le solitulafono ona faailoa atu i le itu a leoleo/loia sili ia le i lalo ifo o le 7 aso ao lei tau le faamasinoga ia faamatalaga e faatatau i lona mau tete'e, e aofia ai igoa ma tuatusi o nofoaga e mau ai o soo se molimau e lagolago ai le mau tete'e e ese le mea na i ai i le taimi na faia ai le solitulafono.

Molimau mai se tagata tomai faapitoa

6.68 O molimau mai se tagata tomai faapitoa o molimau ia e faasaaienisi poo le tomai faapitoa lona natura ma ua faia e se tagata ua i ai faailoga aloaia ma le tomai faapitoa ii a tulaga. O le manaomiaga e ao i le o loo tete'e ona faailoa atu faamatalaga e faatatau i soo se molimau mai se tagata molimau faapitoa o loo ua faamoemoe lea tagata e faaoga i le faamasinoga o le a fua i lona aoga. O molimau mai tagata ua i ai tomai faapitoa e masani lava ona moomia le iloilo ina faaeteete, ma atonu ma se tali mai i ai a se tasi tagata ua i ai le tomai faapitoa. Afai ae le faailoaina mai i se taimi mamao i luma, o ni mau tete'e e faavae i luga o molimau mai se tagata ua i ai tomai faapitoa e lei tapena i ai e ono afua ai le tolopoina o le mataupu a talosagaina e e le itu a leoleo se avanoa e iloilo ai ia molimau.

6.69 O Tulafono tau i taulumaga o Solitulafono i pulega faafaamasinoga e tai tutusa e masani a ona moomia le itu tete'e e faia i le itu a leoleo se faaliga e tusa ma lo latou faamoemoe e valaau se molimau ua i ai tomai faapitoa ma tuuina atu i le itu a leoleo ripoti tusitusia poo sailiga a le na tagata tomai faapitoa.

Manatu na tuuina mai

6.70 I le Pepa o Faamatalaga, sa fesili le Komisi pe le tatau ona faamalosi le o tete'e e faailoa atu i le itu a leoleo faamatalaga e faatatau i se taofi tomai faapitoa o loo faamoemoe le o tete'e e faalagolago i ai i le taimi o le faamasinoga [Fesili 8]. E ui lava ua faapea mai nisi o le auunaga i mataupu faaetulafono e seasea i se tete'e ona faalagolago i molimau a tagata tomai faapitoa, o e uma sa auai na faatalanoaina e le Komisi sa lagolagoina le faamalosi o le tuuina atu o lea matafaioi i luga o le ua tete'e.

Manatu o le Komisi

- 6.71 Ua fautuaina e le Komisi e faapea o molimau mai tagata ua i ai tomai faapitoa o loo ua mauaina lea e le ua tete'e ma ia faaaogaina e ave a ma molimau i le faamasinoga e tatau ona faailoa atu i le itu a leoleo e lei lalo ifo o le fitu aso ae lei tauina le faamasinoga.
- 6.72 I le vaega i tua atu, ua fautuaina e le Komisi le tatau i le ua tete'e ona faailoa atu faamatalaga e faatatau i le mau tete'e e ese le mea na i a i le taimi na fai ai le solitulafono i tua o le itu aso ae lei aulia le faamasinoga, e faavae lea i le tulaga o le a mau ai e le itu a leoleo se taimi tele e sailiili ai le mau e ese le mea na i ai i le taimi na fai ai le solitulafono. O mafuaaga lava e tasi o loo faaoga i le faailoa atu o molimau mai tagata ua i ai tomai faapitoa: e moomia e le itu a leoleo le lava o se taimi ae lei oo i le faamasinoga e Iloilo ai le taofi o le tagata tomai faapitoa. Ona o lea ua fautuaina ai e le Komisi le moomia o le ua tete'e e faailoa atu faamatalaga faatatau i soo se tagata molimau tomai faapitoa i le itu a leoleo e le i lalo ifo o le fitu aso ae lei aulia le faamasinoga.
- 6.73 Talu ai mafuaaga o loo faamatalaina i luga e faatatau i le faailoa atu e le ua tete'e o se mau tete'e e ese le mea ua i ai i le taimi na fai ai le solitulafono, pe afai ua le mafai e le ua molia ona faailoa atu faamatalaga e faatatau i se molimau mai se tagata tomai faapitoa i le itu a leoleo i le taimi moomia/manaomia, faatoa mafai e le ua molia ona faaaogaina ia molimau i le faamasinoga i le pule faataga a le faamasinoga.

Fautuaga 18: O le Tulafono o Taulumaga o Soligatulafono 1972 e tatau ona manaomia se ua molia o loo faamoemoe e valaau se molimau ua i ai tomai faapitoa ia le faailoa atu i le itu a leoleo ia le i lalo ifo o le fitu aso ae lei tuuina le faamasinoga o se faamatalaga puupuu o molimau o le a fofogaina, poo ripoti na saunia e le na molimau tomai faapitoa.

Gagana o faamatalaga faa-faamasinoga

- 6.74 Fuaiupu 89 o le *TTTS* ua aiaia ai e faapea pe afai o se solitulafono e faamasinoina e faatonu, e tatau i le itu a leoleo ona faia faamatalaga a molimau ma ia avanoa mo le tagai i ai o le ua molia ma lana loia poo se tamaitai foi i totonu o se taimi: talafeagai ae lei suesueina le mataupu. Fuaiupu 89(2) ua moomia ai le faaliliuina o faamatalaga uma i le Faa-Peretania ma ia sao le faamaoniaina o ia pepa e se tagata tofi maualuga o le ofisa leoleo.
- 6.75 O se tasi fuaiupu o le *TTTS* e gafa ma le gagana e faaaogaina i pepa o galuega a le faamasinoga. Fuaiupu 23 ua manaomia ai le tatau ona i le Faaperetania le tusi samania ma o le a faapea ona tauaao atu i se tagata ua iloa e le Resitala o le Faamasinoga e iloa faitau ma malamalama i le Faaperetania. I isi mataupu uma, o ia pepa faapea e tatau ona tusia i le Faa-Samoa poo ave faatasi ma se kpoi o le faaliliuina i le Faasamoa.

Manatu na tuuina mai

- 6.76 I le Pepa o Faamatalaga, sa fesili ai le Komisi pe faamata o pepa o faamatalaga mai le itu a leoleo e tatau ona faaliliuina i le FaaPeretania, poo na ona tatatu le moomia o faaliliuga pe afai o le Faamasino e le o se Samoa (Fesili 19).
- 6.77 O se tasi o sui auai na auai lona taofi i le faia o faaliliuga pe afai o le faamasino e le o se Samoa. O se isi sui auai sa faailoa mai e faapea o lenei manaomiaga e tatau ona avanoa mo le filifili i ai ma taatia i le pule faitalia a le faamasinoga, ma ia manatu i le manaomiaga o sea tulaga e le na o molia, o le faamasinoga ma loia ina ia malamalama i tualumaga. O le lona tolu o sui na auai sa faapea mai o faamatalaga uma mai i le itu a leoleo e tatau ona faaliliuina i le FaaPeretania pe a fua i le tulaga o le apiliina o mataupu nei, o nisi o alii o le Faamasinoga o Talosaga i le taimi nei e le o ni Samoa.
- 6.78 O sui auai o le Vaega o Tagata Galulue ua taofi o faaliliuga i le FaaPeretania ua tatau lona manaomia pe afai o se faamasino e le o se Samoa poo ua i ai ni manaomiaga faapitoa.
- 6.79 E tusa ai ma le fuaiupu 89 i se tulaga faalauaitete, o se tasi o sui na aofia ua faapea mai o le fuaiupu 89 e tatau ona teuteu ina ia faapea mai o ripoti a leoleo e ave i le itu a leoleo ma ripoti i totonu lava o le ofisa o leoleo o ni pepa faapitoa ma e le tatau ona tuuina i le ua molia. I faatalatalanoaga a le vaega o Tagata Galulue, o le sui lava lea na aafia ua taua e faapea o nisi o taimi ua faailoa atu e leoleo ripoti a le ofisa (o ni pepa e gafa ia i latou) ae ua le o faamatalaga a molimau e ese mai ma ripoti a leoleo i le mataupu.

Manatu o le Komisi

- 6.80 O Faamasinoga o Soligatulafono e ono faatautaia i le FaaPeretania, FaaSamoa poo le faaogaina o gagana uma e le lua. O le faaliliuina o faamatalaga uma i le FaaPeretania o se faiga e naua galuega e faia i ai ma e le manaomia pe afai o le faamasino ma itu uma e malamalama i le FaaSamoa. Ona o lenei mafuaga ua fautuaina e le Komisi le tatau ona soloia o le fuaiupu 89 (2), ma o le fesili i le faaliliuina o pepa o faamatalaga o le lafo i le faamasinoga e poloaia lea i lana pule faitalia, mo se faataitaiga pe afai o le faamasino e le o se Samoa.
- 6.81 Ua le manatu le Komisi e talafeagai nisi o teuteuga i le fuaiupu 89. O Tulafono laiti o tualumaga o loo ua taoto lona faauigaina e faapea o se pepa faapitoa o faamatalaga e le tau faailoaina i le taimi ua faatino le tulaga o le faailoa atu o pepa ae lei tau ina le faamasinoga.

Fautuaga 19: O le fuaiupu 89(2) o le *Tulafono o Tualumaga Faafaamasinoga o Solitulafono 1972*, o loo ua manaomia le faaliliuina o faamatalaga a molimau mo le itu a leoleo i le FaaPeretania, ua tatau ona soloia ma o le fesili i le gagana mo pepa a le faamasinoga ia taoto i le pule faitalia a le faamasinoga.

Suesuega muamua ao lumanai le faamasinoga

- 6.82 O nisi o pulega faafaamasinoga i le atunuu i fafo ua faatulafonoina le manaomiaga mo loia mai le itu a leoleo ma le ua molia ina ia faailoa mai ao lei amatalia suesuega ni mea tonu ua

malilie i ai, o mataupu o loo feteenai ai ma nisi molimau ua malilie itu e tuuina atu le ioega.

- 6.83 Mo se faataitaiga, o le fuaiupu 257 o le *Tulafono o Taualumaga Tau Soligatulafono* (Sikotilani) 1995 ua lafo atu ai se tiute i luga o le itu a leoleo ma le ua molia e ta'u mai molimau ua latou talitonu e le ono finauina e le isi itu ma ia uia uma auala talafeagai e faamautuina ai le taliaina e leisi itu i na molimau. O fuaiupu 55 ma le 56 o le *Tulafono o Taualumaga Tau Soligatulafono 2011* (NS) ua faapena foi ona manaomia loia mo le itu a leoleo ma le o loo ua molia ina ia feutagai i se faiga i le fa'afoeina o le mataupu ae lei tau le suesuega. Pe afai o suesuega o le a fofogaina i luma o se faamasino e toatasi lava, o se faiga i le faatoeina o le mataupu o le a unaia le ua molia ina ia logo le itu a leoleo i soo se molimau o le a tuuina atu i le maliega, o mea tonu ma mataupu e faapea o le a lē finauina e le ua molia i le faamasinoga, ma soo se mataupu lea o le a faamoemoe lē ua molia e faalagolago i ai i le faamasinoga.
- 6.84 Ua finauina e faapea o le faamaninoina o mataupu a'o lei oo i le faamasinoga o le a mafai ai e le itu a leoleo ona faasaga tasi i le i mataupu fou ia e faapea o loo eseese ai. O nisi na faapea mai o le avea lea ma mea e faamanatuina ai e faapea o le faamasinoga o lea lē foliga pe fenumia'i tele nauā ma o le a faapea o le a lē auai atu ai molimau i le faamasinoga. O le atugaluga o lo'o taoto i i e faasino i soo se faiga e faapea e faamalosia ai le faailoa muamua o molimau ia o lea faataga i lo latou maliega ma o mataupu lē talafeagai o le faalia atu o ni mea e uiga i lē ua molia ma aafia ai le manaomiaga e faapea o le itu a leoleo o lo'o tete'e atu i ai le avega o le faamaonia o le solitulafono i tala atu o se masaloga talafeagai. Ae le gata i lea, o le mataupu i le faailoa atua e le'i oo i le faamasinoga e faaono mafai ona maua ai e lē ua molia le popolega i le faia lea o ni uiga vave i le faagasologa o ia tulaga ia e faapea o le a lē fetai i lo latou itu lelei.
- 6.85 O se mataupu e fesootai atu i lea itu pe tatau i le tulafono ona aiaia ni tulaga mo ni suesuega a'o lei oo i le faamasinoga. O suesuega a'o lumanai faamasinoga e mafai ona faaaogaina e faia ai poloaiga e faasino i le faaalua atu o faamatalaga talafeagai ma ia faamanatuina ai soo se finauga e uiga i le faatagaga o molimau poo itu tau le tulafono a'o lumanai le faamasinoga. E lē o faamaninoiina mai e le TAL se taualumaga mo ia suesuega a'o lumanai faamasinoga. O itu e uiga i le faatagaina o molimau e masani lea ona faamanatuina mai i taimi o faamasinoga.
- 6.86 I isi pulega fa'afaamasinoga, o mataupu e faasino i le faafeagai o molimau e mafai ona faaautuina i le faia po o nisi suesuega a'o lumanai le faamasinoga. I totonu o Niu Sila, o le *Tulafono o Taualumaga Tau Soligatulafono 2011* ua faatagaina ai le itu a leoleo/loia sili poo o lē ua molia e faatagaina le faamasinoga mo se suesuega a'o lumanai le faamasinoga ina ia faamautuina ai le faatagaina o molimau ia ua talitonu e faapea e mafai e le isi itu ona lu'iina le faatagaina o se na molimau. E faapena foi i totonu o Kuiniselani, e mafai e se itu ona talosaga i le faamasinoga e faia se faaiuga i se mataupu faaletulafono a'o lumanai le faamasinoga, e aafia ai ma fesili e faasino i le faatagaina o molimau.
- 6.87 O finauga e lagolagoina ai le faaaogaina o suesuega a'o lumanai faamasinoga e faamautuina ai le talia o molimau e aafia e faapea i le faia o lea tulaga o le a faaitiita ai le

uumi o faamasinoga ona faagasolo malie lava galuega. Ae peitai, e u ii lea, o le tulaga mafaia e iloaitino ai mataupu tau molimau a’o lumanai le faamasinoga e manaomia itu a leoleo ma le itu a lē molia ia iloa muamua le auiliiliga o mataupu a itu taitasi. O le leai o se itu e manaomia ai lē ua molia e tuuina atu le mataupu a le alii poo le tamaitai i le itu a leoleo ao lumanai le faamasinoga e faigata mo itu auai o le faamasinoga ia iloa po o a molimau e finauina, ma mo le faamasinoga ia faamautuina le talafeagai ma le faatagaina, o molimau i se suesuega a’o lumanai le faamasinoga.

Manatu na tuuina mai

- 6.88 I pepa mataupu ma fesilgia ai e le Komisi pea o i le TAL ona suesueina e faaagaina ai le filifiliga i se suesuega e faamautuina ai ni mataupu a’o lumanai le faamasinoga, e pei la o le faatagaina o molimau (Fesili 4).
- 6.89 Na tuuina mai e se sui o le Vaega Galulue e faapea o le faatulagaina mo suesuega a’o lumanai faamasinoga ina ia faamautuina le taliaina o molimau o le ā mafai ai e le faamasinoga ona faatino lana galuega i se tualaga sololelei. O lena tagata e aofia ai ma ia faatuina mai e faapea ia teuteuina le TAM ia aofia ai se tualumaga e pei o lea o loo i le *Tulafono o Tualumaga Faa-faamasinoga o Soligatulafono 2011* (NS), ina ia mafai ai e soo se itu ona talosaga i le faamasinoga mo ona folasaga i le faamasinoga mo le faamanatuina o le mataupu e uiga i le faatagaga o le molimau ina ua tuanai le fofogaina o mea ua faaalai mai itu e lua. O nisi o loia o le vasega o loia latou lagolagoina le aiaiga lenei ma matauina e faapea o nisi o faamasino ua uma ona latou faataoto se faiga o suesuega a’o lumanai faamasinoga poo feiloaiga, aemaise lava pe a tula’i mataupu o lo’o finauina e le o manino po o lo’o fia faamautuina.
- 6.90 O isi e aofia ai na latou faaalai e faapea o le faiga o lo’o faaagaina ai, ia e faasino mataupu fai molimau po o isi mataupu tau le tulafono o loo tagofia i le amataga o le faamasinoga, o loo lelei lona faatinoina, ma faaalai ai nisi atugaluga e faapea e mafai e suesuega ao lumanai le faamasinoga ona faaumiumi ai tualumaga faafaamasinoga o soligatulafono.
- 6.91 Na faaalai e nisi e aofia ai le manaomia o le filifiliga po o loto i ai e faaoga le faiga o le fefaalia’i o mataupu a itu ma le tulaga lelei o suesuega a’o lumanai faamasinoga e siaki ai e faapea o pepa uma o faamasinoga o loo lelei atoatoa ma e faapea o isi mea e manaomia mo tualumaga ua uma ona faamalieina. O nei tagata e aafia ai ma latou manatu o lenei faiga o lea faamautuina ai e faapea o loo galulue faamasinoga ma le itu a leoleo/loia ma le itu a loia o loo tu mo lē o loo molia ina ia maua ai e le faamasinoga pepe/faamatalaga o le mataupu i totonu o se taimi faatulagaina ma talafeagai ma o le a faatagaina ai faamasino e nafa tonu ma mataupu faaletulafono i le faamasinoga.

Manatu o le Komisi

- 6.92 Ua maituina e le Komisi e faapea i nisi o pulega faafaamasinoga, o le faiga o le fetufaa’i o pepa/faamatalaga i le faiga lea o lo’o faia ai ma le faamoemoe e faamalamalamaina ai mataupu o lo’o finauina a’o lumanai faamasinoga ia iloiloaina atugaluga e uiga i le lelei faatino o faamasinoga ma totogi ma le tuai o tualumaga faafaamasinoga o soligatulafono. I na pulega faafaamasinoga, ua maua ai se manatu o le au faitulafono e faapea o le faia o le faali atu o mataupu a le itu a lē ua molia o le a faamalieina ai lea tulaga e aunoa ma le

fetuutuuna'i ai o faiga faavae o taualumaga faafaamasinoga o soligatulafono, e pei la o le manaomia e faapea o le itu a leoleo ua maua ma tuuina atu uma molimau ina ia faamautuina ai le faamaoniga o le solitulafono a lē ua molia e aunoa ma se isi tau faamaoniga talafeagai.

- 6.93 E le o atoatoa le manatu o le Komisi faapea o loo i ai i totonu o Samoa se manaoga ia amata se pulega mo le fefaaliaiga o pepa/faamataga e le itu a leoleo/loia ma le itu a lē ua molia ia faaailoa mataupu a'o lumanai le faamasinoga. O ripoti mai e aafia ai e le o faatuina mai ai e faapea o le tolotolo soo le talafeagai o faamasinoga o soligatulafono e mafua mai i le lē mautonu i mataupu o loo finauina poo lu'itau ua maua i le faatagaina o molimau. I le tulaga la i fiaga faavae o lo'o puleaina ai le faaali atu o mea a le itu a lē o lo'o molia ua faamatala atu i luga, e le manatu le Komisi e talafeagai le faaee atu o ni itu moomia i mamafatu i luga o lē o lo'o ua molia sei vagana ua talafeauga mo le lelei faafoe o taualumaga faafaamasinoga o soligatulafono. O le itu a leoleo/loia, pea saunia le mataupu e faasaga i lē ua molia, o le a faauau pea ona faalautele le galuega ma silasila i itu uma e talafeagai ma fetau i le faamaonia e talaatu o le taumafaiga talafeagai, e faapea o le ua molia na solia le tulafono.
- 6.94 I le leai o se faiga e ta'u atu ai se puipuiga saunia lelei, ua manatu ai le Komisi e faapea o suesuega ao lumanai faamasinoga ia faamautuina ai le faatagaina o molimau e mafai, i le faatinoga, e tapula'a lona ituaogā. E faigata mo itu auai, ma le faasinoga ia faamautuina pe talafeagai le molimau pe leai ma avea ai lea ma molimau e faatagaina, pe afai o le mataupu o lo'o finauina e le o atoatoa ona iloa. Ua maitauina e le Komisi e faapea o nisi faamasino ma maea ona faia se faiga e suesue ai ao lumanai faamasinoga ia latou iloailoina ai mea moni ma mataupu o le faamasinoga e manaomia ai. E pei la o le tulaga lena, ua manatu ai le Komisi e faapea o lenei mataupu i sili atu ona lelei le tu'u i le pule faitalia a le faamasinoga.

7. Molimau

- 7.1 O molimau e fatua'ia le faavae tonu o taualumaga faafaamasinoga o soligatulafono. I suesuega tau soligatulafono, o leoleo ma le itu e tu mo le moli'aga e aoao ma faaputupu mai molimau ina ia mafai ai ona faamautuina po o ai tonu e paū tonu i ai le faiga faasoligatulafono. O le tuuina atu la o lea molimau i luma o le faamasinoga e matuā malu puipua e tulafono laiti, o tulafono aupito sili ona taua o ia tulafono laiti e faapea o le o tu mo leoleo e ao lava ona faamaonia i le mafai ee le tau masalomia e faapea lē ua molia na faia le soligatulafono.

Faamasinoga e le Auai le Molimau

- 7.2 O se faamasinoga e lē auai le molimau o le faamatalaga tauto lea fai fofoga a le ua molimau i luma o le faamasino i le taimi ao lumanai le faamasinoga. E masani ona faaoga lea faiga i faamatalaga faafaamasinoga o soligatulafono ia ua le mafai ai e le molimau ona tulai i le luma o le faamasinoga. O le faamatalaga la ua tusia i lalo e mafai ona faaogaina o se molimau i luma o le faamasinoga.
- 7.3 O fuaiupu 26 ma le 27 o le TAL ua aiaia ai le faiā o faamatalaga molimau mai tagata o lo'o fuafua e malaga ese atu mai Samoa a'o lumanai le faamasinoga, po o lo'o malomaloā sona

gasegase ma o le mea lea ua le mafai ai ona tulai i luma o le faamasinoga e molimau. Afai ua faamalieina le Faamasino po o le Faamasino Fesosoani e faapea e tna i le faamasinoga e faapea e ao ina maua lenei molimau, e mafai ona tuuina atu i le suesuega e peiseai na tuuina atu i le taualumaga o le faasinoga. O le fuaiupu 90 o le TAL ua faatagaina ai le Faamasinoga Maualuga i le soligatulafono e fofogaina e faatonu ia poloaiina le suesueina o molimau e lē auai ia faia pe afai ua manatu e moomia mo le sailia o le amiotonu a le faamasinoga.

Manatu na tuuina mai

- 7.4 O le mataupu lea i le molimau e le auai sa tele se taimi na faatalanoaina ai i le tele o fonu a le Vaega Galulue.
- 7.5 Na fautuaina e se tasi o Sui o le Vaega Galulue se teuteuga i le fuaiupu 26 ma le 27 ia faamanino ai e faapea e aoga ia fuaiupu tusa lava pe o le moliaga e fofoga i luma o faatonu pe leai foi. Na fautuaina foi e faapea na faataga e le Tulafono e faapea e mafai e molimau ona pueina i masini pueleo ia faaalua i luma o le faamasinoga i taimi o taualumaga o le faamasinoga. Na toe faaalua foi e ē aafia ai e faapea e manaomia e le fuaiupu 90 ia teuteuina ina ia faamanino ai e faapea o molimau e lē auai e mafai ona faia mo le faamoemoe o soligatulafono e faamasinoina e faatonu.
- 7.6 O nisi sui o le Vaega Galulue na ia taua e faapea o le faia o molimau a le ua le auai e mafai ona avea ma le isi auala o le puipua o e ua afaina ma isi molimau e ono aafia gofie.
- 7.7 Na ta'ua e le isi tagata e aafia ai e faapea o le auai o lē ua molia i faamasinoga uma e faia e tusa ai ma le tulafono mo le faatinoina o le aiā tatau o le alii poo le tamatai na te fesiligia ai molimau. Ae le gata i lea, o molimau ua le auai ia le avea lea tulaga ma mea e faaofi mai ai po o le avea ma tulafono laiti mo molimau uma auā latou te faaaogaina le tele o tupe ma isi mea, e tele le taimi e alu ai ma e lē lelei i le itu a leoleo/loia auā o lona uiga foi e tatau ona faaali atu le tele o molimau i le itu a lē o lo'o molia. O le mea lea na manatu ai le ua aafia ai e faapea o le faaaogaina o molimau e lē auai e ao ina faalagolago i tulaga o lea mataupu.
- 7.8 Ina ia tusa ai la ma lea itu, na faatu mai e le isi tagata e aafia ai e faapea, ina ia tusa ai ma le itu a leoleo ia 'aua nei nafa ma mataupu uma faalua, o mafuaaga mo le talosagaina mo molimau e lē auai e tatau ona talafeagai ao le'i faatagaina e le faamasinoga, ma faapea e ao i lē ua molia ona auai i le molimau ua lē auai ma taualumaga o le faamasinoga.

Manatu o le Komisi

- 7.9 Ua manatu le Komisi e faapea o le aiaiga o lo'o i ai nei a le TAL o lo'o tali atu i mataupu ua aumaia i luma e le Vaega Galulue. O lo'o faaalua manino e fuaiupu 26 ma 27 e faapea o aiaiga e aoga i mataupu o i luma o soo se faamasino, ia e aafia ai ma faamasino o lo'o nofoia le nofoa faatasi ma faatonu, ma o le mea lea e le o toe i ai se isi faamalalamamaga e moomia. E pei foi la o le fuaiupu 90 e le manaomia se faatulagaga faapitoa e faapea e faaono mafai e molimau lē auai ona taofia mo le mafua'ga o soligatulafono e faamasinoina faatasi ma faatonu, e pei ona ua uma ona i ai le aiaiga mo lea itu. Ma tuuina atu ai i le faamasinoga e le fuaiupu lenei le faitalia e faia ai se poloaiga pe afai ua ia manatu e moomia ona o le sailia o le amiotonu a le faamasinoga. Ae u ii lea, o talosaga taitasi mo le

faia o molimau a lē ua le auai e tatau lava ona iloiloina i luga o ona lava mea moni na tutupu ma iloiloina ai faafaamasinoga, e tusa ai ma le amiotonu a le faamasinoga. Mo nei la mafua'aga, ua manatu ai le Komisi e faapea o le faia o molimau a lē ua le auai mai e tatau lava ona tuu pea i le faitalia a le faamasinoga, ma ia 'aua le faatulafonoina.

- 7.10 I lona manatu muamua, na manatu ai le Komisi e faapea o molimau e pueina ata tifaga e mafai ona avea ma auala aoga tele e pu'e ai molimau, ma e le gata i molimau a ē lē auai ae peitai o le molimau lea e i ai mana'oga faapitoa poo le manaomia o le puipuiga o longa tagata mai le faalaua'iteleina o lea alii poo le tamaitai. Na maua e le Komisi le manao o le ofisa o le Loia Sili ia iloiloina le Tulafono o Molimau 1961. O le a silasila le Komisi i mataupu o molimau e pu'e i ata tifaga le matua auiliiliina i lena suesuega.

Molimau a e o loo i atunuu mamao

- 7.11 O lo'o nafa le fuaiupu 28 ma molimau a ē e lē o i ai i totonu o le faamasinoga. O loo faatagaina e le fuaiupu lenei mo le faia o molimau a lē ua molia le na logoina mai po o se tagata molimau, i soo se nofoaga tusa pe o i totonu po o fafo atu o Samoa i luma o soo se Faamasino Fesosoani, ofisa o le faamasinoga po o se isi tagata, po o tagata, pe afai ua faamalieina le faamasino poo le Faamasino Fesosoani e faapea e moomia po o talafeagai mo le sailia o le amiotonu a le faamasinoga e faapea o se molimau e sa tatau ona maua mai. O molimau la e tuuina atu i lenei auala ia tuuina atu i totonu o le suesuega pe afai na tuuina i taulumaga o ia mataupu.

- 7.12 I le galulue faatasi ma atina'e faalekonalosii na maua ai se manatau faatu ia faatagaina molimau e auala mai i ata tifaga ao faagasolo se faamasinoga ma ia mafai ai ona maua molimau a ē o lo'o i atunuu mamao. O se taulumaga taatele lea ile tele o isi pulega faafaamasinoga, ae lava i le tele o mataupu i molimau a tamaiti, ē ua le mafai ona auai i le suesuega ona o le mafua'aga o le ma'i po o se isi mafuaaga.

- 7.13 O lo'o faatagaina i le Tulafono o Fesosoani Tu'ufaatasi i mataupu tau Soligatulafono 2007 le Loia Sili e faia se talosaga i se isi malo i fafo mo se fesosoani i le maua mai ai lea o se molimau ma faataga le tagata e tuuina atu molimau po o le tuuina mai le pepa/faamatalag po o isi tulaga ia suesueina e auala i ata tifaga poo fesootaiiga tau initaneti poo se isi lava faiga mai Samoa e se itu ile taulumaga poo se tagata o loo suesueina. Ae ui lea, e le faapea o le a faamaoti mai ai tulaga o le a faafoe ai lea talosaga e mafai ona faia, po o le taulumaga ia mulimulita'ia i totonu o le faamasinoga.

Pulega Faafaamasinoga e faatusatusa iai

- 7.14 O le Tulafono a Peretania Tele i *Faamasinoga o Soligatulafono 1988 (PT)* ua maua ai e faapea o se tagata e ese mai le ua masalomia e mafai ona tuuina atu se molimau e auala atu i se fesootaiga o le televise ola pe afai o le molimau e lo'i i fafo o PT. O lenei taulumaga e faaoga i faamasinoga ua tagofia, apili ile vaega o soligatulafono o le Faamasinoga o Talosaga, suesuega faafaamasinoga o mataupu i lalo o le fa F9 o le Tulafono o Apili o Soligatulafono 1995 (PT) (mataupu e nafa ma le tagofia i totonu o Egelani ma Ueese) ma taulumaga i faamasinoga a tamaiti.

- 7.15 I totonu o Initia, ua faauigaina ai e le Faamasinoga Maua luga e faapea ua tataua ai e tusa ma le tulafono ia faamauina le molimau e auala mai ata tifaga na pueina a'o 'iai' le na molia po o lana loia/faufautua ma lona aiga ia i ai faatasi itu e lua a'o auai uma faatasi i la'ua taito'atasi ia o lo'o aafia.
- 7.16 I totonu o Ausetalia o le *Tulafono o Soligatulafono 1914* (Cth) o loo maua ai, i le fesoota'i atu i soligatulafono tau faamasinoga, mo le tuuina atu o molimau e molimau tamaiti i latou ia e ia lalo o le 16 tausaga le matutua) i le amata atu lea i le fesootaiga faatapula'a o le televise (CCTV), pueina i le video po o isi faiga e ese mai ai, ma e faapea e mafai e le molimau tamaititi ona i ai faatasi ma se tagata matua i le taimi o lo'o tuuina ai lana molimau. O le *Tulafono (Tamaitai) o Molimau 1997* (NSW) e aofia ai aiaiga e tutusa mo isi auala i le tuuina atu o molimau ma le auai faatasi ma se tagata matua. O le *Tulafono o Molimau (Televise e Tapuai-Fesootaiga) 1991* a le laumua o Ausetalia (ACT) o lo'o faataga ai molimau e tuuina atu e se tamaititi i lalo o le 18 tausaga i tualumaga faapitoa, po o e ua aafia ai i ni soligatulafono tau feusua'iga, ia matauina ma le toto'a ma ia faalogoina i faiga faatelevise i fesootaiga faatapula'a.
- 7.17 I totonu o Kanata, e faaoga ai ata pue i video i faamasinoga saili mo molimau poto faapitoa tuusa'o mai ma e auala atu ai foi i le tulafono faavae lautele i mataupu tau _____ malaga e aafia ai molimau ia e laiti tele ma e faaono oo atu i se tulaga mafatia po o le palaai ma le fefe.
- 7.18 I le Iuni a Europa, o le *Maliega i Fesosoani Tuufaatasi Mataupu Tau Soligatulafono i le Sui Auai o le Iuni a Europa 2000* o lo'o maua ai le faafofoga i molimau i isi SuiAuai e auala i ata pu'e video i tualumaga ua uma o nfaatulaga.
- (1) *Afai o se tagata o loo i se teritori o Sui auai ma e tataua lava ina faalogoina o ia o se molimau poo se tagata poto faapitoa e le isi pulega faafaamasinoga o se isi Sui Auai, o ia lea e pito mai e mafai i le itu lea e le manaomia ai pe faaono mafai mo lea tagata ona suesueina ia tulai i lona lava teritori lona lava tagata, talosaga e faapea o le faamasinoga ia faia i ata pu'e o le video, e pei ona aiaia ai i palakalafa 2 e o'o atu i le 8.*
- (2) *O le sui auai ua faatagisia e tataua ona ioe i le faamasinoga e auala i le ata pue o le video ae ia faapea o le faaogaina o le ata na pue e le tete'e faiga faavae o ona tulafono e faavae i tu'utu'uuga e faapea o loo i ai faiga faainisinia e faatino ai le suesuega/faamasinoga. Afai o le Sui Auai ua talosagaina e leai se avanoa i faiga faainisinia mo ata pue, o ia tulaga e mafai ona tuuina atu ia te ia i le talosaga atu lea i le Sui Auai i se malilie faa faatasi.*
- 7.19 O le Vaega 14 o le maliega lava lea o lo'o maua ai le fofogaina o molimau ma tagata popoto faapitoa e amata i talanoaga i telefoni ma faaoga aiaiga o lo'o faataoto atu i totonu o le vaega 10 lea e faasino tonu iai.
- 7.20 O le *Tulafono Laititi a Siamani o Tualumaga o Faamasinoga o Soligatulafono* (STPO) ua faatagaina ai faamasinoga o video pu'e a molimau ia e manaomina puipuiga faapitoa, aemaise lava tamaiti, pe afai e i ai se mea e ono lamataia ai i se tulaga matuiā le sologa lelei o le soifua o le molimau, po o e na afaina mai le o'o atu i le faamasinoga mo se taimi

umi (e mafua i se gasegase, le atoatoa le malosi), i le mea e gata mai ai le talafeagai o le faamautuina o le mea moni. O se ata lava e tutusa o le molimau e tatau ona tuuina atu i le potu faamasino ma pueina pe a tatau iai.

Manatu na tuuina mai

7.21 I Pepa o Faamatalaga, ua fesili ai le Komisi pe tatau ona faaogaina ata pu'e i video ia maua ai i lalo o le TAL (Fesili 3). Na maua e le Komisi tali mai e tolu i lena fesili. Na lagolagoina atoa e i latou nei le faaofi o le faaogaina o ata pue ma molimau mai fafo ona e faigofie tele lea faiga, i le tulaga e pei o molimau a'o lumanai se faamasinoga, nai lo le taofia o i latou e faatali, po o le toe foi mai mo le faamasinoga. Sa faaali atu i ai e faapea o lenei tualumaga o le a faamautuina ai foi se faamasinoga atoa ma le faigamalie lea semanu e faaletonu ona o molimau e le auai po o ua lē mafai ona toe foi mai i Samoa mo le faamasinoga. O le isi taofi na faamalosia le faaogaina o ata pue i video mo tagata matutua ma molimau tamaiti i totonu o Samoa i mataupu o soligatulafono o faigā aiga ma sauaga matagā.

7.22 A'o faagasolo fonotaga a le Vaega Galulue ma faatuina mai ai e se tasi sui ia aofia i se isi fuaiupu faaopopo i totonu o le TAL ia faataga ai ma molimau o i latou ia o lo'o i ai i atunuu mamao i le taimi nei ia tuuina atu molimau i ata pue o video a'o faagasolo se faamasinoga, ae ia faapea o le ata pue mai fafo o lo'o faafoeina e auala i leoleo po o se itu e tutusa ma le Matagaluega o le Faamasinoga a lenā atunuu.

Manatu o le Komisi

7.23 O le faaogaina o ata pue i video e sili atu ona lelei ona faatino ma taugofie nailo taumafai e nonofo tagata auā le o o 'ese pe toe malaga mai i Samoa mo o latou faamasinoga. O le itu e faapea o lo'o i ai pisinisi i Samoa e maua ai le auunaga lea o le puega o ata video po o mea e faia ai ia tulaga o se laasaga talafeagai. Ae le gata i lea, e mafai ona gau'i mai Niu Sila ma Ausetalia e tuuina mai le lagolago e auala mai i le tuuina mai o molimau a ē o lo'o alala i o latou atunuu ma faamautuina mai e faapea o tualumaga talafeagai lelei o le a mulimulitaia i a latou itu.

7.24 Ae peitai, e u ii lea, o faamasinoga e faaogaina ai ata pue i video faatoa moomia pe afai e lelei ona tapena e auala i talanoaga tuusa'o ma le malamalama lelei ma maliega i le va o ē talosaga ma atu i natalosaga a'o lumanai se faamasinoga. O le felagolagoma'i faavaomalo i le va o ni atunuu se lua o le a talafeagai i le faatinoga o le tapenaga ma le sauniuniga o faamasinoga e ala i ata pu'e o video, ia e foliga mai e tulaga fita tele nauā ma tele se taimi faaaluina ai nai loa le faamasinoga e faia tonu lava i ata e aafia ai le ata pu'e i le video o se i ai auala ia faamalalamaina. E le gata ina tatau ona faamanino mea e ono tutupu i fessootaiga e ala i ata pue i video, ae e ao lava foi ona faataatia lelei tulaga talafeagai e tatau mo fessootaiga i ata video i atunuu ese.. O ia alafua e aofia ai po o fea o le a faatu ai le suesuega lea (fai ma faataitaiga i totonu o se potu faamasino, po o se maota o se Sui o se isi Malo), ma po o ai o le a na ia vaaia le faiga o lea suesuega i fafo (fai ma faataitaigha o se sui o le Malo o Samoa, se faamasino o se isi atunuu, se amapasa). O isi itu e aofia ai le maua o masini faainisinia, nafa ma le eseesega o taimi i le va o Samoa isi nofoaga i atunuu i fafo, ma o ai e totagiina tualumaga i fafo Samoa.

- 7.25 Ua manatu le Komisi e tatau i le TAL ona teuteuina e faataga ai le faamasinoga, i lava pule faitalia, ia faataga molimau i atunuu i fafo e tuuina atu a lakou molimau e auala i ata pue o video. Ae ui i lea, ua manatu le Komisi e sili atu le talafeagai e faapea o taualumaga taitasi ua ta'ua i liga ia nafa ma le *Tulafono o Molimau 1961* ae lē o le TAL. O lea la itu, o le vaega 10 o le maliega a Europa i Fesosoani Faifaatasi i Mataupu Tau Soligatulafono i le va o Sui Auau o le Iuni a Europa 2000 e mafai ona fai ma ta'iala, ae peitai e ao ina faia e auala i maliega faava o malo e lua po o malo e tele.

Fautuaga 20: E tatau ona aofia ai aiaiga i le *Tulafono o Taulumaga o Faamasinoga o Soligatulafono 1972* ia faafofoga ai molimau i atunuu i fafo e tuuina atu molimau e auala i ata pue video mo suesuega/faamasinoga. O taualumaga taitasi o le a iloiloina e le Komisi i lana iloiloga o le *Tulafono o Molimau 1961*.

8. Puipuiga o e aafia gofie ma molimau

- 8.1 O le matafaioi a ē ua a'afia i soo se faiga a e tu mo se mataupu ua tausagā ona faatapula'a i le aafia o molimau. E mafuli atu lava ē na aafia i le faatapula'aina e lea faiga ona e masani lava i taualumaga lau soligatulafono e taofia i le faamasinoga a tamaiti e na'o lē ua molia ma le itu a leoleo/loia e faasagatonu i ai, ae peitai o lē ua aafia e lē o se itu pe o se e aafia i lea mataupu. O le puipuiga la o ē ua aafia ma afaina ma isi molimau ua uma ona tuuina atu i le faasologa o le toefuataiga o tulafono i le tele o atunuu i le tele o tausaga ua alu, ae peitai na aloaia e faapea o aiā tatau o e na afaina e tatau ona faapaleni tutusa ma aiā o lē ua molia i se faamasinoga e lē faaitu'au.
- 8.2 E taua le maitauina e faapea o lo'o atagia i le tulafono i Samoa e faapea e lē na'o ē ua afaina e faigofie ona aafia: e manaomia foi e tamaiti o lo'o molia le puipuiga. O Tulafono a Tamaitai Solitulafono 2007 ua faamanino mai e faapea o taualumaga sa faafoeina i totonu o Faamasinoga mo Tamaitai (o lona uiga, o taualumaga tau soligatulafono e faasaga i se Tagata Laititi, e 10 i le 17 tausaga le matua) e tapunia i lautele ma le au faasalalau le toe faaopopoina atu, o se solitulafono le faasalalau o igoa ma mea taitasi uma e iloa ai le tagata laititi, poo so so se isi ua afaina i se soligatulafono lea ua molia ai se tagata laititi.

Taofia o le Faasalalauina o Igoa

- 8.3 Ua aiaia i le fuaiupu 61 o le TAL e faapea e mafai e le Faamasinoga ona faasaina le faasalalauina i nusipepa igoa ma soo se mea e uiga i lē ua molia po o soo se isi lava tagata o lo'o a'afia i le faamasinoga, ae peitai e le manaomia lea itu i soo se isi lava tulaga faapitoa. O lea puipuiga e matuā taua tele e faasino i soligatulafono o le ituaiga o feusuaiga ona e maua ai le puipuiga mo le igoa taule'ale'a o lē ua afaina ma lona tulaga sololelei i totonu o longa siosiomaga o lo'o nofo ao. A fofogaina mataupu e aafia ai feusuaiga i totonu o le Faamasinoga Maua, e masani lava ona talosaga le itu a leoleo/loia mo se poliaiga a le faamasinoga e faasa ai le lolomini po o le lipoti atu o soo se ituaiga lava e ia e faaono faailoa atu ai e ua aafia ma afaina.
- 8.4 I totonu o Ausetalaia ma Niu Sila, e manaomia e le tulafono e faapea o igoa ma mea taitasi o misi o e ua afaina e tatau lava ona taofia i faamasinoga ma mataupu faapitoa, ina ia taofia ai le itu a leoleo/loia e talosaga atu mo se poloaiga e faia e le faamasinoga. E fai ma

faataitaiga, o le fuaiupu 39 o le *Tulafono o Faamasinoga o Soligatulafono 1985* (NS) o lo'o faaupu mai ai e faapea e leai ni itu faapitoa e ono o'o atu ai i le faailoaina atu o sē ua afaina i se soligatulafono tau faamasinoga e tatau ona faasalalauina sei vagana o le ua afaina e silia i le 16 tausaga o le matua ma ua faataga e le faamasinoga le faasalalauina e ala i se poloaiga. E faaopopo atu atili, e faasa e le tulafono le faasalalauina o mea taitasi e faasino i le molimau ia e i lalo o le 17 tausaga o le matutua. E tutusa ma le F61 o le TAL, F 140 o le *Tulafono o Faamasinoga o Soligatulafono 1985* (NS) ua tuuina atu ai i le faamasinoga le malosiaga e faia ai poloaiga e faasa ai le faasalalauina o mea taitasi e faasaina i soo se tagata e aafia i le tualumaga, e aofa ai ma lē ua molia/masalomia.

- 8.5 I lana ripoti i le taofia o le faailoa atu o lē o lo'o aafia i tualumaga tau solotulafono, e lei faamaonia e le Komisi o Tulafono a Niu Sila (KTNS) le fautuaga ia manaomia le taofia otometi o igoa po o mea taitasi e iloa ai ē ua afaina ma molimau. 'ae ua ifaia, le fautuaga e faapea e tatau ona i ai ile faamasinoga le malosi'aga e faia ai se poloaiga e noatia mai ai le faasalalauina o le igoa, le nu'u, mea e nofo ai poo le galuega a le na afaina po o molimau, po o se isi lava mea taitasi, e faaono maua ma iloa ai le faailoaina atu o lona tagata, lea o le a avea ai le faasalalauina ma mea e afaina ai le saogalemu o soo se tagata pe o le a tulai mai ai ma faafaigata e le tatau ai i le na afaina ma molimau, ma i nisi o mataupu e mo tagata foi o loo fesootai atu i lē ua molia/masalomia, e tusa lava pe ua taofia pe leai le igoa o lē ua masalomia/molia. Na fautuaina foi le toe teuteuina o le aiaiga mo le taofiaga otometi o le faasalalauina o mea taitasi o molimau tamaiti i le f 139A o le *Tualafono o Faamasinoga o Soligatulafono 1985* (NS). O le faavae o le nei mea o le faapea e tele mataupu ia e taofia ai igoa o ē ua afaina e le talafeagai pe afai o le uila vilivae a se tamaititi e 12 tausaga le matua ua gaoia. Ae le gata i lea, o le taofia otometi o le faailoa atu o le tamaititi e faaono mafai ona maua ai se tulaga e lē manaomia o le taofia o le faasalalauina ma faalauiloa atu o igoa o matua pe afai o laua ua solitulafono faasaga i le la tama. I le manatu o le KTNS, o le faaiuga pe taofia le faailoa atu o le igoa o le tamaititi ua aafia e tatau la ona tuu atu i le pule faitalia a le faamasinoga, ma mo le lelei o le tatala atu o le faamasinoga e faatoa tatau lava pe afai o le faasalalauina o lea mafua ai se faigata o lē manaomia.
- 8.6 O lo'o maua i le Tulafono fou o Tualumaga Faafaamasinoga o Soligatulafono 2011 a (NS) le taofia otometi o le faasalalauina o le igoa o lē ua molia ma lē ua tai i mataupu faapitoa tau feusua'iga, a le gata lea ua taofia otometi le igoa o tamaiti ua tagi ma molimau sei vagana ua faatagaina e le faamasinoga e auala i se poloaiga e faasalalauina ia tulaga. E faaopopo atu, e mafai e le faamasinoga ona taofia igoa o molimau, e ua afaina ua faamalieina le faamasinoga e faapea o le faasalalauina o igoa o le a faaono tulai mai ai le maua o ni faafitauli e lē manaomia mo molimau, e ua afaina, poo tagata e feso'otai, tulai mai ni fitā e matuā aafia ai le faatinoga o se faamasinoga e faia i le amiotonu e pei ona matu tatau ai, lamatia o le saogalemu o so ose tagata, oo atu ai i le faailoa o isi tagata o lona igoa ua taofia e le poloaiga po o e le tulafono, aafia ai le tausiga o le tulafono, e aofa ai le taofia, suesuga, ma le maua o soligatulafono, poo le aafia ai o le saogalemu poo le puipuiga o le atunuu. E tatau i le faamasinoga ona tuuina atu mafua'aga i le faia, fetutuuna'i, po o le faaleaogaina o se poloaiga e taofia ai le faasalalauina. E mafai ona faia se poloaiga tumau o le faasalalauina o igoa po o mo se taimi faatapula'a, ma e mafai ona toe faafou pe soloia po o le toe iloilo ma toe fetutuuna'i e le faamasinoga i soo se taimi.

8.7 I Ausetalia, e i ai le malosiaga lautele lava o le Faamasinoga Mauuluga a Vitolia e faia ai se poloaiga e faasa ai le faasalalauina o se ripoti o le mea atoa poo soo se vaega o se taualumaga po soo se famatalaga ua maua mai i se taualumaga. I New South Wales, e tulafono faatonutonuina le taofia o igoa e le Tulafono o le Taofia e le Faamasinoga ma Poloaiga e Taofia ai Faasalalaua 2010 (NSW).

Faamasinoga e Faasa ai Tagata Lautele ma le Au Faasalalau

8.8 O se mataupu e fesootai atu i ai pe tatau i le tulafono ona aiaia le faamasinoga e faasa ai tagata lautele ma le aufaasalalau i le su'esue'ina o soligatulafono tau faamasinoga.

8.9 E mulimuli atu i le faiga faavae masani o le tatalo atu o le faamasinoga o le tulafono faavae lava i le tulafono faavae lautele faapea o le puolega o le faamasinoga e ao lava ina faia i le faamasinoga e tatala atu i le lautele o tagata. Ae e ui i lea, o le natura o mea e aafia ai o taualumaga masani faapitoa o ni mea e faapea o le fofogaina i luma o tagata lautele o le a aafia ai pe tuuina atu ai se tulaga faigata i le faamasinoga ma lona faafoega', o le faiga faavae o le fofola atu o le faamasinoga e ao ina ona tuuualalo i le faiga faavae masani e faapea o le manulauti a faamasinoga ma o le faamautuina e faapea ia faia le amiotonu a le faamasinoga. E le gata ia maua le puipuiga o molimau, o le faamasinoga e tapunia i tagata lautele ma le aufaasalalau e mafai ona maua ai e le ua afaina poo molimau ia maua ai molimau e sili atu pe a latou maua le lagona taugamalie i le tuuina atu o molimau i le toaitiiti o tagata o lo'o i ai i le faamasinoga.

8.10 O le Vaega 9(1) o le *Faavae* e Faatagaina ai le lē auai o tagata lautele ma sui o le aufaasalalau mai i le faamasinoga atoa po o vaega o se suesuega i le itu lelei mo le faamasinoga, amio faaKerisiano, saogalemu o tagata lautele po o le saogalemu o le atunuu atoa, poo i le itu i le puipuiga o tamaiti po o itu i soifua o tagata lava latou e pei ona manaomia ai. O le fuaiupu 61 ma le 164V o le TAL o lo'o aiaia ai le faia o lea poloaiga. O le faaiuga mo po o le tetele e faasaga i taualumaga a le faamasinoga o le a tuuina atu lea i le pule faitalia a le faamasinoga ma e leai se tapunia otometi o le faamasinoga ma soligatulafono tau faamasinoga po o isi mataupu faapitoa.

8.11 I totonu o Niu Sila, o le *Tulafono o Taulumaga Faafaamasinoga o Soligatulafono 2011* (NS) ua tuuina atu ai i le faamasinoga ia manino pe afai o lē ua tagi ua na faia molimau i mataupu tau feusuaiga. O le fuaiupu 197, e mulimuli atu i le fautuaga a KTNS, ua tuuina atu ai le faamasinoga malosi'aga faaopopo i a tapunia le faamasinoga pe a talafeagai ia taofia ai: afaina e le tatau ai i le faafoeina o taualumaga; afaina o le saogalemu po o le puipuiga o le atunuu; o le matua faaono tula'i mai o ni faigata i se faamasinoga amiotonu ma le talafeagai; amiotonu ma le talafeagai; ono afaina o le saogalemu o soo se tagata; ma faaitu'au ai i le tausiga o le tulafono, e aofia ai le taofia mai, suesuega ma le maua o le soligatulafono ua faia. E faatoa mafai lava ona tapunia le faamasinoga pe afai ua na taofia le faamasinoga e faapea o se poloaiga e taofia ai igoa e le lava e taofia ai ia tulaga e faaono tulai mai. E lē aofia ai sui o le aufaasalalau mai lea aiaiga.

8.12 I totonu o Ausetalia, o le Tulafono o Taulumaga Faamasinoga o Soligatulafono 1986 (NSW) o lo'o faatulaga mai ai e faapea e tatau lava i taualumaga ona faia i faamasinoga tapuni pe a fai o lē ua tagi ua na tuuina atu molimau i mataupu tau soligatulafono e

feusu'aiga. E i ai foi i le faamasinoga le pule faitalia e faatonu ai e faapea soo se isi vaega o taualumaga o soligatulafono tau feusua'iga pe o le taualumaga atoa ia faia i totonu o le faamasinoga tapuni. O taualumaga o soligatulafono i le va o matua ma fanau e faia lava i totonu o faamasinoa tapuni. O le Tulafono o Taulumaga Faafaamasinoga o Soligatulafono 2009 (Vic) e aofia ai tulafono faapitoa laiti e tutusa e faaaoga i soligatulafono tau feusuaiga e faatagaina ai na'o tagata faapitoa ia auai a'o tuuina atu molimau e lē ua tagi po o se pu'ega o le molimau a lē ua tagi po o suesuega ua toe ta mai.

Manatu na tuuina mai

- 8.13 I Pepa o Faamatalaga, na fesili ai le Komisi pe le tatau ona i ai se puipuiga faapitoa mo e ua afaina i soligatupafono tau feusua'iga e auala atu i le lē faasalalauina o o latou igoa (fesili 9). O manatu uma e toli na maua sa latou lagolagoina o le otometi ona taofia o le faaalua o igoa e e ua aafia ma afaina i soligatulafono tau feusua'iga.
- 8.14 O sui poo loa na faafesootai e le Komisi na vaeluaina lo latou taofi i le fesili. O nisi na faaalua lo latou fiafia i le faiga o loo i ai nei ma le pule faitalia o loo faaaogaina e le Faamasinoga, o isi sa le lagolagoina le manatu ua masani ai ia taofia le faasalalauina o igoa o e ua afaina i mataupu o faaogalima matagā' ao nisi na faapea mai o le taofia otometi o igoa e tatau ia na'o mo tamaiti lava, e pei ona aiaia ai i nisi itu i totonu o le Tulafono o Tamaitai Soligatulafono 2007, e le gata mo tamaiti solitulafono, ae aafia ai foi ma ē ua afaina i soligatulafono ua molia i tamaiti.
- 8.15 E lagolagoina e sui o le faamasinoga le taofiga otometi o igoa i soligatulafono tau feusua'iga, ia e pei ona tuuina atu i le taimi nei mai lea taimi i lea taimi.
- 8.16 O le isi tagata e aafia ai na ia faatuina mai e aafia ai le itu lea i le TAL e pei ona i ai le F61A:
- (1) *O le igoa o le ua aafia po o lē ua tagi ii se mataupu o le ituaiga lea tau feusuaiga e faasa ona faasalalau i soo se ripoti e fesootai pe aafia ai le faamasinoga sei vagana ai ua manatu le faamasinoga e faapea mo le lelei o le faamasinoga e tonu e manaomia ai le faasalalauina o igoa.*
 - (2) *A'o tuuina atu e lē ua tagi poo lē ua afaina i se mataupu o le ituaiga o feusua'iga ni molimau fai fofoga, e leai se tagata e tatau ona i ai i totonu o le potu faamasino sei vagana i latou nei:*
 - (a) *o le faamasino ma faatonu*
 - (e) *o lē ua molia*
 - (i) *soo se isi o le itu a leoleo/loia po o le loa o loo tu mai mo lē ua molia i taualumaga*
 - (o) *soo se ofisa o le faamasinoga*
 - (u) *so o se tagata o ia lea e mo le taimi nei ua faamaumauina o taualumaga;*
 - (f) *o le sui o leoleo o ia lea o lo'o taitaia le moliaga/mataupu*
 - (g) *soo se tagata o ia lea ua talosagaina lona faatasi atu e le ua tagi po o le ua aafia/afaina; ma*
 - (l) *so o se taata o ia lea ua faaali mai e le Faamasino le manaomia le auai atu ile faamasinoga*

(1) O le aiaiga ua faataatia atu i le isi fuaiupu e le faatapula'aina ai soo se malosiaga o le faamaoniga i lalo o le fuaiupu 61.

- 8.17 I fonotaga a le Vaega Galulue, sa i ai le tulaga folasia lautele e faapea o le puipuiga otometi o mataupu tau feusua'iga e auala atu i le lē faasalalauinga o o latou igoa e tatau ona faamanatuina mai e le tulafono e aunoa ma le taumafai o le itu a leoleo/loia e faatagisia lea poloaiga. Na fautuaina foi e faapea o mataupu o soligatulafono tau feusua'iga e ao ina faia i totonu o faamasinoga tapunia, aemaise lava i taimi o loo tuuina atu a le ua aafia/afaina.
- 8.18 O le toatele o loia e tete'e i le faaulufaleina mai o faamasinoga tapunia e otometi mo soligatulafono tau feusua'iga, ona e mamafa le manatu e manatu latou o le faasalalauina o faamasinoga o se itu e matuā malosi e taofia ai le soliga o le tulafono. Na maitauina e nisi e faapea o le faaono aafia o e ua afaina e mafai ma e tatau ona nafa ma isi auaala e pei o le molimau i ata pu'e, faali i ata tifaga po o le taofia o igoa, ae ia faia ai pea le faamamafa i le aiā tatau o lē ua molia ia iloa e le alii poo le tamaitai lē ua na masalomia o ia. O nisi e ui i lea, ua malilie e faapea o le tapunia otometi o faigafaamasinoga i mataupu o tamaiti ua aafia poo faaogalima mataga e aiga o se isi la'asaga lelei lea.
- 8.19 Na ta'ua e sui o le faamasinoga e faapea e i ai le avanoa i le fale faamasino mo e ua aafia i soligatulafono tau feusua'iga e tuuina atu ai molimau, ae pe'itai e seāseā faaogaina. Sa latou faaalua foi e lē lava saunia faamasinoga i masini pueata ma mea pu'e leo.
- 8.20 Na fautuaina foi e se sui o le Vaega Galulue le faaalua o molimau a leoleo mai le vaai ai ma le iloa e lē ua molia ma le aiga o le alii poo le tamaitai (ae peitai e lē mai le loia a le alii poo le tamaitai), e le gata i totonu ma fafo o le faamasinoga.
- 8.21 O nisi sui o le Vaega Galulue na fautua mai e faaofi se tiute mo le au faasalalau ia talosaga atu i le faamasinoga mo se faatagaga e ripotia se mataupu.

Manatu o le Komisi

- 8.22 E i ai le maliega lautele e faapea o ē ua afaina i soligatulafono tau feusua'iga e manaomia le puipuiga mai le afaina ma le tusitusilima i ai o tagata e mafua mai i taualumaga o faamasinoga, ma e faapea o molimau tamaiti ma e ua afaina e faaono tula'i mai ona faigofie ona aafia ma e manaomia ai la le puipuiga. E i ai, ui lava i lea, e tele auala e maua ai se puipuiga. O le taofiga otometi o igoa o le isi lea auala, ae peitai o le taofia o le faasalalauina i le pule faitalia o le faamasinoga e mafai ona tutusa le lelei poo e faaono mafai ona sili atu le fetauti i nisi o mataupu. O taualumaga i se faamasinoga e tapunia o nisi ia o faiga e mafai ona faatino, ma e faaono mafai ai foi e lē ua afaina poo molimau ona faia se e sili atu ona lelei, ae peitai e aloaia pea ma faaaloaloina le aiā e faia ai le faamasinoga i luma o tagata lautele e pei ona faatulaga mai e le Avega 9 o le *Faavae*. O le a mafai foi ona faaali i luga o ata ni molimau faapitoa mai tagata lautele po o ata na pue i video a latou molimau, po o le faasalalau foi e amata i feso'otaiga o ata ma ia latou lē faafesaga'i ai ma lē ua molia.
- 8.23 O le isi itu, o mea tau le tagata lava ia e lē o se aiā tatau e matuā atoatoa, ma e tatau ona faapaleni pe a fa'afesaga'i ma isi aiā tatau ma uiga atoa o amio pulea i totonu o le atunuu. E aofia ai i ia tulaga ma le manaomia o se faiga faamasinoga e tatalo atu i le atunuu lautele,

ma le faasolo atu saoloto o faamatalaga i le atunuu lautele e amata atu i le aufaasalalau ma isi auala e mafai ai. Ae le gata i lea, e i ai le aiā tatau i lē ua molia e faafesaga'i ai ma le ua moliaina o ia i totonu o le faamasinoga.

- 8.24 E ioeina e le Komisi le finauga a le KTNS e faapea o le taofia o le faasalalauina o igoa e tatau ona faatapula'a i mataupu ia o faasalalauiga po o faamasinoga tatala o le a lamatia ai le saogalemu o soo se tagata pe maua ai se faigata e le fetau i lē na aafia po o le molimau. E lē fautuaina e le Komisi le otometi o le taofia o le faasalalauina o igoa e iloa ai molimau tamaiti, auā e ona i ai ni mataupu ia e le talafeagai le taofia o le faasalalauina o igoa po o le manaomia foi, e pei ona talanoaina i luga. O le aloaiga e faapea o tamaiti i le faiga faafaamasinoga e masani ona faigofie ona aafia, na faamalieina le *Komisi* e faapea o le pui puiga tatau ua tuuina atu i tamaiti e auala atu i aiaiga o loo i ai nei i le Tulafono o Tamaitai Soligatulafono 2007 e o toalua fa'atasi ma le vaega ua toe teuteuina o le F61 o le Tulafono o Tualumaga Tau Soligatulafono 1972 lea ua talanoaina i lalo ma ua faatulaga atu i le Fautuaga 23.
- 8.25 Ua manatu le Komisi, i le isi itu, e faapea i mataupu e aafia ai soligatulafono tau feusua'iga e faapea o faigata e le tatau ai e masani lava ona toetoe aafia ai lē ua afaina pe afai o mea taitasi o lena soligatulafono ua faasalalau atu i le atunuu. I ia la mataupu, e u ii lea, o le igoa o lē ua a'afia e tatau ona otometi le taofia o le faasalalauina o igoa. Ao tulai mai lea faafitauli po o se mea faigata e mafai ona tupu i isi molimau mai totonu o faamasinoga, e ese mai i ia e nafa ma soligatulafono tau feusua'iga, ua manatu o le Komisi e faapea o se faaiuga e taofia le faasalalauiga o igoa o molimau po o le tapunia o le faamasinoga, e ese ai mai mataupu o soligatulafono tau feusua'iga, e tatau ona tu'u i le faamasinoga e faia le faaiuga e faavae i le mataupu.
- 8.26 O le faamasinoga e tapuni e mafai foi ona maua ai le tiute faavae o le *mafai* ai e ē na afaina po o molimau e maua ai molimau lelei, e le gata i le pui puia ai molimau, ma tatau ona avea ma faiga mataupu o soligatulafono tau feusua'iga i taimi a'o tuuina atu molimau e le na aafia ai. O le auai atu o le aufaasalalau i faamasinoga e le tatau ma a latou tualumaga e le tatau ona faatagaina. E ui o isi pulega faafaamasinoga, e pei o Niu Sila, e faataga le au faasalalau ia auai i le faamasinoga tapunia, na manatu le *Komisi* e faapea o le aiaiga lava i lena faatagaga e faapea e tatau ona i ai le aufaasalalau se faiga faaetulafono faatonutonu a le atunuu. I le taimi nei, e lea i se faiga faapea o tulafono *faatonutonu* o lo'o i ai i totonu o Samoa. O le ofi atu o le aufaasalalau i tualumaga faafaamasinoga i soligatulafono tau feusua'iga i fafo o tualumaga ta faamasinoga i faamasinoga faapitoa e tatau ona faatulafonoina faatonutonu e faamasino o lo'o nafa ma le mataupu.
- 8.27 A talafeagai, e mafai e le faamasinoga i ia mataupu ona faia foi se poloaiga mo se suesuega e le o auai ona faaali atu o molimau, po o isi poloaiga e pui puia ua manatu e talafeagai a'o faagasolo le faamasinoga.

Fautuaga 21: E tatau ile *Tulafono o Tualumaga Tau Soligatulafono 1972* ona maua ai le otometi o le taofia o le faasalalauina o le igoa ma soo se itu e faaono iloa ai le ua aafia i se soligatulafono tau feusua'iga. E tatau ona tuuina atu i le faamasinoga le masalosia'ga e faataga ai le faasalalauina ile talosaga a le ua aafia/afaina.

Fautuaga 22: E tatau ona teuteuina le Tulafono o Taulumaga Tau Soligatulafono 1972 ia aiaia ai e faapea ao faagasolo le faia o molimau mai lē ua aafia, o taulumaga o faamasinoga tau soligatulafono tau feusua'iga e ao ona nafa ma faamasinoga tapunia e faatasi ai na'o tagata nei:

- O le faamasino;
- O lē ua molia ma le loia a le alii poo le tamaitiai
- Le sui a le itu a leoleo/loia;
- Ofisa o le faamasinoga e nafa ma fetui ma taulumaga o le faamasinoga ma faamaumaga;
- Soo se isi tagata o lo ua i ai na talosagaina e le *molimau* (e pei o le tagata lagolago) ; ma
- Soo se tagata o lo ua auai ua finagalo le faamasinoga e talafeagai ona iai

Fautuaga 23: E ao ina teuteuina le fuaiupu 61 o le Tulafono o Taulumaga Faafaamasinoga o Soligatulafono 1976 ia faataga ai le faamasinoga, i lana pule faitalia, ia faia ai se poloaiga o le taofia o le faasalalauina o igoa, tapunia le faamasinoga, po o soo se isi lava poloaiga e puipuia ai, e aofia ai suesuega e le auai atu ai ma le faaalua o ata o molimau ia o nisi lava auala o taulumaga o le a afaina ma lamatia ai le saogalemu o soo se tagata pe o le a mafua ai se faigata e lē tatau ona tula'i i lē ua afaina po o molimau.

9. Faatonu

- 9.1 O Faatonu o Sui mai le atunuu lautele na filifilia mai e mafua i la latou amio, aoaoga, tulaga agava'a la igoa tauleleia e auai i faamasinoga tau soligatulafono. I se faamasinoga la e auai faatonu, e auai faatasi le faamasino ma faatonu e toafa. O le matafaioi a faatonu o le faamautuina lea pea, i faavae i luga o mea moni o le mataupu, ma sala lē na molia e aunoa ma se taumatega aupito talafeagai. Faatoa mafai lava ona faamaonia se moliaga o lē, ua molia pe afai o le toatolu o le toafa o faatonu ua ioe e faapea o lē ua molia ua faamaonia lava soligatulafono. Afai e le ioe faatonu, e tatau ona fa'asaoloto lē ua molia.
- 9.2 I lalo o le TAL, o sē ua molia o lo'o malie i se soligatulafono e faasalalauina i se faasalaga faafalepuipui e sili atu i le lima tausaga e mafai ona filifili ia faamasinoina e se faamasino ma ni faaotnu pe e na'o se faamasino. O se faamasinoga e i ai faatonu e faaota tatau lava e tusa ai mo le tulafono pe afai o lē ua molia e tete'e ile moliaga o se soligatulafono e faasalaina i le soloatoa o le nofo i le fale puipui.
- 9.3 O le faaaogaina o faamasinoga e i ai faatonu i Samoa na amata mai lava i taimi a'o lalo o pulega faa-Kolone Samoa i lalo o pulega a Siamani ma mulimuli ane pulea e Niu Sila. Sa faaaogaina faatonu e fesosoani i faamasino mai fafo ia e le mafai ona tautala i le gagana Samoa ma e le lava foi le latou malamalama'ga e tu ma aganu'u a Samoa. O le faaaogaina la o faatonu o se tasi lea o auala e faapea o uiga tusaafia a Samoa sa faaaogaina pe a faamautuina le faia e le tagata o le soligatulafono, ma aveva ai lea tulaga e faatapula'a ai e faapea o le faamasinoga a ē e sili atu.
- 9.4 E eseese le faiga o faatonu i Samoa mai faiga e lua o le faamasinoga isi e faatonu (jury) ma le faiga o faatonu faufautua i isi faiga faamasinoga. E le pei o faatonu (jury) o faaotnu e le filifilia soo se tasi lava mai sui o le atunuu lautele, ae peitai e filifilia mai e le Komisi a

le Faamasinoga e faavae i luga o la latou aoga/agava'a ma le igoa tauleleiā. Ae le gata i lea, e lē pei o faatonu faufautua i isi pulega faafaamasinoga a le Pasefika, o faotnu i Samoa e faamautuina i mea moni o le mataupu ma faia se faauiga pe afai o le ua molia ua ioe pe ua tete'e. Ae peitai, i totonu o Samoa, o se faamasino ua taitai i se faamasinoga faatasi ma faatonu e mafai ona ia teena se faai'uga ua sala lē ua molia ua tuuina atu e faatonu pe afai o le alii po o le tamaitai ua manatu e faapea o lē ua molia sa lē tatau ona faamaonia lona moliaga.

- 9.5 O feutagaiga ma ē taufai aafia ai ua alia'i mai ni atūgaluega matuia e faasaga i le faiga o faotnu i totonu o Samoa. O le *numera* o sui o le vasega o loia na faaalua se manatu e faapea e leai so latou faatuatuaina o faatonu, na faatusa e se tasi o loia ia faamasinoga e i ai faatonu e lē ese ma le faataavale o ma'a-taisi.
- 9.6 O le atugaluega e tutotonu ma faaalua e se tasi e aafia ai, o le faatonu e le lava lē le faaitua'u e talafeagai ma le faamautuina lelei ma sa'o pe o lea tagata ua solia le tulafono. O le toatele o ē aafia ai na faaalua le manatu e faapea o nisi faatonu e uma a ona faia le latou faai'uga i le faia e lē ua molia ae lei faia le faamasinoga. Ua maitauina e nisi e faapea, i lo latou poto masani, ua vave tele ona filifili faatonu ae lei tuuina atu se iloiloga mae'ae'a i mataupu faigata ma le lavelave ua lōgā i totonu o le faamasinoga. O le iuga la, o nisi o ē e aafia ai na faaalua lo latou matua atugaluga loloto e uiga ile igua le manuia e tula'i mai i faamasinoga e i ai faatonu.
- 9.7 E manaomia e faatonu e faamautu mai pe ioe pe tete'e lē ua molia e faavae i luga i na'o molimau ua tuuina atu i le faamasinoga. Ae peitai, i le faitau aofai laititi o Samoa, ma le malosi o le va feagai ai o aiga, le felata'i o nuu ma feso'otaiga o lotu e faaono mafai ona aafia ma faavaivai ai le tulaga tutoatasi ma le lē faaitu'au o faatonu i itu faamasinoga. Ae le gata i lea, o aganuu e fesootai atu i tulaga mamalu faaleaganu'u e faaono mafai ai foi ona aafia le agava'a o faatonu taitasi e faia ai sona finagalo tutoatasi i mataupu ua lōgā i se faamasinoga. E fai la ma faataitaiga ua maitauina e nisi e aafia ai o nisi e aafia ai o nisi o faatonu taitasi o le a masani lava ona mafuli atu i manatu o le faatonu e maualuga lona tulaga faaleaganu'u ma maualuga lona suafa, nai lo le faia o sana lava faatulagaga e faavae i molimau ma tuuina atu i totonu o le faamasinoga.
- 9.8 E faaopopo atu e faapea, o le aiaiga o lipotiga a le aufaasalalau o faavaeina o soligatulafono o loma uiga e lē faapea ai o le a le iloa e faatonu ia taitoatasi e faasino i le soligatulafono ma aiga o lo'o a'afia ai. E ui ina manaomia faatonu e tuuese o latou fes'otaiga ma itu lelei ma isi ma faaautuina le mataupu ia na'o luga lava o le tulafono, e mafai ona faapea e lē moni le faapea o aafiaga uma o aiga, atunuu ma lipotiga a le aufaasalalau ao lei o'o atu i le faamasinoga e mafai ona matuā tu'ueseina uma.
- 9.9 Ae le gata i lea, na maitauina e ē aafia ai e faapea o faatonu o loo filifilia mai se vaega maualuga toaitiiti o tagata Samoa, e taua o matai e manuia suaa ma sui sinia o lotu. E pei la o lea, o le au faatonu e foliga mai ua aafia ai tagata matutua ua litaea, o latou ia e lē aafia ai taofi o Samoa o aso nei i o latou manatu ma itu amio pulea. O le aofaiga laititi e filifili mai ai faatonu o lona uiga foi la e faapea o tagata lava ia e tasi e galulue e faatonu i le fale o

faamasinoga o soligatulafono ma o nisi ua avea ma faatonu faapolofesa o i latou ia ua faavae o latou lava finagalo i le tulafono ma soligatulafono nai lo le tulafono lava ia.

Soloia o Faamasinoga e iai Faatonu

- 9.10 I le silasila la i le atugaluega matuia ma le ogaoga e faasino i faatonu na lagā i feutaga'iga, ua fesiligia ai e le Komisi ia e aafia ai pe tatau a le faiga o loo i ai nei o tulaga o faatonu pe suia i se isi faiga. O isi nei o faiga e ese mai ai e tolu i le faiga lea o lo'o i ai nei faatonu.
- 9.11 ***Faatonu:*** E faaaoga e Niu Sila, Ausetalia, le Atu Kuki ma Tonga i faamasinoga mo soligatulafono matuia. O le au-faatonu o se tino e toafitu i le sefululua o tagata e filifilia mai i sui uma lava o le atunuu lautele ia e mafai ona palota. E pei la o lea, o faamasinoga e le au-faatonu ua fuafuaina o le faamasinoga e tagata e maualuluga atu ma faaalualu ma siitia ai le i ai ma le faatuatuaina o tagata lautele ile faiga o faamasinoga o soligatulafono. E faia e le au-faatonu le iuga pe na sala lē ua molia pe leai e faavae i luga o molimau na tuuina atu i le faamasinoga, ma lo lenei la mafua'aga e ao lava ina tutoatasi ma aua nei faaitua'u i soo se itu po o mataupu i le faamasinoga. O le tiute o le faamasino i le faamasinoga e i ai le au-faatonu o le faamautuina lea o mataupu o le tulafono ma tuuina atu taiala e faasino i le faaaogaina o le tulafono i le au-faatonu. E leai se malosia'ga i le faamasino na faaleaogaina ai le faaiuga ua aumai e le au-faatonu.
- 9.12 ***Faatonu Faufautua:*** O le faatonu i isi faiga faafaamasinoga e faatinoina na'o le matafaioi e matuā faananafa ai lava le tulaga faafautuata. O tulafono i Fiti, Kiripati, le Atu Solomona ma Tuvalu e aiaia ai e faapea e ao i faamasino ona auamai manatu o faatonu pe a o'o i le taimi e faamautuina ai le ioe po o le leai/tete'e, a lē ua molia, ae peitai e lē noatia e mulimuli ai. E tele atunuu o Europa e faaaogaina ai foi faatonu i lenei faiga. O le matafaioi a faatonu faufautua e tetele lava i faitioga i luga o le faavae e faapea e aveesea ai soo se matafaioi aoga mo faatonu i se faamasinoga, ma e le faapea e matua tatau ona i ai ia e faapea e faamasino o ni tagata o le atunu'u laba latou po o lo'o i ai le itu lelei o le molimau poto faapitoa e talafeagai. I le faatinoga la, e i ai le popolega e faapea o faatonu faufautua e masani lava ona tuualalo i manatu o le faamasino.
- 9.13 ***Faamasinoga e Faia Toatasi e le Faaamasino:*** O faamasinoga o soligatulafono e fofogaina toatasi lava e le faamasino i le tele o atunuu o le Pasefika. O aiaiga mo le faaaogaina o faatonu i Vanuatu, Niue ma Tokelau ua maea ona teuteuina ma e faia toatasi lava e le faamasino faamasinoga o soligatulafono i Papua Niu Kini ma Nauru. I le faatinoga la o le galuega, i le tele faiga faafaamasinoga e i ai aiaiga mo faamasinoga i ai le au-faatonu e na'o le faamasino e masani ona faafofoga i mataupu tau soligatulafono matuia ia e maua ai le aiā tatau o lē ua molia e filifili ai pe faia le faamasinoga e le 'au faatonu pe na'o le faamasino lava ia.

Manatu na tuuina mai

- 9.14 Na manatu nisi e aafia ai e faapea o le faiga e faaaoga ai faatonu e tatau ona soloia ma suia i faamasinoga e na'o le faamasino e faia. Ua taofi i latou e faapea o faamasino e sili atu ona lē faaa'ua'u nai lo faatonu ma e sili atu lo latou malamalama i molimau felefele ma faaaoga suesuega faaletulafono i mea moni na tutupu. E le pei o faatonu ma le au-faatonu, o le faamasino o lo'o faia toatasi le faamasinoga o le a na tusia mafua'aga mo le faaiuga a

le alii poo le tamaitai, lea e faataga ai itu o le mataupu ia malamalama pe faapefea ona faamautuina le faamasinoga ma tuuina atu ai mafua'aga manino mo se apili. E pei la o lea, na iloiloia e faapea o faamasinoga e nafa na'o le faamasino e sili atu ona malamalama, talitonu mai ma lē faaauau nai lo faamasinoga e i ai faatonu. Mulimuli ane, na maitauina ē e aafia ai e faapea o faamasinoga e faaoga ai faatonu e aliali mai ai le maua i le tolopo so'o, ma e faapea o faamasinoga nao faamasino e faia e masani ona vave tele, laititi le tau ma e sili atu ona lelei faafoe.

- 9.15 Na iloiloia i se tulaga aoao tetele e faapea o faamasinoga e i ai faatonu o le a le talafetaui i totonu o Samoa. Na faaalua atugaluga o e e aafia ai e faapea o totogi e faasino i le pulega o le faiga a le au-faatonu o le a tuuina atu o le a faae'e atu ai se avega mamafatu le faautiuti o le itu lea i tupe a le faamasinoga ae le gata i lea o ē o tagata lautele ua filifilia e nofoia le au-faatonu o se faamasinoga. Na maitauina foi o le tele o le atugaluga e faasino i le tutoatasi o faatonu i luga, aemaise lava o le malosi o fesootaiga faale-aiga ma nu'u ma le aafiaga mai le aufaasalalau, o le a faaogaina foi i le 'au-faatonu.
- 9.16 O le manatu i faatonu faufautua e lē tele se lagolago ua maua mai i ē e aafia ai. Ae ui i lea, e toatele ua maitauina e faapea o se faiga o faatonu faufautua o le a tuuina atu ai se suiga tele i le faiga o faatonu e aunoa ma ni faamanuiaga e aliali manino mai ai.
- 9.17 E ese ai mai le faaofi atu o se faiga fou, o nisi e aafia ai na latou faatuina mai e faapea e tatau ona faia ni suiga e faaleleia atili ai le faiga o faatonu ina ia maua ai e faapea o faatonu e le faa'au'au ma lelei ma o le galuega faaloia ma le atunuu lautele ua toe faafouina lo latou faatuatuga e faapea o faatonu e mafai ona faia faaiuga fetui ma talafeagai i faamasinoga o soligatulafono.

Manatu o le Komisi

- 9.18 Ua talia e le Komisi e faapea o loo i ai atugaluga tūgā e uiga i le talafeagai ma le fetui lelei o le faiga o lo'o i ai nei o faatonu. O le mea moni, ua manatu le Komisi e faapea o atugaluga i faasino i le lē faaitua'u ma le lelei faafoe o le galuega a faatonu ua afaina ai le faatuatuga o le atunuu lautele i faamasinoga e faia e faatonu o se faiga e talafeagai ma amiotonu e faamanatuina ai pe ua faamaonia le tagata i se soligatulafono ua molia ai.
- 9.19 O le mafua'aga mai auauna ile faatasi o faamasino ma faatonu i faamasinoga o soligatulafono – o lona uiga, ia faamautuina atu e faapea mai fafo na ta'u atu i ai aganu'u a Samoa, tu ma aga ma le gagana – ua le toe manaomia nei. O lona uiga la, e faamasinoga e faaoga ai faatonu e faatoa moomia lava pe afai e i ai ni mafua'aga malolosi e mafua ai ona manaomia ma taua i taulumaga faaonopo nei o taulumaga tau faafaamasinoga o Soligatulafono i totonu o Samoa. O le mafua'aga e aupito malosi mo le faia pea o faamasinoga e faaoga ai faatonu o le faapea o le faaogaina o faatonu i faamasinoga matuiā tau soligatulafono e maua ai le avanoa mo le sao o le atunuu lautele i totonu o le faiga o faamasinoga o soligatulafono. O le sao mai le atunuu lautele e matuiā taua tele lava pe afai o soligatulafono e aafia ai itu e faapea e faalagolago i tulaga faavae a le atunuu, e pei o le tatau ai, taua faoso po o tulaga matagā. O le aafia o le atunuu lautele i faamasinoga o soligatulafono o le isi aualea lea o le faamautuina o le faiga faafaamasinoga o

soligatulafono e talia e tagata ma mafai ona tali atu i tagata lautele ma maua ai le sao i le faatuatuaga ma le talia o le faiga o le faamasinoga tau soligatulafono.

- 9.20 Ae ui i lea, o le sao o le atunuu lautele e tatau lava ona lagolagoina, nai lo le fetuutuuna'i, faiga faavae o le amiotonu a le faamasinoga, ma le aiā tatau o le ua molia i le faamasinoga e lē faaa'ua'u ma maopopo lelei. O suiga tetele o le a manaomia ina ia faamautuina ai e faapea o faatonu e le faaitu'au, e mafai ona malamalama ma lelei le faatinoga o o latou matafaioi ma sili ai ona atagia ai manatu ma tulaga aloaia a Samoa. E le o faamalosiā le Komisi e faapea o ia toefuataiga o le a lava e tali atu ai i mataupu o loo tulei mai le taimi nei e faasino tonu i le lē faaaau ma le faiga lelei o tiute o faatonu ma maua mai i le faiga o faamasinoga e faaoga ai faatonu.
- 9.21 O le faapaleniga, ua manatu le Komisi e faapea o faamasinoga e faaoga ai faatonu ua le fetui ma aso nei ma ua le toe aogā ile faatinoga o faamasinoga i le taga'i lea i le faatinoga o tualumaga o faamasinoga o solitulafono i totonu o Samoa i le taimi ne ii ana tulafono ma le faaogaina. Na iloiloina e le Komisi ia manatu e tolu i le faiga o faatonu. I le taga'i la i le faaletonu o faamasinoga e faia e le au-faatonu po o faatonu faufautua ua maitauina e ē e aafia ai, ua manatu le Komisi o le itu e aupito sili ona talia mo le faiga o faatonu i totonu o Samoa o le faamasinoga lea e faia e le faamasino na'o ia. Ua maitauina e le Komisi e faapea e toatele faamasino ua fai taitoatasi lava le tele o faamasinoga o soligatulafono, e pei foi o mataupu uma tau va i tagata (civil cases). O le toatele o faamasino o loo i ai nei o le Faamasinoga Maualuga o Samoa ma e mafai ona latou talia fiafia tu ma aganu'u a Samoa ae le gata i lea o le matauina ma fautua lelei finagalo o le atunu'u i mataupu tau le faamasinoga o soligatulafono. I le tulaga la o le faamasino e le o se Samoa, pe moomia nisi molimau e uiga i tu ma aganuu masani, o ia faamatalaga e mafai ona maua mai i molimau potu faapitoa po o uō a le faamasinoga. O le faaiuga a faamasino e faaono mafai foi ona lē faaitua'u ma e faave i luga o le malamalamaga mautu o le tulafono. Ae sili ai le taua, le tuuina atu e le faamasino o ana mafua'ga tusitusia mo a latou faaiuga a faamasino e avanoa le atunuu lautele mo se latou iloiloga ma tali atu pe tali mai foi.
- 9.22 Ua faaali mai e le Komisi e faapea o le soloia o faamasinoga a faatonu o le a avea ma toefuataiga taua i tulafono tau tualumaga o faamasinoga o soligatulafono i Samoa. Mo lea la mafua'ga, ua faauigaina ai e le Komisi ia faia fautuaga e ese ai. Muamua, ua fautuaina e le Komisi e faapea ia teuteuina le TAL ia aveese ai aiaiga mo faamasinoga a faatonu ae ia suia e faapea o faamasinoga uma lava tau soligatulafono ia fofogaina e na'o le faamasino e faia faatasi le faamasinoga. Ae ui i lea, afai e taliaina e le Malo lenei fautuaga, ua faia e le Komisi le aoaiga o fautuaga, i lalo, mo le toe fuataiga o le faiga e fai ai faatonu ia suia i le faaleleleia le tulaga le faaituau, lelei faatino le galuega ma le aoga lelei o faamasinoga e faaoga ai faatonu.

Fautuaga 24: E ao ina teuteuina le Tulafono o Tualumaga Tau Soligatulafono 1972, e aveese ai aiaiga mo le faamasinoga a faatonu ma faamasinoga i le Faamasinoga Maualuga a Samoa ia fofogaina e le Faamasino sa'o ia lava.

O isi fautuaga ia toefuataiga ai faamasinoga a faatonu

9.23 O le fuaiupu mulimuli o lenei vaega ua faatalanoaina ai toefuata'iga ua suia i le faalelei atili o le faiga o faatonu, pe afai e lē taliaina e le malo fautuaga a le Komisi ia soloia faamasinoga a faatonu 'ae lagolagoina faamasinoga e fai to'atasi le faamasino.

Mea Taua mo le Avea ma Faatonu

9.24 I le taimi nei, o lo'o nafa ma le Komisi a le Faamasinoga le faatu'aia o le lisi o tagata e agava'a e avea ma faatonu. O le fuaiupu 92 o le TAL ua aiaia ai e faapea e mafai ona tofia e le Komisi o le Faamasinoga soo se tagata o ia lea, i lona taofi, ua agava'a e avea ma fa'atonu i mafua'aga o la latou amio, aoaoga, agava'a ma le igoa tauleleia. O le tulaga aoao tetele, o faatonu e umia suafa matai po o sui sinia o se ekalesia. E manaomia e le TAL e faapea o lea lisi e tatau ona 250 tagata, ma e faapea e toe iloiloina lea lisi/faasologa e le Komisi o le Faamasinoga e taitasi i le tausaga ona faia.

9.25 E eseese agava'a o faatonu i isi atunuu o le Pasefika. E fai ma faaitaiga, i Fiti ma le Atu Solomona, soo se tagatanu'u e i le va o le 21 ma le 60 tausaga ma le iloa o le gagana faa-Peretania e agava'a e avea ma se faatonu. I Kiripati ma Tuvalu, e tofia e le Faamasinoga faatonu o tagata ua manau e fetau e fesosoani i le faamasinoga.

Manatu na tuuina mai

9.26 Na faaalua e nisi o loia le manatu e faapea o le lisi o faatonu e tatau ona toe silasila i ai ma toe faafou atili ma faifai pea mai lea taimi i lea taimi. Na maitauina e nisi e faapea p nisi o faatonu ua le toe mafaia ona lelei le faatinoga o a latou galuega ona ua matutua po o ua lē atoatoa foi le malolosi, 'ae o la e lava e i ai suafa i le lisi o faatonu.

9.27 Na faatuina mai e nisi o Sui o le galuega faa-loia e faapea o faatonu ua o'o atu ina matutua, o ni tagata ua litaea. Na latou faaalua e faapea o faatonu ua lē o ni sui o tagata lautele ma e le talafeagai lea tulaga i le toatele o ē ua molia aemaise lava i ē talavou ua molia. O isi ua latou maitauina e faapea o le matutua o faatonu o lona uiga e faapea o faamasinoga ua uumi taimi e faia ai ona e masani ona tuai atu faatonu po ua manaomia so'o malologa a'o faagasolo faamasinoga.

9.28 Na faatu mai e nisi o loia e faapea e mafai ona filifili mai le lola a le palota, ina ia agava'a ai soo se tagata ua sili atu i le 21 tausaga o le matua ona i ai i le lisi o le au faatonu. Na fautua mai le isi e aafia ai i le faia faatelē o le lisi o faatonu, ae ui i lea, e maitauina e faapea e tele ai le tupe e alu ma faafaigata ai ona fesootai faatonu a'o lumanai se faamasinoga. Na faatuina mai e isi le teuteu i le F92 ina ia faapea o le autu o le filifiliga o faatonu ia sili atu ona atagia ai le fefiloi o sui o tagata lautele o le atunu'u. O leisi tagata e aafia ai na ia faatuina mai e faapea e i ai le tausaga faaletulafono e faagata mai ai faatonu ina ia faapea ai o tagata ua silia ma le 65 tausaga e le tatau ona agava'a e avea ma faatonu.

Manatu o le Komisi

9.29 Ua manatu le Komisi e faapea o itu e agava'a ai faatonu – ia ua taua e faapea e agava'a se tagata e mafua i la latou amio lelei, aoaoga, mafaia ma le igoa tauleleia – e matuā lē

manino lava. E le maua ai se taitaiga i tulaga agava'a mo'omia o se faatonu, ona avea lea ma mea ua tu'utoatasi ai i le finagalo o le Komisi o le Faamasinoga.

- 9.30 Ua manatu ai le Komisi e faapea e i ai itu lelei i le teuteuina o le autu o le F92 i le TAL e fes'ota'i atu i le filifiliga o faatonu ina ia atagia ai i le lisi/faasologa o faatonu le tulaga lautele o tagata uma. O le mea la lea ua fautuaina ai e le Komisi e faapea e ao ona manaomia le TAL e faapea o le Komisi o Faamasinoga, pe a filifilia/tofia faatonu, e tatau ona latou iloiloaina le manaomia o le faamautuina e faapea o le lisi o faatonu e lautele le fai ma sui o le atunuu atoa o Samoa, aemaise lava e faapea o le lisi e aofia le tulaga lautele o le matutua, galuega, ituaiga o tane po o tamaitai ma o latou talaa'ga.
- 9.31 Ae le gata i lea, ua maitauina e le Komisi e faapea o le suesueina o molimau ma mea ua tuuina mai e loia o loo tu mo lē ua molia i faamasinoga o soligatulafono e mafai ona tulai a lē o le faa-Samoa o le gagana faa-Peratania. O lona uiga e faapea o ia faamasinoga e le faapea ua le talafeagai le faapea ua tuai ona faagasolo o le manaomia o faamatalaupu , ua fautuaina e le Komisi e faapea e ao i faatonu ona mafai ona lautele ma malamalama i gagana e lua o le faa-Peratania ma le faa-Samoa. Ma le itu mulimuli, ua manatu le Komisi e faapea ia na'o tagata e i le va o le 21 ma le 65 tausaga le matutua ia agava'a mo le tofiga o faatonu.
- 9.32 O le faatinoga la o le galuega, ua manatu le Komisi e faapea o le a lelei mo le Komisi o le Faamasinoga, a'o le'i tofia se tagata i le lisi o faatonu, ia faafesootai lena tagata ma faamanino mai pe e talia e le alii po o le tamaitai ma e mafai ona fai ma faatonu ma malamalama e faapea o le alii poo le tamaitai e mafai ona valaauina e avea ma faatonu i se taimi puupuu lava.
- 9.33 Ua manatu le Komisi e faapea o le itu e manaomia ina ia tusa ai ma le tulafono e faapea o le Komisi o le Faamasinoga nate iloiloaina le lisi o faatonu e faatasi i le tausaga e taua lea i le faamautuina e faapea o tagata uma o i le lisi/faasologa e agava'a ma e maua e fai ma faatonu, ma e faapea e tumau ona atagia mai i le lisi le tulaga o lo'o i ai tagata lautele o le atunu'u. O lona uiga o lenei aiaiga e tatau ona tumau i totonu o le TAL.

Filifiliga o Faatonu e Auai i se Faamasinoga

- 9.34 Ua maua i le TAL e faapea o le faamasino o ia lea e taitai i le faamasinoga e filifilia faatonu mai le lisi o faatonu. I le faatinoga o le galuega, o le Tusi Resitara a le Faamasinoga Maualuga e saunia le lisi o faatonu e faaono mafai ona maua pe tusa e tolu aso a'o le'i o'o i le faamasinoga. Ua faaalua mai ile lisi igoa o faatonu taitasi, ituaiga e i ai lona tagata, pe e alii poo se tamaitai, suafa matai ma le nu'u. E tuuina atu le lisi ile faamasino o nafa ma le faamasinoga ma o ia lea nate filifilia faatonu e toafa ma pe i ai ma se toalua e faaleoleo. O loia mo le itu a leoleo ma lē ua tete'e, po o le ua moomia pe afai o le alii po o le tamaitai, e leai se loia o tu mo ia, ona vaai lea ile lisi ma maua le avanoa e tete'e ai i soo se faatonu.
- 9.35 O faatonu ua filifilia e auai i le faamasinoga e ao ina lē faaitu'au oe faaailoga tagata pe faaa'ua'u e faasino i soo se mataupu i totonu o le faamasinoga po o se isi o itu. O se mafua'aga taatele mo le tete'e i se faatonu o le faapea e i ai le itu e teteena'i ai, e fai ma

faataitaiga le faapea o le faatonu o le aiga, pa'aga i pisinisi po o le i ai soo se isi ituaiga o faiā/fesootaiga i le ua molia, le ua aafia/afaina, molimau, loia o loo tula'i po o se isi lava tagata o lo'o aafia i le faamasinoga.

Manatu na tuuina mai

9.36 I feutaga'iga, na faaalua ai e loia atugaluga taua e lua e uiga i le faiga o filifiliga o faatonu e auai i faamasinoga.

9.37 Muamua, ua taua e ē e tau fai aafia ai i le atugaluga e faapea o faamatalaga e uiga i faatonu taitasi ua aofia ai i le lisi e lē lava ina ia iloa ai pe i ai ni fete'ena'iga pe afai o le lisi o faatonu ua tuuina atu i le faamasino ma loia o lo'o tutu mo itu e lava faamatalaga, e aofia ai ma se ata o le faatonu, le matua o le alii po o le tamaitai, le mea e nofo tonu ai, isi nu'u e tau i ai (e fai ma faataitaiga le nuu e i ai lona aiga e nofo ai po o le nuu o le toalua o le alii poo le tamaitai) ma suafa matai uma o lo'o umia, ia silafia foi e tasi le tagata 'ae tele suafa matai e mafai ona ia umia.

9.38 O lona lua o atugaluga ua lāgā e e aafia ai o le faapea o le tuai tele ona maua e loia o lo'o tūtū mo itu lisi o faatonu mo faamasinoga ina ia lava se taimi e fesili ai ia i latou o loo tutu ai ma soo se molimau pe latou te iloa le faatonu. O lona uiga, e faapea o nisi o taimi o faatonu po o loia faatoa iloa e faapea o loo i ai se fete'ena'iga ina ua faatoa tula'i se molimau po o se aiga i totonu o le faamasinoga.

Manatu o le Komisi

9.39 Ua maitauina e le Komisi atugaluga e faapea e lē lava le taimi e fetuutuuna'i ai faatonu ao lumana'i se faamasinoga e mafai ona tula'i mai ai le lē maua o se feteena'iga sei vagana ua maea ona nofoia e faatonu le faamasinoga, po o a'o ua faagasolo le mataupu, mo se faataitaiga, ina ua tuuina atu se molimau e lē ua molimau. E maua ai la iinei le alu vale o tupe ma le tuai ona o le a taofia le faamasinoga a'o toe sailia nisi faatonu e sui a'i i latou ua fete'ena'i o latou aafiaga. E i ai foi le itu le manuia e faapea o fetuuna'iga ua lē faaalua, e faaono tula'i mai ai se tulaga faa'afa'afa po o le faa'au'au o le au faatonu.

9.40 I le tulaga la e mafai ai ona faaitiitia le itu e faaono lamatia ai tulaga fete'ena'i, ua manatu le Komisi e faapea e tataui i le lisi o faatonu ona i ai nisi faamatalaga faaopopo. O lea tulaga o le a maua ai e le faamasino ua nafa ma le mataupu ma loia o le faamasinoga le avanoa e iloaitino ai ma suesue loa fete'ena'iga e ono tula'i mai. O lea ua fautuaina ai e le Komisi e faapea ia teuteuina le TAL ia maua ai e faapea o le lisi o faatonu ia aofia ai se ata pito tele mai o le faatonu, o le matua o le alii po o le tamaitai, galuega, le nu'u e nofo ai, isi nu'u e fesootai ai ma suafa matai uma ia e umia e le tagata lava ia. Ae le gata i lea, ua manatu le Komisi e faapea o le loia ma lē ua molia, pe afai e leai se isi e tu mo le alii poo le tamaitai, e ao ina ia maua le lisi o faatonu mai le faamasinoga pe tusa e lua aso faigaluega atoatoa lava, ao lumanai le faamasinoga, ina ia mafai ai ona maua le taimi e iloilo ma suesue soo se taualumaga e faaono tula'i mai.

Lui'ina o Faatonu

9.41 Ua maitauina e le Komisi e faapea o le faaleleia o le faiga a'o lumanai faamasinoga mo le filifiliga o faatonu o le ā le mafai ona atoatoa ona faaleleia ai o atugaluga uma e faasino i

mataupu e tula'i mai ai ni fetu'ua'iga. O ni toefuata'iga la i lea itu e ao lava ina o faatasi ma faiga ua faaleleia i faamasinoga ia tuuina ai faatonu ia faaali mai soo se itu e fete'ena'i ai pe faaa'ua'u. E fai la ma faataitaiga, le faaleleia o faamatalaga ua i totonu o le lisi/faasologa o faatonu o le a le fesosoani lea i le faamasinoga e iloa pe o se faatonu sa avea foi ma se tasi sa aafia i se soligatulafono faapea lea e faapea o lo'o molia ai le ua faasaga i ai le tagi, po o le alii po o le tamaitai sa i ai ni mea ua fesoota'i ai ma leoleo lea na fai ai ia le alii poo le tamaitai e faaitua'u ma tete'e i le itu a leoleo.

- 9.42 Ua faatagaina e le fuaiupu 96 o le TAL le itu a leoleo/loia po o lē ua molia e tuuina se faatonu i soo se taimi ao lumanai le faatautoina o le alii po o le tamaitai. O se alii ma se faatonu e tatau ona mo le mafua'aga. O mafuaa'ga mo le lu'iina o se faatonu e aafia ai e faapea o le faatonu e lē agavaa e auauana, e lē agava'a e faatino tiute o se faatonu, e aiga i se tagata o loo aafia i le faamasinoga, e i ai fesoota'iga faa-pisinisi ma soo se tagata o loo aafia i le faamasinoga, poo le i ai o se itu tonu faaa'ua'u, o lona uiga e faapea o le faatonu e i ai ni manatu/talitonuga faapitoa e faapea o le a afaina ai le tulaga e faafofoga ai i le faamasinoga e aunoa ma lona faaitua'u. Afai ua faamalieina le faamasino e faapea e i ai ma lava le faamalieina o le tete'e ile faatonu, ia ona suia loa le faatonu. E mafai foi e le faamasino ona tuuese se faatonu mai le laulau a faatonu e aunoa ma le tuuina atu o ni mafua'aga mo le teena o le faatonu.
- 9.43 Ua malamalama le Komisi e faapea, i le faatinoga o le galuega, o alii aloa'ia i faatonu e le masani ona faia i totonu o le faamasinoga. E masani lava ona nafa le faamasino po o le resitara ma mataupu e uiga i tulaga mafai po o feteena'iga ao lumanai se faamasinoga e amata atu i alafua ua faamatalaina atu i luga.
- 9.44 I pulega faafaamasinoga e i ai faamasinoga e foi e faatonu, o lu'i e aunoa ma mafuaa'ga i faatonu e ono mafai ona fai le galuega e tupu so'o. E fai ma faataitaiga, o le Tulafono o Faatonu a Niu Sila e faataga ai itu taitasi e lu'i ai le oo atu ile toafa faatonu e aunoa ma ni mafua'aga. O pulega faafaamasinoga a Ausetalia, e faapena foi ona latou tuuina atu i itu taitasi le aiā tatau e faia ai muamua a latou lu'i i le va o le tolu i le tovalu o le au-faatonu.

Manatu na tuuina mai

- 9.45 O e e aafia ai na feutaga'i ma le Komisi e taofi eseese e uiga i le tuuina o faatonu pe i ai pe leai se mafuaaga.
- 9.46 Na fautuaina e se tasi o ē e aafia ai e faapea e tatau ona i ai se faiga ao lumanai se faamasinoga lea e mafai ai e le loia o loo tu mo le itu a leoleo ma lē ua molia ona fesiligia faatonu e faaono filifilia ia fuafuaina ai o latou manatu ma le faaita'u e uiga i mataupu e loo aafia ile faamasinoga. Soo se faamatalaga e maua i le auala o le a mafaia ai ona maua se faavae mo se lu'i ma mafuaa'ga i lalo o le F96 o le TAL. O le isi tagata e aafia ai na ia fautuaina se isi auala e ese ai, lea e faatagaina ai le faamasino, po o le manaomia foi e le tulafono, ia ta'u atu i le faatonu e uiga i lematuia o le mataupu, itu o loo finauina ma igoa o lē ua molia, le ua aafia/afaina ma molimau a'o le'i faatautoina faatonu. Ona tuuina atu loa lea e le faamasino i faatonu le avanoa e filifili ai ma faaalia pe i ai soo se faiā ma itu o le faamasinoga po o mafuaa'ga ua manatu ai e le mafai ona latou nofoia le faamasinoga e aunoa ma le lē faaituau.

9.47 O isi tagata e aafia ai ua latou faaalua le 'au ile taofia pea o le faiga o lo'o i ai nei lea e mafai ai ona tete'e i faatonu i faamasinoga amata a'o lei nofoia faatonu, nai lo le faia i totonu o le faamasinoga. Sa faia lautele lava lenei manatu ae faalagolago le faatinoga o faaleleiga ile faiga o le filifilia ina ia faapea ai o itu i ni feteena'iga e mafai iloa vave.

Manatu o le Komisi

9.48 E pei ona talanoaina i luga, ua malamalama le Komisi e faapea e i ai atugaluga matuiā e faasino i le tulaga le faaituau o faatonu e nofoia faamasinoga tau soligatulafono i Samoa. O se tasi lea o mafua'aga autu ua mafua ai i le Komisi ona fautuaina le soloia o faamasinoga auai faatonu ae lagolago faamasinoga e faia toatasi e le faamasino. Ua manatu le Komisi e faapea e i ai le tulaga lelei i le fautuina o se faiga a'o lumanai le faatinoga lea e mafai ai ona fesiligia faatonu e uiga i o latou finagalo i mataupu o se faamasinoga ina ia mafai ona faamautuina pe i ai ni mafua'aga e luina ai mo mafua'aga soo se faatonu o ia lea e le atoatoa le lē faaitua'u i itu o mataupu po itu o loo faamanino i totonu o le faamasinoga.

9.49 O le faafitauli i le faavaeina o se faiga e muamua i le faamasinoga e fesiligia ai faatonu e faaono foia se mataupu o le faapea e ono telegese ai le faamasinoga, aemaise lava le fesiligia e maua ai le isi itu ua le luina se faatonu mo se mafua'aga. Ae ui i lea, ile i ai lea o se atugaluga e faasino ile tulaga faaituau o faatonu, ua manatu le Komisi e faapea i le tulaga moomia o le taeleleia o le faamasinoga e manaomia ai le fautuina o se faiga e fesiligia ai le ituaiga lenei.

9.50 Ae ui i lea e le lagolagoina e le Komisi le fautuina o se aiā tatau o le amata fai o se lu'i, po o se lu'i e aunoa ma se mafua'aga. O lea manaomia ai i lea itu e faapea e i ai isi faatonu e ese ai o lo'o sauniuni ma faatalitali e nofoia se faamasinoga, o se faiga o lea o le a tuuina atu ai totogi i le faamasinoga ma le a fai ma mea e lē manuia ia faatonu.

9.51 Ua manatu le Komisi e faapea e faaopopo atu i le faamasino ma loia o loo tutu ona maua atili faamatalaga e uiga i mataupu ma tagata o lo'o aafia i le faamasinoga. O le a avea ai lenei faiga ma e faataga ai faatonu e tuuese latou e latou lava pe a tula'i mai se fete'ena'iga po o pe afai e i ai so latou poto masani e faapea o lona uiga e faapea latou te lē aveese pe le faaituau i itu o le faamasinoga po o se isi lava o mataupu i le faamasinoga. O le mea lea ua fautuaina ai e le Komisi e faapea ia teuteuina le TAL ia manaomia ai e faapea, ao lei sutesueina faatonu e loia o loo tutu mo se mataupu ma faatautoina, ia faamatala faatonu e le faamasino o loo taitai i le faamasinoga e i ai faatonu le natura o le faamasinoga, ituaiga o mataupu o lē a finauina ma igoa o lē ua molia, o ē ua afaina ma molimau. I le taimi la lea, e mafai foi e le faamasino ona manatu e manaomia le faamalamalama i faatonu le taua o le lē faaituau ma ituaiga o mea e fete'ena'i ma manatu faa'ua'u ia e faapea e mafai ona aafia ai le tulaga agavaa o faatonu ina ia le faaituau le latou avea ma e faamasino i le faamasinoga.

O le malosiaga o le faamasino o loo taitai e teena ai se faaiuga ua agasala ua tuuina ane e faatonu

9.52 E lua auala e maua ai se faaiuga ua agasala mafai ona tuuina ane e faatonu ia e mafai ona faataatia ese. Muamua, o le F 100 o le TAL ua maua ai e faapea, afai ua manatu le faamasino o lo'o taitasi i le faamasinoga e faapea o lē ua molia e le tatau ona faamaonia

lona moliaga, e mafai e le alii po o le tamaitai faamasino ona faaleaogaina le faaiuga a faatonu. O lona uiga o le mea le nei e faapea afai e lē manatu le faamasino e faapea o lē ua molia e agasala, ae peitai o faatonu e ioe, e faaaogā le manatu o le faamasino. O lona lua, e mafai e lē ua molia ona apili e faasaga i le faaiuga e agasala lea na tuuina aua e faatonu i luga o mafuaa'ga e faapea e le talafeagai po o e le mafai ona lagolagoina e molimau. Afai ae faatinoina e le alii po o le tamaitai faamasino lona malosia'ga i lalo o le F 100, e ao ona faasaoloto lē ua molia ma e leai se isi avanoa mo se toe faia o se isi faamasinoga. E eseese la ma lenei, afai e lagolagoina e le faamasinoga se apili i lalo o le F 164N, e i ai lana pule faitalia e faasaoloto ai lē ua molia, faatonu se isi faamasinoga fou pe faia se poloaiga e pei ona manaomia ai e le faamasinoga.

- 9.53 E faavae le soloia e faamasino o faaiuga e agasala ua tuuina ane e faatonu e faapea o le itu a leoleo/loia na te lei faamaonia lana mataupu i sili atu i se taumafaiga talafeagai. I le tasi mataupu faapea, na saunoa ai Faamasino o Nelso ne faapea o le mafuaa'ga o le F 100 ina ia taofia ai faamaoniga e lē talafeagai o soligatulafono ia e i ai le sili atu o taualumaga talafeagai e faasino ile agasala o lē ua molia. Na saunoa lava Afioga e faapea:

O le aiaiga i nisi tulaga o le faiga e puipuia ai ua saunia mo lē e taitai i se faamasinoga o ia e le o se tagata tau amata e pei o se faatonu masani 'ae o le loia o le tulafono ua uma ona aoaoina lelei ma ua pasi, i le tele o mataupu/faamasinoga ma tausaga e tele o le poto masani ma le iloa o faamasinoga tau soligatulafono ma mataupu e molimauina e suia ai lona taofi mo le manatu o faatonu tau amata ile tulafono. O le faatinoga la o lea tulaga e le tataua lava ona manatu mama i ai se tasi, ae a i ai se tulaga e tataua ma talafeagai, o le tiute o le faamasino o le faalava ina ia taofia ai le sesē o le faiga o le faamasinoga.

- 9.54 I le isi faamasinoga na maitauina ai e le Faamasinoga o Talosaga e faapea o le tulaga fulisia o le tolu mai i le fa faatonu e le o se faanumber tele e maua ai se faaiuga sa'o i se mataupu matuiā. Na faaalua e le Faamasinoga o le uiga o le F 100 o le faapeniga lea o le *numera* laititi o faatonu ma faamautuina mai ai e faapea o le faamaoniga o le agasala a lē ua molia ia faamaonia mai e sili atu nai se taumatega aupito talafeagai.
- 9.55 Na faaaogaina foi le F 100, e faafaatioese ai le faaiuga e agasala na tuuina ane e faaatonu e faapea e auamaia i totonu o le taimi e tusa ma le tulafono e amatalia ai taualumaga i le faiga faafaamasinoga.
- 9.56 Na faia foi se faaiuga talu ai ne a le Faamasinoga o Apili/Talosaga e faapea, pe a o'o ina faaaogaina le malosia'ga i lalo o le F 100, e tataua ile faamasino ona tuuina atu mafua'aga a le alii po o le tamaitai faamasino ina ia faapea ona iloa ai e itu faamasinoga pe faapefea ona faamautuina faaiuga i a latou mataupu ma ia tapu'e ma faalelei ai le malamalamaaga ma le faatuatuaga o le atunnu lautele i le faiga faafaamasinoga.

Manatu na tuuina mai

- 9.57 I totonu o Pepa o Faamatalaga, na fesili ai le Komisi pe o le malosia'ga o le faamasino sa taitai i le faiga suega ia soloia ai le faaiuga e agasala na tuuina ane e faatonu ia tataua ona aveese mai le TAL (Fesili 20).

- 9.58 Na tuuina mai e se sui o le Vaega Galulue e faapea o le F 100 e tatau ona aveese mai le TAL, e faavae i luga e faapea o le tuuina atu o le malosia'ga i faamasino e soloai ai e faaiuga a faatonu ua faatoilalo ai le mafuaa'ga o le i ai o se faamasinoga e faia e faatonu. Na maitauina e ē e aafia ai e faapea o lenei malosia'aga e faaono tula'i mai ai se lagona i faatonu le mautonu e tete'e ai ile faamasino, o lana matafaioi i le faia o faaiuga e faasino i mataupu tau tulafono (e pei la o mataupu e uiga i molimau po o le faamalamalamaga o se soligatulafono) ma ile aotelega o mataupu o faatonu, pe a o'o ile taimi e o faatasi ai ma le i ai o se apili/talosaga, oni puipuiga ua lava na talafeagai e faasaga ile lē manuia poo le lē sa'o o le faamasinoga. O le isi tagata na ia faaalua foi e faapea o le malosia'aga e pito ai e tatau ona aveese, e manatu le isi e faapea o le F 100 e tatau 'aia le faaaogaina so'o, pe afai e i ai, maitauina e faapea la e i ai isi avanoa e tagofia ai le lē lelei o faaiuga a le faamasinoga e aafia ai le amata atu le faiga o apili ma auala atu i se faaiuga e faapea e leai se mataupu e tali atu i ai ina ua mae'a ona tuuina atu lava mataupu e le itu a leoleo/loia sili.
- 9.59 O loia ua feutaga'i ma le Komisi e aliali mai e tele le lagolagoina le faatumau pea o le F 100. Ua manatu latou o le F 100 o se siaki taua i faaiuga a faatonu ma o se puipuiga e faasaga i le le lelei ona faia o faaiuga o faamasinoga. O nisi o loia ua maitauina e faapea o le malosia'aga o faamasino e teena pe soloia ai se faaiuga e sala ua tuuina ane e faatonu sa tau ape a manatu i atugaluga e faasino i filifiliga ma le tulaga lē faaituau o faatonu ma le mea moni e faapea e matuā faigata tele ona maua se apili/talosaga e faasaga i se faaiuga na tuuina ane e faatonu.

Manatu o le Komisi

- 9.60 Ua manatu le Komisi e faapea o le F 100 o le TAL e tatau ona faatumauina ina ia mafai ai e faamasino ona faaauau ona soloia faaiuga e agasala ua o'o i ai faatonu pe le o'o le alii poo le tamaitai faamasino i le taofi o lē ua molia e le tatau ona faamaonia lana soligatulafono. Ua maitauina e le Komisi e faapea e seāseā ona faaaogaina e faamasinoga le F 100 ma e na'o mataupu lava ia e manino mai ma talafeagai le masalomia e faasino ile agasala o lē ua molia. A silasila la ile atugaluga matuā e faasino i le lelei faafoe ma le lē faaituau o faatonu i le taimi lea, ua manatu le Komisi e faapea e taua mo faamasinoga ona tuma pea lea malosia'ga. Na toe maitauina foi e le Komisi e faapea o itu moomia e faapea ia tuuina atu mafua'aga e faamasino mo le faatinoga o lo latou malosia'aga i lalo o le F 100 o lona uiga e faapea e mafai e faamasinoga e uiga i le faaaogaina tatau o lea malosia'aga.
- 9.61 Ae ui i lea, e le manatu le Komisi e faapea o le F 100 e tatau ona faalautele atu ia faatagaai le faamasino taitai ia tuu teena le faaiuga e lē agasala na tuuina ane e faatonu. O le mafua'aga muamua lava o le F 100 o le puipuia lea e faasaga i le faaiuga sesē, ma faiga faavae o tulafono o soligatulafono e aafia ai le atoa o faaiuga ma le pule e faasaga ile matalua o faasaoloto ia e tatau na'o le soloia po o le apili i tulaga e matuā faatapula'a lava le tulai mai.

Filifiliga o le Faamasino na'o ia le Faamasinoga

- 9.62 O se faamasinoga e i ai faatonu e tusa ai ma le tulafono lea e tulai ai le tagata ma tete'e i lona moliaga i se soligatulafono e faasalalauina ile oti poo le soloatoa ile falepuipui. Mo isi mataupu/faamasinoga e mafai e lē ua molia ona filifili ia faamasinoga e le faamasino na'o ia e toatasi. I isi faamasinoga, e i ai i le faamasinoga le faitalia e nofoia ai faatasi ma ni

faatonu. O lenei faitalia e faaaogaina pe ile faatu a le faaasinoga lava ia po o i luga o se talosaga a leoleo po o lē ua molia. I nisi ituaiga o soligatulafono, e aofia ai soligatulafono i lalo o le Tulafono o Fualaau Faasaina 1967 ma soligatulafono e faasala na’o tupe, e tatau lava ona fofogaina totasi e le faamasino.

- 9.63 O isi pulega faafaamasinoga e faaaogaina le faiga o faamasinoga e i ai le afaatonu e faataga ai lē ua molia e tuuese le aiā o le alii po o le tamaitai i se faamasinoga e i ai le afaatonu. O isi e manana’o e faapea e mafai e sē ua molia ona filifili na’o se faamasino e toatasi ia i ai faatasi ma le maliega o le o lo’o tu mo le leoleo/loia sili. O le tulaga e o’o i ai le aiā tatau o lē ua molia e filifili ai se faamasino na’o ia i le faamasinoga ua taiga ai le eseese o manatu e uiga ile mafua’aga ma le aogā o se faamasinoga e auai le au-faatonu. I le isi itu, o le faamasinoga e i ai le au-faatonu ua faia ina ia puipuia ai aiā tatau o lē ua molia, a’o le isi itu o se auala e taua lea e mafai ai e tagata lautele ona aafia i le pulega o le faamasinoga.

Manatu na tuuina mai

- 9.64 I le faagasologa o feutaga’iga na faatu mai e le isi tagata e faapea o le isi toefuataiga i le faiga o faatonu o le faataga lea o lē ua molia ile avanoa e filifili ai se faamasino na’o ia e faafoeina le faamasinoga. O le toatele o loia ua maitauina e faapea o le toatele o ē molia, pea tuuina atu i ai le avanoa lea, nate filifilia le faamasinoga na’o le faamasino e toatasi nate faia.

- 9.65 Na faaalua foi e se tasi o le Vaega Galulue se atugaluga e faapea e le o manino le TAL e uiga i faamasinoga e auai faatonu ia e lua pe sili atu i moliaga e faasaga ile tagata. E fai la ma faitaitaiga, e mafai ona molia lē ua molia faatasi i le toso teine lea o le faasalaga aupito maualuga i le nofosala i le falepuipui i le olaga atoa ma e ao ina fofogaina e faatonu ma taumafai e faamalosi se tamaitai (mo lea la e 10 tausaga i le falepuipui le faasalaga aupito maualuga ma o le mea lea e mafai ai e lē ua molia ona filifili ia faamasinoga e se faamasino ma ni faatonu, po o na’o se faamasino. I le tulaga la e taofia ai le eseese o ia faamasinoga, na fautuaina ai e lenei tagata e aafia ai e faapea o le TAL e tatau ona manaomia e faapea i le i ai o le tasi o ia moliaga e tele ua maua ai le tual’i mai le tatau ona i ai se faamasinoga e auai faatonu e tusa ma le tulafono o moliaga uma e tatau ona fofogaina uma e faatonu.

Manatu o le Komisi

- 9.66 Ua manatu le Komisi e faapea, a matau ile atugaluga e uiga i le lē faaituau ma le tulaga agava’a talafeagai o faatonu i le nei taimi, o faamasinoga e na’o faamasino e lagolagoina lea faiga i le faamasinoina o soligatulafono. O le mafua’aga o lenei manatu o lo’o ua talanoaina i luga, i lalo o le ulutala ‘Soloia o Faamasinoga e i ai Faatonu’. Mo mafua’aga lava e tasi/tutusa ua fautuaina ai e le Komisi e faapea e tatau i lē ua molia ona maua le avanoa e filifili ai ia faamasinoina e le faamasino e taotasi po o e faatonu, e aofia ai le faapea o le soligatulafono e faasalaina i le nofosala i le falepuipui i le olaga atoa. E pei ona maitauina i luga, ua manatu le *Komisi* e faapea o faaiuga ua faia e faamasino e matele o le faaituau ma e faavae ile malamalama’aga mausali o le tulafono ae le gata i lea o aganu’u ma amio taualoa masani a Samoa.

9.67 O le ā taofia ai foi itu e feso'otai atu i faamasinoga tu'u pe faia eseese, ia ua talanoaina i luga. Ua maitauina e le Komisi e faapea o le F31 o le TAL, ua uma ona i ai e faapea o faamatalaga e mafai ona faamasinoina faatasi sei vagana ua manatu le faamasinoga e moomia e ia pe e talafeagai mo lelei o le faamasinoga ia taumafai e iloilo ina eseese latou. Ua manatu le Komisi e faapea e sili le tuu le fesili pe tatau ona tu'ueseese faamasinoga po o le tuufaatasi i le pule faitalia a le faamasinoga. O le fetui lelei o le i ai o le faamatalaga e tasi e iloilo e faatonu mo le isi e na'o le faamasino e toatasi o le a i ai i le iloiloga tatau pe a o'o ina faamautu pe poloa'iga ni faamasinoga e tu'u eseese.

Fautuaga 25: Afai o le fautuga 24 e le taliaina, ua fautuaina e le Komisi le toefuata'iga lea e mulimuli mai i le *Tulafono o Taulumaga Tau Soligatulafono 1972* e faasino i le agava'a, filifiliga ma le matafaioi a faatonu i faamasinoga o soligatulafono:

- O le fuaiupu 92 o le *Tulafono o Taulumaga Tau Soligatulafono 1972* e tatau ona teuteuina ia manaomia ai e faapea o faatonu, e ao ina ile va o le 21 ma le 65 tausaga le matutua ma malamalama i le gagana faa-Peratania ma le gagana Samoa.
- Ia maua foi i le fuaiupu e 92 o le *Tulafono o Taulumaga Tau Soligatulafono 1972* e faapea o le Komisi o le Faamasinoga, pe a faamaopopo ma faafou le lisi/faasologa o faatonu, e tatau lava ona faamautuina e faapea o le lisi e lautele nauā le atoa o sui o tagata lautele o Samoa.
- O le *Tulafono o Taulumaga Tau Soligatulafono 1972* e ao ina maua ai e faapea o le lisi o faatonu ma faatulaga atu ai tausaga o le matutua, galuega, le mea e nofo ai, sootaga ma nisi o suafa matai uma o lo'o umia e faatonu taitasi. O le lisi o faatonu ia e aofia ai foi ma se ata aupito lata mai o le faatonu.
- E ao ile *Tulafono o Taulumaga Tau Soligatulafono 1972* ona teuteuina ia manaomia ai le loia mo le itu a leoleo ma lē ua molia, ma lē molia pe afai o ia le alii po o le tamaitai e leai se isi e tu mo ia, e tatau ona maua igoa ma mea taitasi e faasino i faatonu ua filifili e auai i le faamasinoga pe tusa e lua aso a'o lumanai le faamasinoga.
- E tatau foi ona teuteuina le *Tulafono o Taulumaga Tau Soligatulafono 1972* ina ia manaomia ai e faapea a'o le'i faatautoina faatonu, o le a tatau i le faamasino e taitai ile faamasinoga ona faamatalaina i faatonu le natura o le mataupu o le a suesuein, ituaiga o mataupu o le a finauina ma igoa o le ua molia, ē ua afaina/aafia ma molimau.
- O le *Tulafono o Taulumaga Tau Soligatulafono 1972* e tatau ona teuteuina e faataga ai le itu a leoleo/loia ma lē ua molia e fesiligia faatonu e uiga i o latou manatu i le mataupu ua i luma o le faamasinoga a'o le'i faatautoina i latou ma ia faamautinoa ai pe i ai ni mafua'aga e tuuina ai mo mafua'aga soo se faatonu ia lea e le lava lo lava loa latou tulaga lē faaituau i itu faamasinoga po mataupu o le a finauina i taulumaga o le faamasinoga.
- O le fuaiupu 100 o le *Tulafono o Taulumaga o Soligatulafono 1972*, lea e faataga ai le faamasino e soloia se faai'uga e agasala lē ua molia e le au faatonu pe afai o le alii po o le tamaitai ua ia taofi e faapea o lē ua molia e le tatau ona faamaonia lava soligatulafono/moliaga, e ao ina faatumauina.
- O le fuaiupu 87 o le *Tulafono o Taulumaga o Soligatulafono* e tatau ona toe teuteuina ina ia mafai ai e lē ua molia e filifili pe faamasinoina e le faamasino na'o ia lava.

10. Toe Faia o Faamasinoga

- 10.1 O fuaiupu 107 ma le 108 o le *TTTS* e nafa ma le toe faia o faamasinoga i le Faamasinoga Faa-Itumalo ma le Faamasinoga Maualuga. O le toe faia se faamasinoga fou, o le faamasinoga lona lua lea e toe faia atoa ai lava le faamasinoga atoa, e aofia ai molimau ua toe faia, suesuega o molimau ma manatu e tuuina atu e loia. O le toe faia o faamasinoga e masani lava ona faia pe afai o ni sesē matuiā i le faamasinoga muamua ua manaomia ai e faapea o se faamaoniga o se moliaga ia faataatia ese ma ia toe faia le faamasinoga.
- 10.2 O le *TTTS* ua faavae ai tualumaga ia e mafai ai e le itu a leoleo ma lē ua molia ona talosaga i le faamasinoga mo le toe faia o se faamasinoga, e faaopopo atu i lo latou aiā tatau e apili ai e faasaga i le soloia o le soligatulafono, faasalaga po o isi poloaiga ua faia i le faamasinoga. O tualumaga e eseese ona faaaogaina i faamasinoga Faa-itumalo ma Faamasinoga Maualuga.

Fuiaiupu 107 – Toe faia o Faamasinoga i totonu o Faamasinoga Faa-Itumalo

- 10.3 E maua i le fuaiupu 107 le faapea a uma se faamasinoga i le Faamasinoga Faa-itumalo, a lē o le itu a leoleo po o lē ua molia e mafai ona talosaga e ala i se tusi i se faamasinoga e maualuga atu mo le toe faia o le faamasinoga. E ao ina faia lea talosaga i totonu o le 14 aso mai le soloia po o le faamaonia o le soligatulafono, po o, pe afai o le talosaga ua le mafai ona talofeagai le faia i le taimi, i totonu o lea periotā o le taimi e pei ona faatagaina e le faamasinoga maualuga. E faalagolago ile numera na auai i le faamasinoga i le iloiloga muamua, o le faamasinoga muamua e mafai ona faapea o le Faamasinoga Faa-Itumalo le nofoia e le Faamasino Fesosoani e i ai malosia'ga faafaamasinoga faaopopo, o le Faamasinoga Faa-Itumalo ua taitaia e se Faamasino, po o le Faamasinoga Maualuga. E le o maua i le *TTTS* ni mafua'aga e mafai ai e le faamasinoga maualuga ona tuuina atu se faatagaga mo le toe faia o se faamasinoga. Ae peitai, ua tuu lea tulaga i le pule faitalia a le faamasinoga, ina ia faia i le tulaga lelei e manaomia mo le faamasinoga amiotonu.
- 10.4 E faaopopo atu i le tulaga agava'a ma le mafaia e talosagaina mo le toe faia o se faamasinoga i lalo o le F 107, o le itu a leoleo ma lē ua molia e mafai foi ona apili se solofua po o se moliaga ua faamaonia, faasalaga po o isi poloaiga e faia i tualumaga faafaamasinoga o soligatulafono i totonu o Faamasinoga Faa-itumalo. E faatoa mafai ona faia apili i le Faamasino Maualuga. Mo apili, e i ai le Faamasinoga Maualuga le malosia'aga e faia ai ni poloaiga eseese, e aofia ai le faapea e i ai le toe faia o le faamasinoga. E le o faatulaga maia i le *TTTS* ni mafua'aga e faavae ai ona mafai ona pili le itu a leoleo/loia po o le ua molia.
- 10.5 O le mea moni e faapea e faataga e le F 107 le itu a leoleo/loia e talosaga mo le toe faia o se faamasinoga ua lagā ai mataupu e uiga i le fetui o mea e lua. O se faiga faavae o tulafono o soligatulafono lea na i'u ina faamaonia ai le alii poo le tamaitai pe ua solofua e tusa ai ma le tulafono o le tulafono masani i le aafia o mea e luau a fuafuaina ia puipuia ai aiā tatau o lē ua molia, ae le gata i lea ia taofia ai le faaaoga sesē e le pulega o lona malosia'ga e molia ai se isi. Mo lea la mafua'aga, e faatoa mafai lava ona fesiligia le solofua po o le apili i ni tulaga e aupito sili ona faatapula'aina. I pulega faafaamasinoga e faatusatusa atu i ai, o apili e faasaga ile sologua e masani lava ona faatapula'a i itu ua tupu e sesē ai le tulafono, e fai ma faataitaiga, i le faamasinoga i le au-faatonu poo faatonu. O

nisi pulega faafaamasinoga ua faaulu atu tulafono e faasaga ile aafiaga faalua i mataupu tau soligatulafono matuiā. E fai ma faataitaiga, o nisi pulega faafaamasinoga e faataga ai le toe faia o le faamasinoga o se tagata ua solofua i se soligatulafono matuiā pe afai molimau fou ma le malolosi ua māua po o le solofua ua pōnā, e fai ma faataitaiga i le faamata'u o molimau, faalavelave i faatonu po o ua tauto pepelo.

Fuiaiupu 108 – Faamasinoga toe faia i le Faamasinoga Mauuluga

10.6 Ua faataga e le fuiaiupu 108 le ua molia ua faamaonia lava soligatulafono i se faamasinoga i le Faamasinoga Mauuluga e talosaga i le Faamasino Taitai mo le toe faia o se faamasino i totonu o le 14 aso o le faamasinoga o le molia'aga.

10.7 E i ai i le faamasino le pule faitalia e talia pe tu'ua le toe faia o se faamasinoga i luga o ni tu'utu'uga e pei ona manatu le alii poo le tamaitai faamasino e fetui. E leai se aiā tatau e apili ai lenei faai'uga. Afai o le talosaga mo le toe faia o le faamasinoga ua faamanuiaina, o le moliaga ua faaoina o lē ua molia ma nisi lava poloaiga ua faia ile faamasinoga e uma loa le aogā ma o le a toe fofoga le faamasinoga i le toe faia o le faamasinoga e pei lava o le faamasinoga faatoa amata. E lē pei o le F 107, e leai se aiaiga e tutusa e faapea e faataga ai le itu a leoleo/loia e talosaga mo le toe faia o le faamasinoga pe afai o lē ua molia ua solofua i totonu o le Faamasinoga Mauuluga.

10.8 E i ai 'ese'esega iloga e tolu i le va o taualumaga e faasino i le toe faia o se faamasinoga i lalo o le F 108 o le *TTTS* ma itu mo se apili. Muamua, e iloiloina se talosaga mo le toe faia o se faamasinoga e le faamasino o lo'o taitai i le faamasinoga muamua ao le apili e fofogaina ma faia le iuga e le Faamasinoga o Talosaga/Apili. O lona lua, e na'o lē ua molia o ia lea ua faamaonia lana soligatulafono e mafai ona talossaga mo le toe faia o se faamasinoga, a'o laina ma e toalua o le itu a leoleo/loia ma le ua molia e i ai le aiā tatau e apili ai le iuga o le faamasinoga, ae le gata i lea o poloaiga eseese uma ua faia a'o faagasolo le faamasinoga. E faaiu atu ai e faapea, e le faama'otiina mai e le *TTTS* mafua'aga ia e mafai ai e le faamasino ona faataga le toe faia o le faamasinoga, ua tuuina atu ai le mataupu lea i le pule faitalia a le faamasino. O le tulafono o le faamasinoga i le va ma le F 108 ua taofi e faapea e tasi le mafua'aga lea e mafai ai ona maua se faatagaga e toe fai le faamasinoga o le i ai lea o ni molimau fou ma le malolosi ia e faapea e lē mafai ai ona le talafeagai ona tuuina atu ai i le faamasinoga lea e faaono o'o atu ai se faamatalaga talafeagai e faasino i le agasala o lē ua molia. O le isi mafua'aga tumatilatila mo se faamasinoga ia toe faia o le faapea o le faamasinoga ua afaina i le faaletonu, e pei o se amio lē pulea a se faatonu po o se ofisa o le faamasinoga. I le isi la aiaiga, o mafua'aga mo se apili o se faamasinoga o se moliaga, o loo matua lava le faatulagaga i totonu o le *TTTS*, ma aofia e faapea o le faaiuga a faatonu e le talafeagai pe e lē lagolagoina e molimau, e faapea sa i ai se faaiuga sese i se mataupu i le tulafono; ma sa i ai le tulaga leaga i le faiga o le faamasinoga, po o e faapea o le faamasinoga o se mea lē aogā.

10.9 O lo'o faamalosi e le Vaega 10(3) o le *Faavae* e faapea e leai se tagata o ia lea ua uma ona faamanino mo soo se soligatulafono e tatau, ina ua uma ona faamaonia po o ua solofua, ona toe faamasinoina mo lena lava soligatulafono. O lenei tulafono e faifuafua i moliaga laasaga ia e lua: muamua pe afai o le toe faia o le faamasinoga ua poloaina e se faamasinoga e mauuluga atu lana pulega faafaamasinoga i le mataupu i se soligatulafono

ua faamaonia pe ua solofua; po o lona lua, pe afai o lē ua molia ua faamaonia i totonu o le Faamasinoga Maualuga ma o le toe faia o se faamasinoga o le Faamasinoga Maualuga i luga o se talosaga ua faia i totonu o le 14 aso o lona faamaoniga. O fuaiupu 107 ma le 108 o le *TTTS* o lo’o atagia ai ia aiaiga faale-Faavae.

10.10 O lo’o faavae aiaiga o le *TTTS* i luga o le F75 o le Tulafono o Taulumaga Mulimuli 1957 (NS). O lenei fuaiupu ua tuuina atu ai i le faamasino poo le faamasino maualolo le pule faitalia e toe fofogaina ai i taulumaga ia ua faamaonia ai moliaga o lē ua molia po o soo se isi poloaiga ua faia faasaga ile alii poo le tamaitai. E faatoa faaoga le aiaiga lenei i taulumaga mulimuli i Niu Sila, o lona uiga, i faamasinoga ma soligatulafono e lē matuiā tele e faafogaina e le faamasino po o le faamasino maualalo e nofo faatasi.

Manatu na tuuina mai

10.11 I Pepa o Faamatalaga, na fesili ai le Komisi pe o taulumaga mo le toe faia o faamasinoga e tatau ona aveese mai le *TTTS* i luga o le faavae e faapea o se faiga apili ua i ai tumau (Fesili 21).

10.12 I feutagai’ga a le Komisi na faaalua ai nisi o tulaga faaletonu e uiga i le aveesega i le va o se apili ma le toe faia o se faamasinoga, ma pe a oo ina talafeagai le sailia o se toe faia o le faamasinoga nai lo le tuuina atu o se apili. E fai ma faataitaiga, na maitauina e faapea o molimau fou e mafai ona avea ma mafua’aga mo le faatagaina o le toe faia o le faamasinoga ia aemaise foi se apili. Na māua foi i feutaga’iga e faapea e le ta’atele i itu faamasinoga ona faaoga aiaiga mo le toe faia o faamasinoga i le *TTTS*. O le toatele o loia ua faatalanoaina e le Komisi ua maitauina ai e faapea o loo latou faaogaina tele le faiga o apili nai lo ia e aiaia i F 107 ma le 108.

10.13 Na faaali mai e se sui o le Vaega Galulue e faapea o le F 108 ua na faavaivaia le faiga o apili, ae le gata i lea o le lē mautonu ma le mausili o faai’uga a le faamasinoga. O le ē aafia ai ua ia faaalua e faapea o lē ua molia e i ai le aiā tatau e apili ai faai’uga a le Faamasinoga Maualuga, ma fautuaina e faapea o le F 108 ia aveesea mai le *TTTS*.

10.14 O nisi o loia ua feutaga’i ma le Komisi latou te lagolagoina le tumau o aiaiga mo le toe faia o faamasinoga. Na latou maitauina e faapea o faamasinoga e toe faia, e i ai lo latou tiute e faatino i totonu o le faiga o faamasinoga o soligatulafono e tusa lava pe le masani ona faaogaina so’o. E taua isi tagata e aafia ai na faaalua le lagona e faapea o mafua’ga mo le poloaiga o le toe faia o se faamasinoga – lea e ta’ua ai faapea ua i ai molimau fou po o e faapea ua afaina le faamasinoga i faaletonu tau taulumaga e pei o se amio lē pulea a se faatonu po o se ofisa o le faamasinoga – e ese mai mafua’aga e faapea o le a lagolagoina se apili. Ua manatu latou e faapea o lea aogā pe afai e faatulaga mai e le *TTTS* ia mafua’aga ia ua mafai ai ona poloaiga le toe faia o se faamasinoga.

10.15 O le toatele o ē e aafia ai na faatalanoaina e le Komisi ua manatu e faapea o le aiā tatau e sailia ai le toe faia o le faamasinoga e tatau ona i ai na’o le ua molia. O nisi ua manatu e faapea o se talosaga mo le toe faia o le faamasinoga e tatau ona faia e se isi ofisa o le faamasinoga nai lo le ua i ai muamua i le faamasinoga, po o le faapea foi, e i ai le aiā e apili ai ia maua pe teena le toe faia o se faamasinoga i lalo o le F 108.

Manatu o le Komisi

10.16 Ua manatu le Komisi e faapea o le tulaga mafaia e faapea ai le toe faia o le faamasinoga e lelei ma amiotonu. E faaono mafai ona fetauti le toe faia o se faamasinoga ina ia mautinoa ai e faapea o le ua molia e i'u ina maua se faamasinoga lelei ma e le sesē le faiga o le faamasinoga. Ae ui i lea, e tele atugaluga o le Komisi e uiga i talanoaga e fesootai ma le toe faia o le faamainoga na faatulaga atu i totonu o f 107 ma le 108 o le *TTTS*.

O Atugaluga e Faasino i Tualumaga o loo iai i le taimi nei i le toe faia o se faamsinoga

10.17 O le faigata/faafitauli ogatotonu i tualumaga i le toe faia o se faamasinoga i totonu o fuaiupu 107 ma le 108 o le faapea e lē maua ai ni mafua'aga mo le talosagaina o le toe maua o le avanoa e teo faia ai le faamasinoga ina ia tulagaese ai tualumaga o le toe faia o le faamasinoga mai faiga o apili. O lenei tulaga eo'o atu ai i le fai faalua ma le toe fesopoai i le va o faagasologa ma faiga o apili. O loo i ai faatulagaga tetele i le *TTTS* o loo feagai ai ma le aiā tatau o itu n mea na e lua e apili ai faaiuga po o le taunuuga o se faamasinoga ile Faamasinoga Faa-Itumalo ma le Faamasinoga Maualuga. O nei aiaiga ua maua ai se faiga atoatoa ona lelei mo apili, ma maua ai se malamalamaaga tele e faasino i mafua'aga, tualumaga ma malosia'ga o le faamasinoga pe a iloilo apili tau soligatulafono pe a faatusatusa atu i le faitalia lautele i totonu o f 107 ma le 108 e poloaiga le toe faia o se faamasinoga.

10.18 I le toe faaopopo atu, o lo'o atugaluga le Komisi i le tula'i mai o le lautele o le aiā tatau o le itu a leoleo/loia e sailia ai le toe faia o le Faamasinoga i lalo o le f 107 o le *TTTS*. E pei ona maitauina i luga, oi le faiga faavae tutotonu o le tulafono tau soligatulafono o le tulafono lea e faasaga i le tupu faalua o se mea. E ui ina le atoatoa le tulafono laititi (e fai ma faataitaiga, e mafai e le itu a leoleo/loia ona apili e faasaga i le solofua i le mea ua tula'i mai ai se sese o le tulafono ao faagasolo le faamasinoga) o le tulaga mafaia e le itu a leoleo e toe faamasinoina lē ua molia e ao lava ona faatapulaaina e le naunautaiga mo le taunuuga lelei ma le faamasinoga amiotonu. Na maitauina e le Komisi e faapea o le taimi mo le faia o se talosaga mo le toe faia o se faamasinoga e le faapea ua matuā faagata lava i le 14 aso (e pei ona fai mai ai le f 108), ae peitai e mafai ona toe faaopopo atu i le pule faitalia a le faamasinoga, o lona uiga e faapea o le mataupu o le faamagaloina o lē ua molia e mafai ona telē le avanoa e toe tatala ai i soo se taimi i luga o mafua'aga e faapea o le itu a leoleo/loia ua na maua se molimau fou. Ma maitauina e le Komisi e faapea a'o i ai isi pulega faafaamasinoga ua uma ona faatulafonoina ma ia maua ai e le itu a leoleo/loia le aiā tatau e sailia ai le toe faia o le faamasinoga e faavae i luga o molimau fou, e faatapula'a lea tulaga i soligatulafono matuā ma e faatoa tupu ina ua tuana'i ona faamalieina e le itu a leoleo/loia puipuiga malolosi tau tualumaga a le faamasinoga.

10.19 I le va feagai ai la ma le f 108, ua manatu le Komisi e faapea o se faaiuga e talia pe teena le toe faia o le faamasinoga e tatau ona faia e se isi fai faai'uga e 'ese mai ai nai loa le faamasino sa taitai ile faamasinoga. E faamautuina mai ai i i nei e faapea o le faaiuga e talia pe te'ena le talosaga a lē ua molia mo le toe faia o le faamasinoga ua faia e le tagata fai faaiuga o ia lea e, ma ua aliali mai e, lē faaituau.

O isi avanoa mo le toefuataiga

- 10.20 O isi avanoa mo le toefuata'iga o le toe teutue o ff 107 ma le 108 o le *TTTS*. O le toe teuteuina o aiaiga o le toe faia o faamasinoga o lona uiga e faapea e tatau i itu faamasinoga ona faaulu se apili i lalo o aiaiga i le Vaega VII ma le VIIA o le *TTTS* ma mafai ai ona talosagaina le toe faia o le faamasinoga. O le toe teuteuina la o ff 107 ma le 108 e aveeseina ai le i ai i le taimi nei o le fai faalua ma le toe fafa atu i le va o le toe faia o le faamasinoga ma faiga o apili. Ae ui i lea, o aiaiga o le toe faia o le faamasinoga e lē tatau ona toe teuteuina pe afai o le faia o lea tulaga o le a faaitiitia ai aiā tatau o itu faamasinoga e luina se iuga le amiotonu po o se faaiuga ua faaleagaina e se sesē.
- 10.21 Ua manatu le Komisi e faapea o le ave'esea o tualuga o le toe faia o le faamasinoga i le f 108 o lea lē faaitiitia ai aiā tatau o lē ua molia e luina ai le faamaoniga o le moliaga po o isi faaiuga i le faamasinoga. E faigata ona iloa atu tulaga ia e mafai ai ona faia le talosaga mo le toe faia o se faamasinoga i lalo o le f 108 e mafai ona tuuina atu i mafua'aga e faapea semanu e le mafai ona o mafua'aga mo se apili. E pei la, o le tulafono o le faamasinoga ua maua ai e faapea o le toe faia o le faamasinoga e mafai ona faatagaina pe a i ai ni molimau fou ma malolosi ia ua lē mafai ae sa tatau ona tuuina atu i le faamasinoga ia faaono mafai ona maua ai se taulumaga talafeagai e faasino i le agasala a lē ua molia. Ae ui i lea, o ia lava mafua'aga e tasi e mafai ona lagolagoina se apili e faavae i luga e faapea o le lē mafai ona maua ia molimau o le a maua ai le sesē o le faamasinoga. O le faaiuga faapea foi e mafai ona faia e faapea o le faamasinoga ua faaleagaina i ni faaletonu o taulumaga faafaamasinoga. Ae le gata i lea, auā o le Faamasinoga o Talosaga/apili e i ai le malosi'aga nate tuuina atu ai se mataupu i le Faamasinoga Maualuga mo le toe faia o le faamasinoga, ae le gata i lea o le mafaia ia faia isi ituaiga o poloaiga (e fai ma faataitaiga, e faataatia ese pe lagolagoina le soligatulafono), e leai ni itu leaga tau taulumaga pe afai o lē ua molia ua na faia se apili 'ae le talosagaina mo le toe faia o le faamasinoga. O le avanoa o le toe faia o le faamasinoga o lo'o maua pea – o le eseesega e faapea e mafai ona poloaiina e le Faamasinoga o Talosaga/Apili, 'ae lē o le faamasino o ia lea sa taitai i le faamasinoga. I lea la itu, ua manatu le Komisi e faapea o taulumaga mo le talosagaina ma le tuuina atu o le toe faia o le faamasinoga o se mataupu na fofogaina i totonu o le Faamasinoga Maualuga i totonu o le f 108 o le *TTTS* e tatau ona toe teuteuina i luga o le faavae e faapea o le faiga o apili o le auala e lagolagoina e sailia ai le toe faia o le faamasinoga ina ia toe faasa'o soo se sesē lea ua tula'i a'o faagasolo le faamasinoga.
- 10.22 O le toe teuteuina o le f 107 ma tula'i mai ni mataupu e tele le felefele auā o lenei aiaiga o le toe faia o le faamasinoga e le atoatoa le felavasa'i ma le faiga o apili. O le uiga fou la, soo se faamasinoga e faapea e maualuga atu nai le faamasinoga lea na fofogaina muamua le faamasinoga e mafai ona fofoga i se talosaga mo le toe faia o le faamasinoga i lalo o le f 107, 'ae na'o le Faamasinoga Maualuga e mafai ona faafofoga i se apili. O le faaii uma atu la o faaiuga uma, le toe faia o faamaoniga i le Faamasinoga Maualuga ua maua ai se avega manatu fou o taulumaga i luga o lē ua molia. E i ai le tulaga malosi e faaopopo ai totogi ma le avega i le Faamasinoga Maualuga. E pei la, ua manatu le Komisi e faapea o le faiga e lagolagoina o le faatumauina lea o le a faatumauina taulumaga faafaamasinoga o le toe faia o le faamasinoga i totonu o Faamasinoga Faa-Itumalo. Ae peitai, ua manatu le Komisi e faapea o le f 107 e tatau ona toe teuteuina ina ia faapea ai o le itu ua matuā

faaupu manino e faapea o le toe faia o le faamasinoga e mafai ona tuuina ai: i le i ai lea i le faamasinoga o le aafiaga e taualumaga matuā lē manino lona faafoega; po o le tulaga amiotonu a le faamasinoga e manaomia ai le toe faia o le faamasinoga. Mo mafua'aga ua talanoaina i luga, ua manatu ai foi le Komisi e faapea o le f 107 e tatau ona faagata ia faataga ai na' o le ua molia o ia lea ua uma ona faamaonia lona moliaga ia talosagaina le toe faia o le faamasinoga. Afai e manao le itu a leoleo/loia e lu'i se faamagaloga pe taumafai e saili le toe faia o se faamasinoga, e mafai ona faaulu se apili e mulimuli atu i taualumaga ua faatulaga mai i le veaga VII o le *TTTS*.

Fautuaga 26: o le fuaiupu 107 o le *Tulafono o Taualumaga Tau Soligatulafono 1972* e tatau ona teuteuina ia:

- Aveese le aiā tatau o le itu a leoleo/loia e talosaga mo le toe faia o le faamasinoga; ma ia maua ai e faapea o le toe faia o se faamasinoga e mafai ona tuuina atu pe afai:
- Ua manatu le faamasinoga e faapea ua i ai molimau fou ma le malolosi ia ua le mafai ona talafeagai le tuuina atu ile faamasinoga ia e ono maua ai ni molimau faatuatuaina e faapea e maua ai se masalosologa talafeagai e uiga i le faamagaloina o le agasala a lē ua molia, ua afaina le faamasinoga i ni tulaga lē manuia o taualumaga, po o tulaga lelei o le faamasinoga lea semanu e manaomia ai e faapea o le toe faia o se faamasinoga e ao ina faia.

Fautuaga 27: O le fuaiupu 108 o le *Tulafono o Taualumaga Tau Soligatulafono 1972* *Tulafono o Taualumaga Tau Soligatulafono 1972*, lea e faataga ai lē ua molia ua faamaonia lona soligatulafono i se faamasinoga i luma o le Faamasinoga Maualuga e talosaga ile faamasino taitai mo le toe faia o se faamasinoga, ua tatau ona toe teuteuina.

11. Totogi ma Tau

Totogi o Faamasinoga o Soligatulafono

- 11.1 E pulea e le fuaiupu 167 o le *TTTS* le tuuina atu o totogi. Na te tuueseeseina totogi i mataupu ia e faamaonia ai le ua molia ma totogi pe a faaleaogaina se faamatalaga.
- 11.2 Afai e faamaonia e le faamasinoga lē ua molia, e mafai e ia ona poloaiina lē ua molia ia totogi i le itu a leoleo po o le ua tuuina atu le faamatalaga totogi ua ia manatu e fetau ma talafeagai e aofia ai totogi o loia faufautua.
- 11.3 I lalo o le f 167(2) e mafai ona tuuina atu totogi e faasaga i lē ua tuuina atu le faamatalaga ma o lea faamatalaga na faaleaogaina, ina ia totogi i lē ua molia ni totogi e pei ona manatu le faamasinoga e fetau ma talafegai mo totogi o le faamasinoga, totogi o molimau ua faamatalaupu ma totogi o loia faufautua.
- 11.4 E lua mataupu ua tula'i mai e faasino i totogi i taualumaga faafaamasinoga o soligatulafono.

Totogi e Faasaga i le itu a Leoleo/Loia

- 11.5 Na faapea mai le isi tagata e aafia ai e faapea o le f 167(2) o le *TTTS* e tatau ona teuteuina e faavae i luga o le mafua'aga e faapea o le popole i le utiuti o le itu tau tupe e mafai ai ona taofia ai le itu a leoleo/loia mai le faia o nisi mataupu faapitoa pe a fetau ma le faaono tula'i mai o le toe totogi ma faaola atu tupe i lē ua molia i le mae'a ai o le faamasinoga.
- 11.6 E eseese taofi i le tulaga e o'atu i ai le aafiaga o le itu a leoleo/loia e totogi atu tupe faaalu a lē ua molia pe afai o lē ua faasaoloto/solofua. O nisi o puleaga faafaamasinoga ua taofi e faapea o le ua molia o ia lava ua solofua e tatau la ona tuuina atu i ai totogi. E fai ma faataitaiga o le Faamasinoga Maua luga a le laumua o Ausetalia (ACT) ua ia tuuina mai lana faaiuga e faapea e tatau ona manatua o le ua molia ia ua faavaeina le avega tau tupe i le tuusaumoa o le ia le alii po o ia le tamaitai, sei vagana ua i ai i le ua molia, e lava amio a le ia le alii po o ia le tamaitai, ua aumaia taualumaga po o lo latou faaauuina i luga o ia le alii po o ia le tamaitai, pe sei vagana o nisi lava iloiloga ua faia ai le mea o lē sa'o e totogi atu ni tupe i lē ua molia. E tutusa fiu, i totonu o Egelani, o poloaiga mo le totogiina o tau i le ua molia na faamau'aina e mafai ona faia sei vagana ua i ai ni mafua'aga tonu mo le lē faia o lea tulaga. O ia mafua'aga e aafia ai e faapea o le amio a lē ua molia ua māua ai pe masalosalo i luga o ia le alii poo o le tamaitai ma taitaiseseina ai le itu a leoleo/loia i le mafaufau e faapea o lona mataupu sili atu le malosi nai le mea sa fetau lelei e lagolagoina se molia'ga ae peitai na solofua lē ua molia i luga o se tulaga sese lea e leai sona malosi po o se tulaga lelei.
- 11.7 A fuafua le mataupu i totogi i taualumaga faafaamasinoga o soligatulafono, na tulai mai le KTNS i se manatu e ese ai. Na ia fautuaina mai e faapea e le tatau ona i ai se manatu vave e lagolago le tuuina atu o totogi i le ua molia o ia lea ua solofua, auā e i ai faamasinoga ua solofua ai e ua molia auā e le'i matuā lelei ona faia e le itu a leoleo/loia ona faamaonia le soligatulafono i tala atu o le masaloga talafeagai, ma o le mea lea ua laki ai le ua molia ma saoloto ai. O le mea lea o le KTNS na ia fautuaina mai e faapea e ao i le faamasinoga ona faaoga lana pule faitalia e filifili ai pe tatau ona tuuina atu totogi faasaga i le itu a leoleo/loia, i le faia lea o se iloiloga o mea moni eseese e nofoia ai: pe na aumaia le itu a leoleo/loia mo ni itu matuia po o ni mafua'aga lē talafeagai p o o le itu a leoleo sa faatinoina i le uiga faatamalii pe o le itu a leoleo/loia na faia i le faatuatuga lelei i le auunaga ma le faaauuina o taualumaga ; ma pe o molimnau i le aootelega nate lagolagoina le maua o le agasala ae peitai o le faamatalaga na faaleaogaina i luga o se itu faapitoa.

O le Manaomia o le toe faafou o le fua o tulaga o totogi

- 11.8 O le fuaiupu, e 5 o *Tulafono Laiti a le Faamasinoga Maua luga (Tau ma Totogi) 1971* e maua e faapea o totogi, pe a tuuina atu, e faamautuina ma totogi atu e tusa i le fua o tulaga o totogi i se aofa'iga e sili atu pe laititi nai le aofaiga o loo faatulaga mai i le fua o totogi ae peitai o le f 167 (5) o le *TTTS* o loo aiaia ai e faapea o totogi o lo'o faatagaina i lalo o le *TTTS* e le tatau ona sili atu i le aofaiga o loo aiaia ma i totonu o soo se fua na faamatalaina mai e tulafono laiti na faia i lalo o le *TTTS* po o se isi lava Tulafono.

- 11.9 O faamatalaga ua faapipi'iina atu o *Tulafono laiti a le Faamasinoga Maualuga (Tau ma Totogi) 1971* e lei toe faafouina lava ia aofaiga o totogi e faapea e mafai ona totogi atu talu mai lava le faamalosiā o le *TTTS*.

Manatu na tuuina mai

- 11.10 I Pepa o Faamatalaga, na fesili ai le Komisi pe tatau ona teuteuina le f 167(2) o le *TTTS* ia maua ai le faapea a o'o ina faaleaogaina e le faamasinoga se faamatalaga, e leai ni totogi e tatau ona totogiina atu e faasaga i le itu a leoleo/loia (fesili 22).

- 11.11 O manatu tusitusia uma na maua e le Komisi e tete'e ile teuteuina o le f 167(2) o le *TTTS*. Na faalia e le isi tagata e aafia ai e faapea o aiaiga o totogi e faasaga i le itu a leoleo/loia e tatau ona faatumauina pea lea o lo'o manino ai e faapea o le itu a leoleo/loia e leai se itu lelei. O le isi tagata e aafia ai na ia faapea mai e faapea e leai se tau e mafai ona tuu i luga o le leiloa o le igoa tauleleia, ma e mafai ona o'o atu ai i le faaopopo atu o le faia ma le faaeteete ma tino'u i le tapenaga ma le faafoega o se mataupu pe afai o le itu a leoleo/loia na iloa e faapea e mafai e ia ona o'o atu e nate totogia tau o le faamasinoga. Na faalea mai e leisi tagata atugaluga i totonu o fonotaga a le Vaega o Galuega e faapea e tusa ai ma le tamaoiga o Samoa ma le mea moni e faapea o lo'o i ai teugatupe faapitoa mo le totogiina o tau i lalo o le Matagaluega o Faamasinoga ma le Pulega o Faamasinoga e pei o isi foi pulega faafaamasinoga, e faaono tula'i mai ai se tulaga solomuli i leoleo mai le aumaia o mataupu ia latou te fuafua ai ni faaiuga e molia ai e faasaga i aafiaga tau tupe a le malo. Afai e tuuina atu se faamatalaga, pau lava le mea e tatau ona iloilo e leoleo pe lava molimau ma e 'aua le vaai fua i aafiaga o le tuuina atu o totogi pe afai e le manuia le moliaga a le itu a leoleo/loia. O le mea lea, na faatu ai e le e aafia ai e faapea o le f 167(2) ia teuteuina ma suia i le aiaiga e maua ai e faapea ina ia tusa ai ma le lelei o tagata lautele, afai e faaleaogaina e le faamasinoga soo se faamatalaga, e leai se totogi e mafai ona tuuina atu e faasaga ile faamatalaga.

- 11.12 O le tagata lava e tasi na ia toe faatuina mai e faapea o se aiaiga fou ia aofia i totonu o le *TTTS* ia faataga ai le itu a leoleo/loia ma le ua molia e apili totogi ua faatonuina.

- 11.13 O feutaga'iga ma sui o le faamasinoga na aliali mai e faapea o le fua mo totogi ua le aoga ma lē talafeagai ma ua manaomia vave lava le toe faafou.

Manatu o le Komisi

Totogi e faasaga i le itu a Leoleo/Loia

- 11.14 Ua aloa'i e le Komisi e faapea a o'o mai i totogi i mataupu tau soligatulafono, e i ai itu lelei e tauva e aafia ai tagata lautele e ao ina iloilo toto'a. I le isi itu, o le itu a leoleo/loia, e le pei o le itu o lo'o tagi i se mataupu silisili o ia lea o lo'o ua na aumaia se tagi mo le lelei lava o alii poo le tamaitai foi, aumaia tualumaga i le tulaga lelei mo tagata lautele, ma e ao ina tagogia ma le faaeteete lava e uiga i le tuuina atu o totogi. I le isi itu, o ē ua molia i mataupu tau soligatulafono ua tuuina atu i ai le itu e mamafa le tau ma le tuuina atoa o latou lava tagata i le puipuiga oi latou ma e le o i ai se avanoa e teuteu ai le mataupu i tua mai o le faamasinoga e pei ona faaono mafai ai i mataupu tau va o tagatat. O lo latou saolotoga, igoa tauleleia ma le itu tau tupe, ua po o e mafai, ona, aafia. O le

tuuina atu otometi o totogi i le itu ua faamanuiaina, e pei o le tulafono i faamasinoga tauva o tagata, o le a ui i lea e lē faapea o le a alu ai lava le lelei e pei o mataupu/faamasinoga tau soligatulafono.

- 11.15 O le mafua'aga o le tuuina atu o totogi o le tau i atu lea o se itu na'o tupe na alu ia e faapea na talafeagai ma lelei le faaaluina. E le poloa'iina ni totogi ia faasala ai le itu na le manuia. O ia tulaga e totogi ai i le lagona e faapea o ia totogi e faamalieina ai le itu ua faamanuiaina.
- 11.16 E moni e faapea o le itu a leoleo/loia na auamaia taualumaga mo le manuia o tagata lautele, ma e tatau ai la ona taofia mai le faia ona mafua'aga tau tupe. Ae peitai ane, e manaomia le itu a leoleo/loia e faapena lava mataupu ia atoatoa ona lelei ma faatoa molia pe a lava mafua'aga e lagolagoina ai le mataupu. I le le faafesaga'i ma le aafiaga o se tuuina atu o totogi i lē ua molia e faaono mafai ona afaina ai le tulaga lelei o le sauniuniga a le itu a leoleo ma faaono mafai foi lava ona o'o atu i le faateleina o le molia e le itu a leoleo o tagata e mamā. O le tulaga e ono tulai mai e faapea e mafai ona tuuina atu totogi e faasaga i le itu a leoleo o lona uiga ua iloiloaina o se faatosina taua 'ua faamautuina ai pea le maualuga o le tulaga o suesuega ma le itu a leoleo/loia.
- 11.17 E lē manatu le Komisi e faapea o totogi e tatau ona tuuina atu i le faapea e faigofie lava auā na faasaoloto/solofua lē ua molia. Ua maitauina e le Komisi e faapea e ono i ai mataupu ia e te'i a ua 'laki ai' le ua molia po o ua faamalositia le itu a leoleo i lana lava amio le pulea a le alii poo le tamaitai po o le leai o se faautauta. Ae peiseai ua manatu le Komisi e faapea e talafeagai e faapea afai o le itu a leoleo ua faia le mataupu i se uiga faatamala, e fai ma faataitaiga pe afai o mea moni sa lelei ma atoatoa le suesueina, faapea o le itu a leoleo e tatau la ona ia totogi le tau o mea a lē ua molia.
- 11.18 O le mea lea ua fautuaina ai e le Komisi e faapea o le faamasinoga e ao ina faatumauiyina pea le tulaga agava'a e tuuina atu totogi i le ua molia lea ua ia manatu e sa'o ma talafeagai ona faia o lea tulaga. O le faaiuga e tuuina atu totogi, ma le aofa'iga e tuuina atu, e ao ina tuuina atu i le pule faitalia a le faamasinoga e faaoga ai faiga faafamasinoga/faaletulafono o loo i ai le taimi nei.
- 11.19 Na maitauina atili e le Komisi e faapea e lē faamatalaina lelei mai e le *TTTS* se faatagaga i itu faamasaniga e apili ai poloaiga e faasaga i totogi. O le fuaiupu 138 o le *TTTS* o lo'o faaupu mai le leai o ni apili mai le Faamasinoga Faa-Itumalo i le Faamasinoga Maualuga e faasino i poloaiga mo le totogiina atu o totogi i luga o le faaleaogaina o le faamatalaga, a'o le Vaega VIIA o le Tulafono, lea e fesootai i apili mai le Faamasinoga Maualuga i le Faamasinoga o Talosaga/apili, e gūgū pe leai se upu, e faasino i apili e faasaga i poloaiga o totogi. O manatu la i le paleni faaeteete gata o iloiloiga a le Faamasinoga e tatau pea o ina tagofia pe a oo ina faia pe teena le faia o se poloaiga e faasino i totogi ma le mea moni e faapea o poloaiga o totogi e mafai ona tuuina atu matafaioi taua i luga o le itu a leoleo/loia po o lē ua molia, ua manatu le Komisi e faapea e tatau ona i ai se aiā tatau e apili se faaiuga e faia ai, po o le teena le faia, poloaiga e faasino i totogi i faamasinoga tau soligatulafono. Ua maitauina e le Komisi e faapea o lea tulaga o le a o gatasi ma tulafono o taualumaga tau faafaamasinoga o soligatulafono i pulega faafaamasinoga e faatusatusa i

ai, ia e maua ai le aiā tatau e apili ai e faasaga i se faaiuga e faia ai pe teena le faia o se poloaiga o totogi. Ua manatu foi le Komisi e faapea o le a na tuuina atu le faamalamalama pe afai o le *TTTS* o le a maua ai se faamatalaga e faapea o itu faamasinoga uma e mafai ona apili poloaiga ua faia e faatatau i totogi.

11.20 Ua maitauina e le Komisi e faapea o le f5 o *Tulafono Laiti a le Faamasinoga Maualuga (Tau ma Totogi) 1971* e lei toe teuteuina le maualuga o totogi ia e faapea e mafai ona tuuina atu talu mai ina ua amata faamamaluina i le 1971. O aofaiga o loo lisiina atu i le fua faatatau ua le toe aogā ma ua moomia le toe faafou mo le mafua'aga o le faamautuina e faapea o le tuuina atu o totogi ia valavala le atagia ai totogi tonu o le faiga o mataupu tau soligatulafono. Na faia le fautuaga e le Faamasinoga Maualuga i le 2000.

11.21 Ae le gata ai i lea, na maitauina e le Komisi e faapea o le f5 o le *Tulafono Laiti a le Faamasinoga Maualuga (Tau ma Totogi) 1971* na faatagaina ai le faamasinoga e tuuina atu totogi e sili atu pe laiti nai lo le aofaiga na faatulaga i le Faamatalaga Lona Lua na faapu'upu'uina atu e feteena'i ma le f 167(5) o le *TTTS* lea e faapea mai e faapea o totogi e i lalo o lea fuaiupu e le tatau i se mataupu ona sili atu le aofaiga na maua i so fua faatautau. I totonu o Niu Sila, lea e faatulaga atu ai e tulafono faatonutonu soo se faaupito maualuga o totogi, e mafai e le faamasinoga e ui lava i lea, faia se poloaiga mo le totogi ina o totogi e sili atu nai lo le fua faatapula'a pe afai ua faamalieina e faapea, i le manatu ane i le faigata faapitoa, feteena'iga po o le taua o le faamasinoga.

O le faia o ni totogi ua sili atu ma tatau ma fetauti

11.22 Ua manatu ai le Komisi e faapea o Samoa e ao ina faia se faiga e tutusa ma fautuaina ai e faapea o le *TTTS* ia teuteuina i lea tulaga.

Fautuaga 28: Ole fuaiupu 167 (2) o le *Tulafono o Taulumaga Tau Soligatulafono 1972* lea e faataga ai le faamasinoga e poloaiina le itu a leoleo e totogi tau a lē ua molia pe afai o le faamatalaga na faasaga i le ua molia ua faaleaogaina, e tatau ona faatumauiina pea.

Fautuaga 29: E tatau ona teuteuina le *Tulafono o Taulumaga Tau Soligatulafono 1972* ia aveese ai le aiaiga e taofia ai se apili o se poloaiga mo totogi i le f 138(2) ma ia faamatala mai ai le faatagaina o itu faamasinoga e apili faasaga i poloaiga o totogi.

Fautuaga 30: O *Tulafono laiti a le Faamasinoga Maualuga (Tau ma Totogi) 1971*, lea e maua ai totogi o aofa'iga maualalao ma maualuluga, e tatau ona faatou ina ia atagia tonu ai totogi talafeagai o loia, auunaga faafoma'i ma totogi e ola ai.

Fautuaga 31: O le fuaiupu 167(5) o le *Tulafono o Taulumaga Tau Soligatulafono 1972* e ao ina teuteuina ina ia faataga ai le faamasinoga, ile fai fuafua i le fuapau talafeagai ma le tauleleia o le faamasinoga, ia faatulaga totogi i se aofaiga e sili atu ii a na faatulaga atu i fuapau manaomia.

Tau ma mea e Toe Faaola

- 11.23 O le fuaiupu 165 o le *TTTS* ua fataga ai le faamasinoga e poloa'iina le tagata ua faamaonia lana soligatulafono e totogi atu tau ii soo se tagata o ia lea na afaina ma leiloa po o le faaleagaina o a latou meatotino e ala atu po o na mafua mai i soligatulafono.
- 11.24 O sui o le faamasinoga na feutaga'i ma le Komisi na faaalua e faapea o le f 165 e na'o na taua le toe faaola o mea ma tau ma le leiloa o meatotino. I le itu la lea, e ausage le faamasinoga i le malosi'aga e faaalua ai ia poloa'iina se tagata ua faamaonia lava soligatulafono ia tau atu i se tagata mo isi ituaiga o mea ua leiloa, e pei o tupe na alu i foma'i po o totogi i le ofisa o le faanofo va'ava'aia.
- 11.25 O tulafono i isi pulega faafaamasinoga ua maua ai e faapea o se tagata ua faamaonia lava soligatulafono e mafai ona totogi atu tau ma ituaiga eseese o n mea naleiloa ma faaleagaina. I Sikotilani, e mafai e le faamasinoga ona faia poloaiga o tau ma faasaga i le tagata ua faamaonia lana soligatulafono e manaomia ai ia le alii poo le tamaitai e totogi atu i le na afaina mo manua'ga i lona tino, leiloa poo n mea nafaaleagaina tuusa'o pe ese le auala na faao'atu ai, po o tulaga afaina po o le mafatia na mafua tonu lava. I Fiti, soo se tagata lava o ia lea ua faamaonia i se soligatulafono e mafai ona poloa'iina e totogi tau ma soo se tagata ua faamanu'alia e, po o ia ua afaina i le faaleagaina o lana meatotino po o ua leiloa e ala i le mea ua tupu, o lea soligatulafono ma lea tau ma mafai o nape faaopopo i, po o le ile suia mo, soo se isi faasalaga po o isi faasalaga faafalepuipui.

Manatu o le Komisi

- 11.26 Ua manatu la le Komisi e faapea o le leiloa o le mea totino e le faapea o le a tupu pea lava. O se tulaga matuia e o'o i e na afaina i soligatulafono ae peitai e faapea i le tele o mataupu, o manua'aga i tagata po o mea na leiloa e maua ai le matua tele o totogi i luga o e na afaina. O le faafeagai ma totogi maualuluga o pili a foma'i e masaniu lava ona mafatiaga lona lua lea e o'o i le ua afaina lea ua uma ona tigaina ma mafatia na mafua mai i le soligatulafono, ma o le tele o mataupu o le afaina i le tagata lava ia e sili atu ona tuga tele nai lo le leiloa o mea totino. o le toe faaola ma tau ma aiaiga o le *TTTS* e tatau ai la ona atagia ai e faapea o soligatulafono uma e le na'o le faapea ua faia e faasaga i mea totino a'o o lo'o faasaga foi i tagata.

Fautuaga 32: E ao ina teuteuina le fuaiupu 165 o le *Tulafono o Taulumaga Tau Soligatulafono 1972* ia faataga ai le faamasinoga e poloa'iina le tagata ua faamaonia lana soligatulafono ia totogi atu i soo se tagata se aofaiga o se tupe ua ia manatu e fetui e amata atu i le tau ma manua'ga i le tagata lava ia, leiloa poo ua faaleagaina, e aofia ai totogi o itu tau le soifua maloloina, na maua e le tagata e auala atu pe ona o mafua'aga o le soligatulafono.

12. Fautuaga Lautele

- 12.1 I lenei ripoti, ua faia ai e le Komisi ni fautuaga e 32 ina ia faaleleia ai le faatinoga o aiaiga faapitoa o le *TTTS*. O le vaega mulimuli lenei ua faia ai fautuaga lautele e lua mo le toefuata'iga o le *TTTS*.

Mea o loo faia ai le faasalaga i le oti

- 12.2 O le faasalaga i le oti mo soligatulafono ua soloia i le 2004. Ae ui i lea, o lo'o i ai pea i le *TTTS* le tele o mea o lo'o ta'ua ai le faasalaga i le oti, e fai ma faata'ita'iga i le va o le malosia'ga e saisaia mai ai, tatalaga i tua ma faamasinoga e i ai faatonu. E tatau ona teuteuina le *TTTS* ia aveese ai le ta'ua o ia mea.

Fautuaga 33: E tatau ona teuteuina le Tulafono o Taulumaga o Faamasinoga o Soligatulafono ina ia aveese ai mea uma o lo'o ta'ua ai le faasalaga i le oti o se mea o lo'o mulimuli atu pea i le teuteuga o le faasalaga i le oti na faia e le Tulafono o Toe Teuteuga o Soligatulafono (Soloia o le Faasalaga i le oti) 2004.

Faiga o le Toefuataiga o Tulafono

- 12.3 E lua avanoa mo le faatuina o fautuaga a le Komisi mo le toefuataiga o le *TTTS*. O le faiga mama o le toe teuteu lea o lea *TTTS* o loo i ai nei ma teo tusi se tulafono fou o taualugamaga faafaamasinoga o soligatulafono mai le amataga. O lona lua o le tu'u mai lea i totonu o fautuaga a le Komisi e fai ma toe teuteuga i le *TTTS* o lo'o i ai nei.
- 12.4 E 'apo e le Komisi le faiga lona lua. O fautuga o lo'o faia i lenei ripoti ua aofia ai na'o vaega ua filifilia o le *TTTS* ia na faaalua ai e ē e aafia ai atugaluga e faasino i mataupu ia e faapea ona tula'i mai i lo latou faatinoga. Ua manatu le Komisi e faapea e taua 'aia le fautuaina toe mafaiga mo le manatu i le faia o lea tulaga, ae peitai ia na'o le itu o loo faaalua mai ai le mana'oga mo suiga. O aiaiga na o le *TTTS* ia e faapea sa lelei galueina i le galuega, ma o lea na tele le atuina a'e ai o se vaega tele o le tulafono, e tatau la ona faapea ia tumau ona lē suia.

Fautuaga 34: O le toe fuataiga o le tulafono i le *Tulafono o Taulumaga Tau Soligatulafono 1972* e ao ina avea e auala atu i toe teuteuga i le Tulafono, ma ia lē auala atu i le toe tusia o le Tulafono i lona tulaga atoa.

Lisi o Fautuaga

Fautuaga 1: O le faamatalaina o le upu ‘leoleo’ i le fuaiupu 2 o le *Tulafono o Taulumaga Tau Soligatulafono 1972* e tatau ona teuteuina ina ia aofia ai na’o sui o leoleo ua tautō, e pei ona faamaninoina e le fuaiupu 6(2) o le *Tulafono o Auaunaga Faaleoleo 2009*, ia ua latou tagofia le tautoga o le galuega e tusa ai ma le fuaiupu 7 o le *Tulafono o Auaunaga Faaleoleo 2009*.

Fautuaga 2: E tatau i le *Tulafono o Malosiaga o Leoleo 2007* ona suia pe teuteu ina ia aofia ai se aiaiga fou, e faavae i luga o le f 36 (malosiaga e taofi ma suesue se tagata), e faamautu ai le malosiaga e taofi se taavale poo le faaoga le poloka o le auala lea ua maua ai e se leoleo ni mafuaaga talafeagai mo le masalomaiaina o sea tagata i totonu o le taavale o loo ia te ia se mea poo o loo i ai i le taavale se mea nagaioia poo se isi faiga na maua i se auala faasolitulafono. O sea aiaiga fou e tatau ona faatulaga atu ai taulumaga e faapea e tatau i leoleo ona mulimuli i ai pe a oo ina faaoga le malosiaga, e aofia ai e faapea o le leoleo:

- Ia ofu lana toniga poo i totonu o se taavale lea e mafai ona iloagofie ai o ia o le alii/tamaitai o ia o se sui o leoleo, poo le tuuina atu molimau e faapea o ia o le alii poo le tamaitai o se sui ole vasega o leoleo;
- I le taimi lava lea ina ua tu le taavale, faailoa ia o le alii poo le tamaitai i le avetaavale o le taavale i le tuuina o lona igoa o le alii poo le tamaitai ma le ofisa o leoleo;
- Faailoa atu i le avetaavale le faatuina ma le sueina o le taavale e tusa ma le tulafono e faapea o loo fia faaogaina e le leoleo, poo le tusi saisai ua i ai ma o loo aoga; ma
- Faia se ripoti o le suega na faatinoina ma ia tuuina se kopi i le avetaavale.

Fautuaga 3: E tatau ona teuteuina le fuaiupu 15 o le *Tulafono o Taulumaga Tau Soligatulafono 1972* ia maua ai e faapea o se faamatalaga e mafai ona aofia ai le sili atu i le tasi le soligatulafono lea e faapea o soligatulafono o loo faavae pe maua i luga o mea tonu e tutusa poo uiga, poo ni vaega o faagasologa o soligatulafono o le mea e tasi poo foliga e tutusa. I le tulaga e sili atu i le tasi le soligatulafono ua molia ai i totonu o se faamatalaga, o uiga tonu o se soligatulafono e tatau lava ona faaupu atu i se isi parakalafa e ese ai.

Fautuaga 4: E le tatau ona aofia i le *Tulafono o Taulumaga Tau Soligatulafono 1972* ni aiaiga e faapea e faatonu ai le faamasinoga ia iloiloina le taofia ia mafuli i le tatala i tua mo ē ua molia o loo faatali faamasinoga. O le vasega o leoleo poo le ofisa o le Loia Sili e tatau ona tauaveina le avega e faamalieina le faamasinoga e faapea o lē ia molia o loo faatali le suesuega e tata ona taofia i le falepuipui nai lo le tatala i tua.

Fautuaga 5: E ao i le *Tulafono o Taulumaga Tau Soligatulafono 1972* ona toe teuteuina dina ia maua ai e faapea o se tagata ua le mafai ona tatala i tua e tusa ma lona aiā tatau lea o loo molia ai se alii poo se tamaitai i se soligatulafono lea na tula’i mai i le siosiomaga o sauaga i aiga, e pei ona faamatalaina e le Tulafono Taufaaofi o le Saogalemu o Aiga 2011.

Fautuaga 6: O le *Tulafono o Taulumaga Tau Soligatulafono 1972* e ao ina toe teuteuina e maua ai e faapea, pe a iloiloina pe tatau i se ua molia ona taofia i le falepuipui poo le tatala i tua, e ao i le faamasinoga poo le ofisa e taofia tagata ona manatua e i ai le tulaga faigata e faaono tula’i mai e faapea o lē ua molia o le a:

- sola poo le lē mafai ona tula'i i luma o le faamasinoga e pei ona manaomia ai;
- soli se tulafono a'o la e tatala i tua;
- ono lamatia le saogalemua o soo se tagata poo le atunuu lautele; poo
- faalavelave i molimau poo se isi faiga e taofia ai taualumaga a le faamasinoga.

O le *Tulafono o Taualumaga Tau Soligatulafono 1972* e ao ina maua atili ai aiaiga e faapea, i le faamautuina pe nisi ituaiga mea faigata e ono tula'i mai, e mafai e le faamasinoga poo le ofisa e taofia tagata *ona amanaia ia tulaga*:

- le natura ma le matuiā o le soligatulafono lea ua molia ai le tagata;
- o le malosi o le molimau e faasaga i lē ua molia;
- le mamafa o le faasalaga lea e ono tuuina atu i le tagata;
- le lē mafai e lē ua molia ona tausisia soo se tuutuuga lea na tuuina atu i le tatalaga i tua;
- le uiga ma amioga ua tuanai a le ua molia (e aofia ai le tala'aga o le ua molia, fesootaiga ma le atunuu, le nuu e nofo ai, galuega ma le tulaga o loo i ai le aiga, ma soo se soligatulafono talu ai);
- poo lea le vave e faia ai le faamasinoga o lē ua molia ma le umi o soo se tolopoga;
- le faaono tulai mai o le faaituau i lē ua molia ona tuu saoloto ona o nisi mafuaaga, e pei o le faigaluega, aoaoga, tausiga ma le vaaiga o ē o loo tausia poo mafuaaga faalesoifua maloloina;
- pe e manaomia e lē ua molia ona tuu saoloto ona o nisi mafuaaga e pei o le faigaluega, aoaoga, tausiga ma le vaaiga o ē o loo tausia poo mafuaaga faalesoifua maloloina;
- le saogalemua ma le manuia solo lelei o soo se o latou ua afaina i le soligatulafono ua molia ai;
- faigata e faaono tula'i mai e aafia ai lē ua molia ao taofia; ma
- soo se isi lava mataupu e aofa i itu faapitoa o le mataupu.

Fautuaga 7: O le *TTTS 1972* e tatau ona teuteuina ia maua ai e faapea afai o le faamasinoga poo le ofisa e taofia tagata ua faatino le pule faitalia e tuuina atu le tatala i tua poo le teena le tatala i tua i se tagata o ia lea ua faamaonia lana soligatulafono ma ua faatali lona faasalaga, e ao i le faamasinoga poo le ofisa e taofia tagata ona iloiloia e faaono tupu mai o se o loo taofia e maua se faasalaga faa-falepuipui, e faaopopo i le tulaga ua faaupuina atu i le Fautuaga 6.

Fautuaga 8: O fuaiupu 148 ma le 164C o le *Tulafono o Taualumaga Tau Soligatulafono 1972* e tatau ona teuteuina ia tuu atu ai tulaga e taitaiina ai le faatinoga o le pule faitalia a le faamasinoga ia tatala i tua se tagata o ia lea o loo taofia ma o loo apili le faamasinoga o lona moliaga o le alii poo le tamaitai poo le faasalaga. O le mamafa e ao ina i luga o le tagata lea e taumafai e tatala i tua ia faamalie le faamasinoga e faapea e lelei mo le faamasinoga ia tatala i tua le tagata i ni tu'utu'uga. A oo la ina faamautuina mai pe lelei mo le faamasinoga le tuuina atu o le tatala i tua, e tatau ona iloiloia e le faamasinoga:

- le malolosi o mafuaaga o le apili;
- le umi o le faasalaga lea ua tuuina atu i le ua apili;
- le umi o le taimi e ono oo i ai lea o le a alu ao le'i fofogaina le apili;
- uiga e aafia ai le tagata o loo apili ma lona aiga vavalalata; ma

- soo se isi mataupu ua manatu le faamasinoga e aoga.

Fautuaga 9: O le *Tulafono o Taulumaga Tau Soligatulafono 1972* e tatau ona teuteuina ina ia maua ai e faapea o se faamasinoga poo le ofisa e taofia tagata ua i ai le pule faitalia e tuu atu ai ni aiaiga i luga o tatalaga i tua lē ua molia ia e matua talafeagai lelei lava ina ia faamautuina o le na molia o le a tulai i le faamasinoga e pei ona manaomia ai, o le a le solia se tulafono a’o tatala i tua, o le a le afaina ai le saogalemu o soo se tagata poo tagata lautele; ma e o le a le faalavelave i tagata molimau poo le se isi faiga e taofia ai le faagasologa o le faamasinoga, e aofia ai, ae peitai e le faaagata ai iina ae:

- manaomia ai le ua molia ia lipoti i leoleo i taimi ma nofoaga faatulagaina;
- manaomia le ua molia ia tuuina atu pepa malaga uma;
- manaomia le ua molia e nofo i se nofoaga patino;
- faasa le ua molia mai i le asiasi i se nofoaga patino;
- faasa le ua molia mai i le fesootai atu i se tagata faapitoa; poo
- manaomia le ua molia poo se faamaoniga e togoti se feagaiga tau tupe i le faamasinoga.

Fautuaga 10: O le *Tulafono o Taulumaga Tau Soligatulafono 1972* e tatau ona teuteuina ia faataga ai le ua molia ma leoleo ma loia a le ofisa o le Loia Sili e talosaga i le faamaisnoga mo le fetuutuunaiga o soo se tuutuuga ua tuuina atu i le tatalaga i tua.

Fautuaga 11: O Matagaluega o le Faamasinoga ma Pulega o Faamasinoga, Ofisa o Femalagaiga a Samoa ma le Matagaluega o Leoleo ma Falepuipui e tatau ona atia’e ma faatino se faiga ina ia faapea le faamasinoga, ofisa e taofia tagata poo le leoleo e mafai ona siaki sa’o lava i le matagaluega o Femalagaiga ia faamautu mai pe i ai pe lea ii le ua molia o ia lea o le a tatala i tua i luga o aiaiga e faapea o le alii poo le tamaitai ia tuuina atu sa’o atu se pepa malaga e i ai pe leai ni pepa malaga.

Fautuaga 12: O le fuaiupu 4 o le *Tulafono o Taulumaga Tau Soligatulafono* e tatau teuteuina ia faataga ai leoleo e saisai ma ave loa e taofi e aunoa ma se tusi saisai soo se tagata o ia lea o se alii poo se tamaitai e i ai mafuaaga talafeagai e masalomia ua ia le mafai ona tausisi i soo se aiaiga o le tatala i tua.

Fautuaga 13: E tatau ona i ai pea i le faamasinoga le pule faitalia e faaleaogaina ai faamatalaga talu ai e le o atoa tapenaga a le itu tagi poo le tolopo o suesuega pe afai ua le oo atu lē na faauluina le mataupu. E leai se moomiaga e teuteu ai le *TTTS 1972* ina ia faatagaina le na faauluina le mataupu ina toe tuuina atu faamatalaga i le faamasinoga.

Fautuaga 14: Ua lagolagoina e le Komisi teuteuga i le *Tulafono o Taulumaga Faafaamasinoga o Soligatulafono 1972* ia na faatulai mai e le Matagaluega o Faamasinoga ma le Pulega o Faamasinoga ia ua i totonu o le Ata Faataitai o le *TTTS* ma *Tulafono Tau Faaofi o Teuteuga (2008)* ia e faasino i malosiaga o Resitara o Faamasinoga.

Fautuaga 15: E ao i le Matagaluega o le Faamasinoga ma le Pulega o Faamasinoga ona atina’e ma pulea polokalame tau aoaoga mo Resitara o Faamasinoga, e uiga i matafaioi, tiute tauave, agavaa ma tusi pasi ma tomai e talafeagai ma moomia i le faatinoga o o latou malosiaga i lalo o le *Tulafono o Taulumaga Faafaamasinoga o Soligatulafono 1972*.

Fautuaga 16: O le *TTTS* 1972 e tatau ona aofia ai i totonu se pulega mo le faailoaina o faamatalaga e le itu tagi i se o loo tali i le moloaga. O lea pulega mo le faailoaina atu e tatau:

- Ona faapea mai ua i ai i le itu tagi le tiute faalauaitetele e faailoa atu ai i le itu tete'e soo se faamatalaga o loo latou umia talu ai on o ni mafuaaga e ono lapelapea ai le tauaveina o le mataupu a le itu tagi poo le fesosoani lea i le mataupu a le ua tuuaia.
- A i ai, e tatau i le itu tagi ona faailoa atu i le itu tete'e i se taimi vave ua talafeagai ona faia ai pea tuanai le amatalia o taualumaga o faamasinoga ma ia le silia i le 30 aso ae lei taunuu i le aso o le faamasinoga:
 - se lisi o igoa o tagata ua faamoemoe le itu tagi e valaau e molimau, ma a latou faamatalaga tusitusia;
 - Faamatalaga uma na faia e le o loo tete'e, pe na tuu fofoga poo faamauina tusitusia faasologa.
 - Soo se faamatalaga, se pepa poo se mea ua faamoemoe le itu tagi e faalagolago i ai, i taualumaga o le tolaulauga o molimau;
 - le faasologa o mea ia ua faamoemoe le itu tagi e tuuina atu e fai ma molimau;
 - Soo se vaega puupuu o se molimau o le a fofogaina, poo se ripoti o le a tuuina atu, e se molimau i poto faapitoa;
 - Faaaliga i soo se mea lava o le a taulegaina ai le talitonuina o se tasi ua fuafua le itu tagi e ave ma molimau, e aofia le tulaga o soligatulafono sa faia; ma
 - Soo se faamatalaga e fesootai ma le soligatulafono ua tuuaia, e aofia ai faamatalaga o le a le faamoemoe le itu tagi e faalagolago i ai pe a tau le faamasinoga, ma e le taua ai le tulaga pe o le fesosoani lea ile itu tagi poo le itu tete'e.O nei faamatalaga ua tatau foi ona tuuina atu i le faamasinoga i le vaita lava lea.
- Aiaia mai e ona mafai e le itu tagi oma le mafai ona faailoa atuni faamatalaga ua taua i ni mataupu faamanuaiga faapito o se itu e tulaga ese ai lea tagata poo le a ona o ni mafuaga o le a:
 - Aafia ai le malutia, puipuiga poo le faavaomalo a Samoa;
 - Faaituau le puipuia, suesuega poo le finauina e faamaonia o moliaga faasolitulafono;
 - Lepetia le soifua poo le malu puipuia o soo se tagata; poo
 - Faaituau i le puipuiga o le saogalemu o tagata lautele
- Moomia le tuuina atu e le itu tagi i le o loo tali i le mataupu se faasologa o soo se faamatalaga o loo le mananao e faailoa mai.
- Ia taua manino mai e faapea o le itu tagi ua i ai le tiute fai o le faailoa mai i se taimi vave ua alagataua a i le o loo tali i le moliaga ni faamatalaga fou o le a taulimaina e le itu tagi ae ua maea ona faia le faailoa atu o faamatalaga.
- Aiaia e faapea o le Faamasinoga ua i ai le pule e poloaia ai e faapea o ni faamatalaga sa taofi muamua mai le faailoa atu ua tatau ona faailoa atu i le o loo tete'e ona o le amiotonu a le Faamasinoga.

Fautuaga 17 : O le *Tulafono o Taualumaga Tau Soligatulafono* 1972 e tatau ona tapa/moomia se ua tete'e o loo faamoemoe e faalagolago i se mau tete'e e ese le mea ia i ai i le taimi na faia ai le solitulafono ona faailoa atu i le itu a leoleo/loia sili ia le i lalo ifo o le 7 aso ao lei tau le faamasinoga ia faamatalaga e faatatau i lena mau tete'e, e aofia ai igoa ma tuatusi o nofoaga e

mau ai o soo se molimau e lagolago ai le mau tete'e e ese le mea na i ai i le taimi na faia ai le solitulafono.

Fautuaga 18: O le Tulafono o Taulumaga o Soligatulafono 1972 e tatau ona manaomia se ua molia o loo faamoemoe e valaau se molimau ua i ai tomai faapitoa ia le faailoa atu i le itu a leoleo ia le i lalo ifo o le fitu aso ae lei tuuina le faamasinoga o se faamatalaga puupuu o molimau o le a fofogaina, poo ripoti na saunia e le na molimau tomai faapitoa.

Fautuaga 19: O le fuaiupu 89(2) o le *Tulafono o Taulumaga Faafaamasinoga o Solitulafono 1972*, o loo ua manaomia le faaliliuina o faamatalaga a molimau mo le itu a leoleo i le FaaPeretania, ua tatau ona soloia ma o le fesili i le gagana mo pepa a le faamasinoga ia taoto i le pule faitalia a le faamasinoga.

Fautuaga 20: E tatau ona aofia ai aiaiga i le *Tulafono o Taulumaga o Faamasinoga o Soligatulafono 1972* ia faafofoga ai molimau i atunuu i fafo e tuuina atu molimau e auala i ata pue video mo suesuega/faamasinoga. O taulumaga taitasi o le a iloiloia e le Komisi i lana iloiloga o le *Tulafono o Molimau 1961*.

Fautuaga 21: E tatau ile *Tulafono o Taulumaga Tau Soligatulafono 1972* ona maua ai le otometi o le taofiga o le faasalalauina o le igoa ma soo se itu e faaono iloa ai le ua aafia i se soligatulafono tau feusua'iga. E tatau ona tuuina atu i le faamasinoga le masalosia'ga e faataga ai le faasalalauina ile talosaga a le ua aafia/afaina.

Fautuaga 22: E tatau ona teuteuina le Tulafono o Taulumaga Tau Soligatulafono 1972 ia aiaia ai e faapea ao faagasolo le faia o molimau mai lē ua aafia, o taulumaga o faamasinoga tau soligatulafono tau feusua'iga e ao ona nafa ma faamasinoga tapunia e faatasi ai na'o tagata nei:

- O le faamasino;
- O lē ua molia ma le loia a le alii poo le tamaitiai
- Le sui a le itu a leoleo/loia;
- Ofisa o le faamasinoga e nafa ma fetui ma taulumaga o le faamasinoga ma faamaumauga;
- Soo se isi tagata o lo ua i ai na talosagaina e le *molimau* (e pei o le tagata lagolago) ; ma
- Soo se tagata o lo ua auai ua finagalo le faamasinoga e talafeagai ona iai

Fautuaga 23: E ao ina teuteuina le fuaiupu 61 o le Tulafono o Taulumaga Faafaamasinoga o Soligatulafono 1976 ia faataga ai le faamasinoga, i lana pule faitalia, ia faia ai se poloaiga o le taofia o le faasalalauina o igoa, tapunia le faamasinoga, po o soo se isi lava poloaiga e puipuia ai, e aofia ai suesuega e le auai atu ai ma le faaalia o ata o molimau ia o nisi lava auala o taulumaga o le a afaina ma lamatia ai le saogalemu o soo se tagata pe o le a mafua ai se faigata e lē tatau ona tula'i i lē ua afaina po o molimau.

Fautuaga 24: E ao ina teuteuina le Tulafono o Taulumaga Tau Soligatulafono 1972, e aveese ai aiaiga mo le faamasinoga a faatonu ma faamasinoga i le Faamasinoga Mauauga a Samoa ia fofogaina e le Faamasino sa'o ia lava.

Fautuaga 25: Afai o le fautuga 24 e le taliaina, ua fautuaina e le Komisi le toefuata'iga lea e mulimuli mai i le *Tulafono o Taulumaga Tau Soligatulafono 1972* e faasino i le agava'a, filifiliga ma le matafaioi a faatonu i faamasinoga o soligatulafono:

- O le fuaiupu 92 o le *Tulafono o Taulumaga Tau Soligatulafono 1972* e tatau ona teuteuina ia manaomia ai e faapea o faatonu, e ao ina ile va o le 21 ma le 65 tausaga le matutua ma malamalama i le gagana faa-Peratania ma le gagana Samoa.
- Ia maua foi i le fuaiupu e 92 o le *Tulafono o Taulumaga Tau Soligatulafono 1972* e faapea o le Komisi o le Faamasinoga, pe a faamaopopo ma faafou le lisi/faasologa o faatonu, e tatau lava ona faamautuina e faapea o le lisi e lautele nauā le atoa o sui o tagata lautele o Samoa.
- O le *Tulafono o Taulumaga Tau Soligatulafono 1972* e ao ina maua ai e faapea o le lisi o faatonu ma faatulaga atu ai tausaga o le matutua, galuega, le mea e nofo ai, sootaga ma nisi o suafa matai uma o lo'o umia e faatonu taitasi. O le lisi o faatonu ia e aofia ai foi ma se ata aupito lata mai o le faatonu.
- E ao ile *Tulafono o Taulumaga Tau Soligatulafono 1972* ona teuteuina ia manaomia ai le loia mo le itu a leoleo ma lē ua molia, ma lē molia pe afai o ia le alii po o le tamaitai e leai se isi e tu mo ia, e tatau ona maua igoa ma mea taitasi e faasino i faatonu ua filifili e auai i le faamasinoga pe tusa e lua aso a'o lumanai le faamasinoga.
- E tatau foi ona teuteuina le *Tulafono o Taulumaga Tau Soligatulafono 1972* ina ia manaomia ai e faapea a'o le'i faatautoina faatonu, o le a tatau i le faamasino e taitai ile faamasinoga ona faamatalaina i faatonu le natura o le mataupu o le a suesuein, ituaiga o mataupu o le a finauina ma igoa o le ua molia, ē ua afaina/aafia ma molimau.
- O le *Tulafono o Taulumaga Tau Soligatulafono 1972* e tatau ona teuteuina e faataga ai le itu a leoleo/loia ma lē ua molia e fesiligia faatonu e uiga i o latou manatu i le mataupu ua i luma o le faamasinoga a'o le'i faatautoina i latou ma ia faamautinoa ai pe i ai ni mafua'aga e tuuina ai mo mafua'aga soo se faatonu ia lea e le lava lo lava loa latou tulaga lē faaituau i itu faamasinoga po mataupu o le a finauina i taulumaga o le faamasinoga.
- O le fuaiupu 100 o le *Tulafono o Taulumaga o Soligatulafono 1972*, lea e faataga ai le faamasino e soloia se faai'uga e agasala lē ua molia e le au faatonu pe afai o le alii po o le tamaitai ua ia taofi e faapea o lē ua molia e le tatau ona faamaonia lava soligatulafono/moliaga, e ao ina faatumauina.
- O le fuaiupu 87 o le *Tulafono o Taulumaga o Soligatulafono* e tatau ona toe teuteuina ina ia mafai ai e lē ua molia e filifili pe faamasinoina e le faamasino na'o ia lava.

Fautuaga 26: o le fuaiupu 107 o le *Tulafono o Taulumaga Tau Soligatulafono 1972* e tatau ona teuteuina ia:

- Aveese le aiā tatau o le itu a leoleo/loia e talosaga mo le toe faia o le faamasinoga; ma ia maua ai e faapea o le toe faia o se faamasinoga e mafai ona tuuina atu pe afai:
- Ua manatu le faamasinoga e faapea ua i ai molimau fou ma le malolosi ia ua le mafai ona talafeagai le tuuina atu ile faamasinoga ia e ono maua ai ni molimau faatuatua e faapea e maua ai se masalosologa talafeagai e uiga i le faamagaloina o le agasala a lē ua molia, ua afaina le faamasinoga i ni tulaga lē manuia o taulumaga, po o tulaga lelei o le faamasinoga lea semanu e manaomia ai e faapea o le toe faia o se faamasinoga e ao ina faia.

Fautuaga 27: O le fuaiupu 108 o le *Tulafono o Taulumaga Tau Soligatulafono 1972* *Tulafono o Taulumaga Tau Soligatulafono 1972*, lea e faataga ai lē ua molia ua faamaonia lona soligatulafono i se faamasinoga i luma o le Faamasinoga Maualuga e talosaga ile faamasino taitai mo le toe faia o se faamasinoga, ua tatau ona toe teuteuina.

Fautuaga 28: Ole fuaiupu 167 (2) o le *Tulafono o Taulumaga Tau Soligatulafono 1972* lea e faataga ai le faamasinoga e poloaiina le itu a leoleo e totogi tau a lē ua molia pe afai o le faamatalaga na faasaga i le ua molia ua faaleaogaina, e tatau ona faatumauiina pea.

Fautuaga 29: E tatau ona teuteuina le *Tulafono o Taulumaga Tau Soligatulafono 1972* ia aveese ai le aiaiga e taofia ai se apili o se poloaiga mo totogi i le f 138(2) ma ia faamatala mai ai le faatagaina o itu faamasinoga e apili faasaga i poloaiga o totogi.

Fautuaga 30: O *Tulafono laiti a le Faamasinoga Maualuga (Tau ma Totogi) 1971*, lea e maua ai totogi o aofa'iga maualalao ma maualuluga, e tatau ona faatou ina ia atagia tonu ai totogi talafeagai o loia, auunaga faafoma'i ma totogi e ola ai.

Fautuaga 31: O le fuaiupu 167(5) o le *Tulafono o Taulumaga Tau Soligatulafono 1972* e ao ina teuteuina ina ia faataga ai le faamasinoga, ile fai fuafua i le fuapau talafeagai ma le tauleleia o le faamasinoga, ia faatulaga totogi i se aofaiga e sili atu ii a na faatulaga atu i fuapau manaomia.

Fautuaga 32: E ao ina teuteuina le fuaiupu 165 o le *Tulafono o Taulumaga Tau Soligatulafono 1972* ia faataga ai le faamasinoga e poloaiina le tagata ua faamaonia lana soligatulafono ia totogi atu i soo se tagata se aofaiga o se tupe ua ia manatu e fetui e amata atu i le tau mo manua'ga i le tagata lava ia, leiloa poo ua faaleagaina, e aofia ai totogi o itu tau le soifua maloloina, na maua e le tagata e auala atu pe ona o mafua'aga o le soligatulafono.

Fautuaga 33: E tatau ona teuteuina le Tulafono o Taulumaga o Faamasinoga o Soligatulafono ina ia aveese ai mea uma o lo'o tā'ua ai le faasalaga i le oti o se mea o lo'o mulimuli atu pea i le teuteuga o le faasalaga i le oti na faia e le Tulafono o Toe Teuteuga o Soligatulafono (Soloia o le Faasalaga i le oti) 2004.

Fautuaga 34: O le toe fuataiga o le tulafono i le *Tulafono o Taulumaga Tau Soligatulafono 1972* e ao ina avea e auala atu i toe teuteuga i le Tulafono, ma ia lē auala atu i le toe tusia o le Tulafono i lona tulaga atoa.